

HECHOS I melbal jini chochbilo' b_Λ majlel ti subt'an

Tsa' p_Λji letsel ti panchan Jesús

¹ Ti yamb_Λ jun, Teófilo, tsac ts'ijbubeyet pejtelel chuqui tac tsa' caji i mel Jesús, yic'ot chuqui tsa' caji i c_Λntesan

² c'_Λl_Λl ti jini q'uin che' b_Λ tsa' p_Λji letsel. Che' b_Λ tsa' ujti i y_Λq'ueñob mandar jini apóstolob yajc_Λbilo' b_Λ i cha'an, Jesús tsi' y_Λq'ueyob mandar ti' p'_Λt_Λlel jini Ch'ujul b_Λ Espíritu.

³ Che' cha' cuxulix Jesús, che' b_Λ tsa' ujti i yubin wocol, tsi' cha' p_Λs_Λ i b_Λ ti' tojlel jini chochbilo' b_Λ majlel ti subt'an. Wen tsiquil i sujmllel. Cha'c'al q'uin tsi' p_Λs_Λ i b_Λ ti' tojlel ili winicob. Tsi' subeyob bajche' an i yum_Λntel Dios.

⁴ Che' temel añob tsi' subeyob: Mach yomic mi la' loq'uel ti Jerusalén. Yom ya'i mi la' pijtan jini subil b_Λ i cha'an lac Tat mu' b_Λ caj i y_Λq'ueñetla. Joñon tsac subeyetla ja'el.

⁵ Juan tsi' y_Λq'ueyetla ch'_Λmja'. Pero Dios mach jalix mi caj i y_Λq'ueñetla la' ch'_Λm Ch'ujul b_Λ Espíritu, che'en.

⁶ Jini cha'an jini temp_Λbilo' b_Λ tsi' c'ajtibeyob: C Yum, ¿mu' ba caj a cha' wa'chocon i yum_Λntel Israel ti ili ora? che'ob.

⁷ Jesús tsi' subeyob: Mach la' wentajic baqui b_Λ ora mi baqui b_Λ q'uin mi caj i yujtel jini, come lac Tat tsi' yotsa ti' bajñel wenta.

⁸ Pero mi caj la' w_Λq'uentel la' p'_Λt_Λlel che' mi' yochel jini Ch'ujul b_Λ Ēspíritu ti la' pusic'al. Ya' ti Jerusalén yic'ot ti pejtelel Judea yic'ot ti Samaria c'_Λl_Λ ti ñajt b_Λ pañimil mi caj la' sub chuqui tsa' la' q'uele, che'en Jesús.

⁹ Che' b_Λ tsa' ujti i sub jini t'an Jesús, che' woli to i q'uelob, tsa' p_Λjyi letsel. Tsa' m_Λjqui ti total.

¹⁰ Che' woli' ch_Λn q'uelob panchan, che' woli ti letsel Jesús, tsa' wa'leyob ti l_Λc'_Λl cha'tiquil winicob s_Λs_Λc b_Λ i pislel.

¹¹ Tsi' subeyob: Winicob, ch'oyolet b_Λ la ti Galilea, ¿chucoch woli la' ch_Λn q'uel panchan? Jini Jesús, tsa' b_Λ p_Λjyi letsel ti panchan loq'uem b_Λ ti la' tojlel, mi caj i cha' tilel che' bajche' tsa' la' q'uele che' b_Λ tsa' majli ti panchan, che'ob.

Tsa' yajc_Λnti Matías cha'an mi' ch'_Λmben i ye'tel Judas

¹² Tsa' sujtuyob winicob ti Jerusalén. Tsi' c_Λy_Λyob wits i c'aba' Olivos l_Λc'_Λl ti Jerusalén. Che'ach i ñajt_Λlel bajche' oj_Λlil legua.

¹³ Che' ochemobix ti otot, tsa' letsiyob ti yamb_Λ junlajm i mal otot ti chan ba' woli' jijlelob Pedro yic'ot Jacobo, Juan, Andrés, Felipe, Tomás, Bartolomé, Mateo, Jacobo i yalobil Alfeo, yic'ot Simón Zelotes, yic'ot Judas i yijts'in Jacobo.

¹⁴ Ti pejtelelob ti jump'ejl jach i pusic'al woli' ch_Λn pejcañob Dios yic'ot x'ixicob yic'ot María, i ña' Jesús, yic'ot i yijts'iñob Jesús.

¹⁵ Ti jim b_Λ ora Pedro tsa' wa'le ti oj_Λlil ba'an hermanojob. (Tic'_Λl mi w_Λcc'alob ya' añob.) Pedro tsi' subu:

16 Quermanojob, wersa mi' ts'actiyel i Ts'ijbujel Dios che' bajche' tsi' y_{ΛΛ} jini Ch'ujul b_Λ Espiritu ti wajali ti' yej David cha'an Judas. Jiñach Judas tsa' b_Λ i toj'esa majlel winicob tsa' b_Λ i chucuyob Jesús.

17 Come jini Judas tsa' tsijqui quic'ot lojon. Tsa' aq'uenti i ye'tel ja'el.

18 Tsa' m_Λjñi jamil yic'ot i tojol i mul. Xitil tsa' yajli. Tsa' tojmi i ñac', tsa' loq'ui i soyta'.

19 Pejtelel año' b_Λ ti Jerusalén tsi' yubiyob chuqui tsa' ujtí. Jini cha'an jini jamil tsa' ots_Λbenti i c'aba' Acédama, jiñach jamil m_Λmbil b_Λ ti' tojol i ch'ich'el winic.

20 Come ts'ijbubil ti' juñilel Salmo tac: “La' jochtiyic i chumlib, mach mi' ch_Λn ajñel winic ya'í”. Ts'ijbubil ja'el: “Jini i ye'tel la' to i ch'Λm yamb_Λ winic”. Che'ach ts'ijbubil.

21 Yom wa'chocontic juntiquil tsa' b_Λ i pi'leyonla ti x_Λmbal c'Λ_Λ che' b_Λ tsa' ochi lac Yum Jesús ti lac tojlel c'Λ_Λ che' b_Λ tsa' loq'ui ti lac tojlel,

22 juntiquil tsa' b_Λ i pi'leyonla ti x_Λmbal c'Λ_Λ che' b_Λ tsi' y_Λc'Λ ch'Λmja' Juan, c'Λ_Λ ti jini q'uin che' b_Λ tsa' p_Λji letsel Jesús ti lac tojlel. Juntiquil ili w_Λ' b_Λ an la quic'ot wersa mi' y_Λq'uentel i ye'tel testigo quic'ot lojon cha'an mi' sub ti isujm tsa' cha' ch'o_Λji Jesús. Che' tsi' y_ΛΛ Pedro.

23 Tsi' yajcayob cha'tiquil: José yic'ot Matías. I cha'chajplel i c'aba' José jiñach Justo. I jol i c'aba' jiñach Barsabás.

24 Tsi' pejcayob Dios. Tsi' y_ΛΛyob: Jatet, c Yum, ma' c_Λmben i pusic'al pejtelel winicob. W_Λ'an cha'tiquil. P_Λs_Λ baqui b_Λ ma' yajcan

25 cha'an mi' ch'Λm i ye'tel ti apóstol tsa' b_Λ i c_Λy_Λ Judas cha'an i mul cha'an mi' majlel ti' yajñib,

che'ob.

²⁶ Tsi' cha'leyob yajcaya ti alas. Tsa' yajcanti Matías. Jini cha'an tsa' tsijqui yic'ot jini junlujuntiquil chocbilo' b_Λ majlel ti subt'an.

2

Tsa' tili Ch'ujul b_Λ Espíritu che' ti' q'uiñilel Pentecostés

¹ Che' i yorajlelix i q'uiñilel Pentecostés, temel añob ti pejtelel ti jump'ejl jach ajñib_Λ.

² Ti ora jach tsa' loq'ui t'an ti panchan che' bajche' ju'ucña b_Λ ic'. Tsa' ubinti ti pejtelel jini otot ba' buchulob.

³ Ya' ti' tojlel tsa' tsictiyi cab_Λl pujquem b_Λ al_Λ c'ajc. Che' yilal bajche' la cac'. Tsa' c'oti ti' pamob i jol ti jujuntiquil.

⁴ Tsa' laj bujt'iyob ti Ch'ujul b_Λ Espíritu. Tsa' cajiyoob ti t'an ti yan tac b_Λ t'an che' bajche' tsi' y_Λq'ueyob t'an jini Espíritu.

⁵ Ya' añob ti Jerusalén judíojob mu' b_Λ i ch'ujutesañob Dios. Ch'oyolob ti jujump'ejl lum tac ti yebal panchan.

⁶ Che' b_Λ tsi' yubiyob jini ju'ucña b_Λ t'an, cab_Λl winicob x'ixicob tsi' tempayob i b_Λ. Ma'anic tsi' ña'tayob chuqui woli' yujtel, come ti jujuntiquilob tsi' yubiyob i bajñel t'an.

⁷ Tsa' toj sajt'iyob i pusic'al. Tsi' y_Λayob: Awilan, ¿mach ba ch'oyolobic ti Galilea pejtelel ili winicob woliyo' b_Λ ti t'an?

⁸ ¿Bajche' che' jini ti jujuntiquilonla woli la cubin lac t'an tsa' b_Λ lac ñopo ti lac ñojte'el?

9 Ch'oyolonla ti Partia, yic'ot ti Media, yic'ot ti Elam, yic'ot ti Mesopotamia, yic'ot ti Judea, yic'ot ti Capadocia, ti Ponto, ti Asia,

10 ti Frigia, ti Panfilia, ti Egipto, ya' ti yan tac b_Λ pañimil ti Africa ti yamb_Λ junwejl Cirene. W_Λ' añob ja'el romanojob ti lac tojlel. Lamital tsi' q'ueleyob pañimil tic lumal lojon. Yaño' b_Λ tsi' sutq'uiyob i b_Λ ti judíojob.

11 W_Λ' añob ja'el tilemo' b_Λ ti Creta yic'ot ti Arabia. Ti pejtelelonla mi la cubin ti lac t'an jini ñuc b_Λ i ye'tel Dios, che'ob.

12 Tsa' toj sajtiyob i pusic'al. Ma'anic tsi' ch'ambeyob isujm chuqui woli' yujtel. Tsa' caji i c'ajtibeño i b_Λ: ¿Chuqui i sujmllel jini? che'ob.

13 Yaño' b_Λ tsi' wajleyob: Y_Λcobix ti lembal, che'ob.

I subt'an Pedro

14 Pedro tsa' wa'le yic'ot jini junlujuntiquil. C'am tsi' chale t'an. Tsi' subeyob: Winicob israelob yic'ot pejtelel añet b_Λ la ti Jerusalén, ubinla c t'an, ñopola.

15 Come ili winicob mach y_Λcobic che' bajche' mi la' ña'tan ti la' pusic'al, come bolomp'ejl jax to ora.

16 Jiñ_Λch chuqui tsi' subu jini x'alt'an Joel:

17 “Dios mi' y_Λl: Ti jini cojix b_Λ q'uin tac mi caj c_Λq'ueño quEspíritu pejtelel winicob x'ixicob. La' walobilob mi caj i cha'leño alt'an. Ch'iton winicob mi caj i q'uelob chuqui mi' p_Λsbentelob ti espíritu. Xño_xob la' cha'an mi caj i ñajleño chuqui tac tal.

18 Isujm ti jim b_Λ ora mi caj c_Λq'ueño quEspíritu c winicob. Mi caj i cha'leño alt'an.

19 Mi caj c p_{AS} b_Λb_Λq'uen tac b_Λ ti panchan yic'ot i yejtal tac c p'_Λt_Λlel ti pañimil, ch'ich' yic'ot c'ajc yic'ot buts'.

20 Jini q'uin mi cajel i yiq'ues_Λntel, jini uw mi caj i ch_Λc'an che' bajche' ch'ich', che' maxto tilemic i q'uiñilel lac Yum, jini ñuc b_Λ q'uin mu' b_Λ caj i tilel.

21 Mi caj i yujtel che' an majqui mi' pejcan lac Yum ti' c'aba, mi caj i colt_Λntel", che'en.

22 Winicob ti Israel, ubinla jini t'an. Dios tsi' p_{AS}beyetla uts'at jini Jesús ch'oyol b_Λ ti Nazaret. Come Dios tsi' c'añ_Λ cha'an mi' cha'len ñuc b_Λ i melbal yic'ot b_Λb_Λq'uen tac b_Λ yic'ot i yejtal tac i p'_Λt_Λlel ti la' tojlel che' bajche' la' wujil.

23 Jini Jesús tsa' ajq'ui ti' c'ab winicob che' bajche' tsi' y_ΛΛ Dios ti wajali. Dios tsi' w_Λn ña'ta chuqui mi' caj ti ujtel. Jatetla tsa'ix la' xic'be xñusa mandarob cha'an mi' chucob Jesús. Tsi' ch'ijiyob ti cruz. Tsi' ts_Λnsayob.

24 Che' ch_Λmenix Jesús, Dios tsi' teche ch'ojoyel, come ma'anic tsa' mejli ti c_Λy_Λl ba'an ch_Λmeño' b_Λ.

25 Come David tsi' y_ΛΛ jini t'an cha'an Jesús: "Tsay q'uele c Yum ti pejtelel ora ti' tojel c wut, come an tic ñoj cha'an xuc'ul mi cajñel.

26 Jini cha'an tijicña c pusic'al tsa cubi, tijicña mic cha'len t'an. C b_Λc'tal mi caj i yajñel ti pijtaya,

27 come ma'anic mi caj a c_Λy c ch'ujlel ba'an ch_Λmeño' b_Λ, ma'anic mi caj a w_Λc' ti oc'm_Λl jini Ch'ujul B_Λ a cha'an.

28 Tsa'ix a p_{AS}beyon i bijlel j cuxt_Λlel. Mi caj a ñuq'uesan c pusic'al cha'an añet quic'ot", che'en.

29 Winicob c pi'_Λlob, mic subeñetla ti isujm, lac tat David tsa' ch_Λmi. Tsa' mujqui ti' yotlel

ch'ujlelΛ. C'ΛΛΛ wΛle wΛ'an la quic'ot i yotlel ba' tsa' mujqui.

³⁰ David tsi' subu jini t'an come x'alt'añach. Tsi' ña'ta isujm i t'an Dios tsa' bΛ i sube cha'an juntiquil i p'olbal, come loq'uem ti' p'olbal David jini Cristo mu' bΛ caj i buchchocontel ti' yumΛntel.

³¹ David tsi' wΛn ña'ta mi caj i cha' ch'ojoyel Cristo. Tsi' wΛn ña'ta ma'anic mi caj i cΛytlΛ Cristo ba'an chameño' bΛ. Ma'anic mi caj i yoc'mΛ i bΛc'tal ja'el. Jini cha'an David tsi' subu pejtelel jini.

³² Dios tsi' teche ch'ojoyel Jesús. Tic pejtelel lojon testigojon lojon, tsa'ix j q'uele lojon.

³³ Tsa'ix aq'uenti Jesús i ñuclél ti' ñoj Dios. Tsa' ts'actiyi i t'an i Tat tsa' bΛ subenti Jesús cha'an mi caj i yΛc' Ch'ujul bΛ Espíritu. Tsa'ix i yΛc'Λ che' bajche' woli la' q'uel woli la' wubin.

³⁴ Ma'anic tsa' letsi majlel David ti panchan. Pero tsi' yΛΛ: “Jini lac Yum tsi' sube c Yum: Buchi' tic ñoj

³⁵ jinto mi cΛq'ueñet a t'uchtan a contrajob”, che'en.

³⁶ Che' jini, la' i ñopob ti isujm pejtelel winicob ti Israel, Dios tsi' yotsa Jesús ti lac Yum. Jiñach Cristo, jini yajcΛbil bΛ, jini Jesús tsa' bΛ la' ch'iji ti cruz. Che' tsi' yΛΛ Pedro.

³⁷ Che' bΛ tsa'ix ujti i yubiñob jini t'an, ch'ijiyem i pusic'al tsa' cΛleyob. Tsi' c'ajtibeyob Pedro yic'ot yambΛ apóstolob: Winicob, c pi'Λlob, ¿chuqui yom mic cha'len lojon? che'ob.

³⁸ Pedro tsi' subeyob: CΛyΛ la' mul, ch'ΛmΛla ja' ti jujuntiquiletla ti' c'aba' Jesucristo, cha'an mi' ñusΛntel la' mul. Che'i mi caj la' wΛq'uentel Ch'ujul bΛ Espíritu ti la' majtan.

³⁹ Albilix, mi caj la' w_Λq'uentel jini Espiritu jatetla yic'ot la' walobilob yic'ot año' b_Λ ti ñajtl, che' bajche' jaytiquil mi' p_Λjyelob tilel cha'an lac Yum Dios, che'en.

⁴⁰ Anto cab_Λl t'an tsa' b_Λ i subu Pedro. Tsi' xic'beyob. Tsi' subeyob: Taja la' colt_Λntel cha'an mi la' c_Λy la' mel che' bajche' sajtemo' b_Λ, che'en.

⁴¹ Jini tsa' b_Λ i jac'beyob i t'an tsi' ch'_Λm_Λyob ja'. Ti jini jach b_Λ q'uin tsa' ochiyob che' bajche' uxp'ejl mil winicob x'ixicob.

Pejtelel tsa' b_Λ i ñopoyob temel añob

⁴² Tsi' ch_Λn ubibeyob i c_Λntes_Λbal jini apóstolob. Tsi' wen c'uxbiyob i b_Λ. Tsi' ch_Λn xet'eyob waj. Tsi' ch_Λn pejcayob Dios.

⁴³ Tsa' cajiyob ti b_Λq'uen ti jujuntiquil. Cab_Λl ñuc tac b_Λ i ye'tel tsi' meleyob jini apóstolob. Tsi' p_Λs_Λyob cab_Λl i yejtal tac i p'_Λtl_Λlel.

⁴⁴ Pejtelel tsa' b_Λ i ñopoyob, temel añob. Pejtelel i chub_Λ'an i tem cha'añob jach.

⁴⁵ Tsi' choñoyob i chub_Λ'an yic'ot i lum. Tsi' t'oxbeyob i b_Λ cha'an mi' y_Λq'uentelob jini mach b_Λ añobic i chub_Λ'an.

⁴⁶ Temel tsa' ch_Λn ajniyob ti Templo ti jujump'ejl q'uin. Tsi' xet'eyob waj ti' yotot tac. Temel tsi' cha'leyob we'el. Tijicña i pusic'al ti jujuntiquil. Jump'ejlob jach i pusic'al.

⁴⁷ Tsi' subuyob i ñucl_Λl Dios. Ti pejtelel tejclum uts'at tsi' q'ueleyob winicob x'ixicob. Ti jujump'ejl q'uin lac Yum tsi' p'ojlesa xñopt'añob woli b_Λ i colt_Λntelob.

3

Tsa' lajmi winic mach b_Λ wenic i yoc

¹ Temel tsa' letsiyob majlel Pedro yic'ot Juan ti Templo ti' yorajlel oración ti och'ajel q'uin.

² Juntiquil winic mach b_Λ wenic i yoc c'ΛΛΛ che' b_Λ tsi' yila pañimil tsa' p_Λjyi tilel. Ti jujump'ejl q'uin tsi' y_Λc'Λyob ti' ti' Templo, i c'aba' I T'ojol B_Λ, cha'an mi' c'ajtibebob taq'uin jini mu' b_Λ i yochelob ti Templo.

³ Jini winic, che' b_Λ tsi' q'uele Pedro yic'ot Juan woli b_Λ i yochelob ti Templo, tsi' c'ajtibeyob taq'uin.

⁴ Pedro yic'ot Juan tsi' q'ueleyob. Pedro tsi' sube: Q'ueleyon lojon, che'en.

⁵ Jini winic tsa' caji i wen q'uelob. Woli' pijtan mi an chuqui mi caj i y_Λq'uentel.

⁶ Pero Pedro tsi' sube: Ma'anic c taq'uin. Ma'anic c cha'an oro. Jini jach mi c_Λq'ueñet chuqui an c cha'an. Ti' c'aba' Jesucristo, jini ch'oyol b_Λ ti Nazaret, ch'ojoyen, cha'len x_Λmbal, che'en.

⁷ Pedro tsi' chucbe ñoj b_Λ i c'Λb. Tsi' teche ch'ojoyel. Ti ora jach tsa' p'Λt'a i yoc yic'ot i bic' i yoc.

⁸ Tsa' xijt'i ch'ojoyel. Tsa' wa'le. Tsa' caji ti x_Λmbal. Tsa' ochi ti Templo yic'otob. Tsi' cha'le x_Λmbal, tsi' cha'le tijp'el. Tsi' subu i ñuclél Dios.

⁹ Pejtelel winicob x'ixicob tsi' q'ueleyob wolix ti x_Λmbal jini winic. Woli' sub i ñuclél Dios.

¹⁰ Tsi' c_Λñayob jiñ_Λch tsa' b_Λ buchle i c'ajtin taq'uin ya' ti' ti' Templo, i c'aba' I T'ojol B_Λ. Tsa' toj sajtiyob i pusic'al. Tsi' cha'leyob b_Λq'uen cha'an jini tsa' b_Λ melbenti jini winic.

I subal Pedro ti' corredor Templo

¹¹ Che' chucbil Juan yic'ot Pedro i cha'an jini winic tsa' b_Λ lajmes_Λnti, ti ajñel tsa' tiliyob pejtelel

winicob x'ixicob ya' b_Λ añob ti corredor i cha'an Salomón. Tsa' toj sajtiyob i pusic'al.

¹² Pedro che' b_Λ tsi' q'ueleyob tsi' subeyob: Wini-cob ti Israel, ¿chucoch mi' toj sajtel la' pusic'al cha'an tsa'ix p'at'a i yoc jini winic? ¿Chucoch mi la' ch'ujch'uj q'uelon lojon che' bajche' mi tic bajñel p'at_Λlel, tic bajñel uts'atlel, tsa c_Λq'ue lojon i p'at_Λlel ti x_Λmbal ili winic?

¹³ I Dios Abraham, i Dios Isaac, i Dios Jacob, i Dios lac ñojte'el tsa'ix i tsictesa i ñuclél i Yalobil, jiñ_Λch Jesús. Jatetla tsa'ix la' w_Λc'Λ ti' c'Λb i contra. Tsa' la' ts'a'le ti' tojlel Pilato, che' b_Λ tsi' ña'ta i y_Λc' ti colel.

¹⁴ Jatetla tsa' la' ts'a'le jini Ch'ujul B_Λ, jini Toj B_Λ. Tsa' la' c'ajti_be Pilato cha'an mi' y_Λc' ti colel sts_Λnsa.

¹⁵ Tsa' la' ts_Λnsa jini mu' b_Λ i y_Λq'ueñonla laj cuxt_Λlel. Testigojon lojon, Dios tsi' teche loq'uel ba'an ch_Λmeño' b_Λ.

¹⁶ Cha'an ti' c'aba' Jesús mu' b_Λ c ñop lojon tsi' taja i p'at_Λlel jini winic mu' b_Λ la' q'uel mu' b_Λ la' c_Λn. Jesús tsi' y_Λq'ueyonla lac ñop. Jini cha'an tsa' c'oq'ues_Λnti jini winic ti la' tojlel.

¹⁷ W_Λle c pi'Λlob, cujil tsa' la' ts_Λnsa Jesús cha'an i tontojlel la' pusic'al che' bajche' la' yumob.

¹⁸ Pero Dios tsi' ts'actesa i t'an tsa' b_Λ i w_Λn subu ti' yej pejtelel x'alt'añob i cha'an, cha'an wersa mi' yubin wocol Cristo.

¹⁹⁻²⁰ Jini cha'an c_Λy_Λ la' mul. Sutq'uin la' b_Λ cha'an mi' yajpel la' mul, cha'an mi la' taj la' p'at_Λlel ti Espíritu yic'ot tijicña b_Λ la' pusic'al ti lac Yum. Dios mi caj i chocbeñetla tilel Jesús jini Cristo wa'chocobil b_Λ i cha'an.

²¹ Come isujm mi' wersa ajñel Jesucristo ti pan-

chan c'ʌʌʌ ti' yorajlel che' mi' cha' mel pejtelel chuqui tac an, che' bajche' tsi' subu Dios yic'ot ch'ujul bʌ x'alt'añob i cha'an ti wajali.

²² Come Moisés tsi' subeyob la' ñojte'el: “La' Yum Dios mi caj i techbeñetla juntiquil x'alt'an che' bajche' joñon loq'uem bʌ ti la' pi'ʌlob. Mi caj la' jac'ben pejtelel chuqui tac mi' subeñetla.

²³ Majqui jach mi' ñusʌben i t'an jini x'alt'an, mi caj i chojquel loq'uel ti' tojlel i pi'ʌlob cha'an mi' jilel”, che'en.

²⁴ Ti pejtelel x'alt'añob, c'ʌʌʌ ti Samuel yic'ot jini tsa' bʌ tiliyob ti wi'ipac che' bajche' jaytiquil tsi' cha'leyob t'an, tsi' wʌn subuyob chuqui woli' yujtel ti ili q'uin tac.

²⁵ Jatetla i yalobiletla x'alt'añob. I cha'añetla jini trato bʌ t'an subebilo' bʌ lac ñojte'el cha'an Dios che' bʌ tsi' sube Abraham: “Ti pejtelel año' bʌ ti pañimil mi caj i tajib i wenlel cha'an a p'olbal”, che'en.

²⁶ Dios tsi' teche ch'ojoyel i Yalobil. Tsi' ñaxan choco tilel ba' añetla cha'an mi' yʌq'ueñetla la' wenlel cha'an mi' ñijcañetla la' cʌy la' mul ti jujuntiquiletla. Che' tsi' yʌʌ Pedro.

4

Pedro yic'ot Juan ti' tojlel jini año' bʌ i ye'tel

¹ Che' woli' pejcañob winicob x'ixicob Pedro yic'ot Juan, tsa' tiliyob motomajob yic'ot saduceojob, yic'ot i yaj capitán jini xcʌntayajob ti Templo.

² Tsʌytsʌyñayob i pusic'al come woli' cʌntesañob winicob x'ixicob, come Pedro woli' subeñob mi caj i tech ch'ojoyel chʌmeño' bʌ jini Jesús.

³ Tsi' chucuyob. Tsi' yotsayob ti ma'jquibal c'Alal ti yijc'Alal come ic'ajelix.

⁴ Cabal tsa' bA i yubiyob jini t'an tsi' ñopoyob. An che' bajche' jo'p'ejl mil winicob.

⁵ Ti' yijc'Alal tsi' tempayob i bA ti Jerusalén jini yumAllob yic'ot xñoxob año' bA i ye'tel yic'ot sts'ijbayajob.

⁶ Ya'an ja'el Anás jini ñuc bA motomaj yic'ot Caifás yic'ot Juan yic'ot Alejandro yic'ot yambA i pi'Allob jini ñuc bA motomaj.

⁷ Che' bA tsa'ix i yAc'ayob Pedro ti ojilil, tsi' c'ajtibeyob: ¿Baqui tsa' la' taja la' p'AtAllel? ¿Majqui tsi' subeyetla cha'an mi la' mel jini? che'ob.

⁸ Che' jini Pedro, but'ul ti Ch'ujul bA Espíritu, tsi' subeyob: Jatetla yumAletla, anix bA la' jabilel yic'ot la' we'tel ti Israel,

⁹ mi woli la' c'ajtibeñon lojon cha'an jini wen bA e'tel tsa' bA c melbe lojon ili winic, ubinla bajche' tsa' mejli ti p'At'esAntel.

¹⁰ Ña'tanla ti la' pejtelel. La' i ñopob ja'el pejtelel winicob x'ixicob ti Israel. Tsa'ix lajmi cha'an i c'aba' Jesucristo, jini ch'oyol bA ti Nazaret, jini tsa' bA la' ch'iji ti cruz, pero Dios tsi' teche ch'ojyel ba'an chameño' bA. Cha'an i p'AtAllel Jesucristo tsa'ix p'At'a i yoc jini winic am bA ti la' tojlel.

¹¹ Jesús jiñach jini Xajlel tsa' bA la' choco, xmel ototet bA la. Tsa' otsAnte ti ñaxan bA i xujc otot.

¹² Ma'anic laj coltAntel ti yambA, cojach ti' c'aba' Jesús. Ma'anic yambA ti yebal panchan aq'uebilo' bA winicob mu' bA mejlel i coltañonla. Che' tsi' yAla Pedro.

¹³ Che' bA tsi' q'uelbeyob i ch'ejlel i pusic'al Pedro yic'ot Juan, tsa' toj sajtiyob i pusic'al winicob

x'ixicob come yujilob mach cantesabilobic ti jun, ma'añobic i ye'tel. Tsi' ña'tayob i pi'llobach Jesús jini Pedro yic'ot Juan.

¹⁴ Che' b_Λ tsi' q'ueleyob lajmenix jini winic wa'al b_Λ yic'otob, ma'anic chuqui tsa' mejli i subob ti' contra.

¹⁵ Tsi' subeyob loq'uel ti' tojlelob. Tsa' caji i pejcañob i b_Λ jini año' b_Λ i ye'tel.

¹⁶ Tsi' y_Λayob: ¿Chuqui mi caj lac tumben jini winicob? Come cambil i cha'an pejtetel chumulo' b_Λ ti Jerusalén, tsi' p_Λayob ñuc b_Λ i yejtal i p'_Λalel ti isujm. Mach mejlic la cal mach isujmic.

¹⁷ Ame ch_Λn p'ojlic jini t'an ti lac tejclum, la' lac tic' jini winicob cha'an mach mi' ch_Λn cha'leñob t'an ti' c'aba' Jesús, che'ob.

¹⁸ Tsi' p_Λayob tilel Pedro yic'ot Juan. Tsi' tiq'uiyob cha'an ma'anic mi' ch_Λn cha'leñob t'an yic'ot cantesa ti' c'aba' Jesús.

¹⁹ Pedro yic'ot Juan tsi' jac'beyob: Subula jatetla mi toj ti' wut Dios mi tsac ñusabe lojon i t'an Dios cha'an mic jac'beñetla.

²⁰ Mach mejlic mij c_Λy lojon ili t'an. Wersa mic sub lojon chuqui tsaj q'uele lojon yic'ot chuqui tsa cubi lojon, che'ob.

²¹ Jini yumlob che' b_Λ tsa' ujtí i subeñob chuqui mi' caj ti ujtetel mi ma'anic tsi' jac'ayob, tsi' chocoyob sujtel. Ma'anic tsi' y_Λq'ueyob i toj i mul, come tsi' b_Λc'ñayob winicob x'ixicob. Ti pejtelelob woli' subob i ñuclel Dios cha'an jini tsa' b_Λ ujtí.

²² Come ñumenix ti cha'c'al i jabilel jini winic tsa' b_Λ p'_Λt'esanti cha'an ñuc b_Λ i p'_Λalel Dios.

Tsi' c'ajtiyob i ch'ejlel i pusic'al

23 Che' b_Λ tsa' ajq'uiyob ti colel Pedro yic'ot Juan, tsa' majliyob ba'an i pi'lob. Tsi' subeyob pejtelel chuqui tsi' y_Λayob ñ_{uc} b_Λ motomajob yic'ot xñoxob año' b_Λ i ye'tel.

24 Che' b_Λ tsa'ix ujt_i i yubiñob jini t'an, ti pejtelelob tsi' tem pejcayob Dios. Tsi' subeyob: C Yum, jatet Dioset tsa' b_Λ a mele panchan yic'ot pañimil yic'ot colem ñajb yic'ot pejtelel i b_Λ.

25 Tsi' cha'le t'an jini Ch'ujul b_Λ Espíritu ti' yej David jini a winic. Tsi' y_ΛΛ: “¿Chucoch tsi' cha'leyob mich'ajel ti mojt ti mojt? ¿Chucoch to'ol lolom jach chuqui tac tsi' ña'tayob ti' pusic'al?

26 Jini reyob ti pañimil tsi' chajpayob i b_Λ, jini yum_Λlob tsi' tempayob i b_Λ cha'an mi' contrañob lac Yum yic'ot Cristo, jini yajc_Λbil b_Λ i cha'an Dios”, che'en.

27 Isujm ti jini tejclum, tsi' tempayob i b_Λ Herodes yic'ot Poncio Pilato yic'ot jini gentilob yic'ot israelob ti' contra Jesús, jini ch'ujul b_Λ a Walobil, jini yajc_Λbil b_Λ a cha'an.

28 Tsi' tempayob i b_Λ cha'an mi' cha'leñob pejtelel chuqui tsa' w_Λn ña'ta mi' caj ti ujt_{el}.

29 W_Λle, c Yum, q'uele bajche' mi' y_Λ'leñon lojon. A winicon lojon. Aq'ueñon lojon i ch'ejlel c pusic'al cha'an mic sub lojon a t'an.

30 Ac'Λ a c'Λb ti lajmesaya cha'an mi' p_Λst_Λ i yejtal a p'Λt_Λlel yic'ot ñ_{uc} tac b_Λ a melbal ti' c'aba' a Walobil Jesús, jini Ch'ujul B_Λ. Che' tsi' cha'le oración.

31 Che' b_Λ tsa' ujt_i i pejcañob Dios, tsa' ñijc_Λanti jini otot ba' tsi' tempayob i b_Λ. Ti pejtelelob but'ulob ti Ch'ujul b_Λ Espíritu. Tsi' subuyob i t'an Dios ti' ch'ejlel i pusic'al.

I tem cha'añob jach i chubʼan

³² Jump'ejlob jach i pusic'al, junchajpob jach i ña'tʼbal jini bajc'al winicob x'ixicob tsa' bʼ i ñopoyob. Ma'anic majqui tsi' yʼal mi i bajñel cha'añach i chubʼan. I tem cha'añob jach pejtelel i chubʼan.

³³ Testigojob jini apóstolob. Ti cabʼal i p'atʼlel tsi' subuyob tsa' cha' ch'ojyi lac Yum Jesús. Pejtelel jini xñopt'añob tsa' aq'uentiyob i yutslel i pusic'al Dios.

³⁴ Laj añob i chubʼan, come jini año' bʼ i lum yic'ot i yotot tsi' choñoyob. Tsi' ch'ʼamʼyob tilel i tojol jini tsa' bʼ chojni.

³⁵ Tsi' p'ulchocoyob ʼac'al ti' yoc jini apóstolob. Tsa' t'oxbentiyob xñopt'añob, majqui jach anto yom i cha'an.

³⁶ José, juntiquil leví ch'oyol bʼ ti Chipre, tsa' aq'uenti yambʼ i c'aba' cha'an jini apóstolob. Jiñach Bernabé. (Mi' yʼal ti lac t'an, jini mu' bʼ i ñuq'uesan lac pusic'al.)

³⁷ An i lum jini Bernabé. Tsi' choño. Tsi' ch'ʼamʼ tilel i tojol. Tsi' p'ulchoco ʼac'al ti' yoc jini apóstolob.

5

Ananías yic'ot Safira

¹ Juntiquil winic, i c'aba' Ananías yic'ot i yijñam, i c'aba' Safira, tsi' choño jumpejt lum.

² Tsi' loto lamital i tojol. Yujil ja'el i yijñam. Tsi' ch'ʼamʼ tilel lamital, tsi' p'ulchoco ʼac'al ti' yoc jini apóstolob.

³ Pedro tsi' sube Ananías: ¿Chucoch but'ul a pusic'al ti Satanás? Tsa' loti jini Ch'ujul bʼ Espiritu che' bʼ tsa' loto lamital i tojol a lum.

⁴ Che' b_Λ maxto anic tsa' choño, ¿mach ba a cha'anic? Che' b_Λ tsa'ix a choño, ¿mach ba a wenta'jic jini i tojol? ¿Chucoch tsa' tejchi lot ti a pusic'al? Ma'anic tsa' loti winicob, tsa' loti Dios, che'en.

⁵ Che' b_Λ tsi' yubi jini t'an Ananías, tsa' yajli. Tsa' ch_Λmi. Tsi' wen cha'leyob b_Λq'uen pejtelel jini tsa' b_Λ i yubiyob.

⁶ Ch'iton winicob tsa' ch'o'jyiyob. Tsi' b_Λc'Λyob. Che' b_Λ tsi' ch'ΛmΛyob loq'uel, tsi' mucuyob.

⁷ Tsa' ñumi che' bajche' uxp'ejl ora, tsa' ochi tilel i yijñam Ananías. Maxto yujilic chuqui tsa' ujti.

⁸ Pedro tsi' sube: Subeñoñ mi che'i tsa' ch'ΛmΛ i tojol a lum che' b_Λ tsa' la' choño, che'en. Tsi' sube: Che'cuyi tsac ch'ΛmΛ lojon i tojol, che'en.

⁹ Pedro tsi' sube: ¿Bajche' tsa' la' teme la' t'an cha'an mi la' wilΛben i pusic'al i yEspíritu lac Yum? Awilan, jini tsa' b_Λ i mucuyob a ñoxi'al añob ti' ti' otot. Mi caj i ch'Λmetob loq'uel ja'el, che'en.

¹⁰ Ti ora tsa' yajli lac'Λl ti' yoc Pedro. Tsa' ch_Λmi. Che' b_Λ tsa' ochiyob ch'iton winicob, chΛmenix tsi' tajayob. Tsi' ch'ΛmΛyob loq'uel. Tsi' mucuyob ti' t'ejl i ñoxi'al.

¹¹ Tsi' wen cha'leyob b_Λq'uen pejtelel jini xñopt'añob, yic'ot pejtelel tsa' b_Λ i yubiyob chuqui tsa' ujti.

CabΛ i yejtal i p'ΛtΛlel jini apóstolob

¹² Jini apóstolob tsi' meleyob cabΛ ñuc tac b_Λ i melbal. Tsi' pΛsΛyob i yejtal i p'ΛtΛlel ti' tojlel winicob x'ixicob. Ti pejtelelob ya' añob ti jump'ejl i pusic'al ti' corredor Salomón.

13 Yaño' b_Λ ma'anic tsi' ñopo i l_Λc'tesañob i b_Λ cha'an b_Λq'uen. Pero jini xñopt'añob tsi' q'ueleyob ti ñuc.

14 Cab_Λl tsa' p'ojliyob jini tsa' b_Λ i ñopoyob lac Yum, winicob yic'ot x'ixicob.

15 Tsi' ch'_Λm_Λyob majlel xc'am_Λjelob ti bij. Tsi' ñolchocooyob ti' w_Λyib yic'ot poj_p tac cha'an mi' tajob anquese jinic jach i y_Λxñ_Λlel Pedro che' woli' ñumel majlel.

16 Cab_Λlob tsi' tempayob i b_Λ ti Jerusalén ch'oyolo' b_Λ ti yamb_Λ tejclum tac ti' joytilel. Tsi' p_Λy_Λyob tilel xc'am_Λjelob yic'ot jini tic'l_Λbilo' b_Λ cha'an xibajob. Tsa' lajmes_Λntiyob ti pejtelelob.

Tsa' tic'l_Λntiyob Pedro yic'ot Juan

17 Tsa' tili jini ñuc b_Λ motomaj yic'ot pejtelel jini saduceojob. Ts_Λyts_Λyñayob jax i pusic'al cha'an jini tsa' b_Λ ujt_i.

18 Tsi' chucuyob jini apóstolob. Tsi' yotsayob ti m_Λjquib_Λl yic'ot jini woli b_Λ i tojob i mul.

19 Ti ac'_Λlel i yángel lac Yum tsi' jambeyob i ti' jini m_Λjquib_Λl. Tsi' loc'sayob. Tsi' subeyob:

20 Cucula ti wa't_Λl ti Templo. Suben winicob x'ixicob bajche' yom mi' tajob i cuxtilel, che'en.

21 Che' b_Λ tsi' yubiyob jini t'an, tsa' ochiyob ti Templo ti s_Λc'ajel. Tsi' cha'leyob c_Λntesa.

Tsa' tili jini ñuc b_Λ motomaj yic'ot yaño' b_Λ. Tsi' p_Λy_Λyob tilel jini año' b_Λ i ye'tel yic'ot jini ñoxobix b_Λ israelob. Tsi' choco majlel i winicob cha'an mi' p_Λyob tilel Pedro yic'ot Juan.

22 Che' b_Λ tsa' c'otiyob i winicob, ma'anic tsi' tajayob ti m_Λjquib_Λl. Tsa' cha' sujtiyob i sub.

²³ Tsi' y_ΛΛyob: Isujm_Λch, wen m_Λcbil tsac taja lojon jini m_Λjquib_Λ. Ya' añob jini xc_Λntayajob ti' ti'. Che' b_Λ tsac jam_Λ lojon, ma'anic majqui tsac taja lojon, che'ob.

²⁴ Che' b_Λ tsi' yubiyob jini t'an, jini ñuc b_Λ motomaj yic'ot i capitán jini Templo yic'ot ñuc b_Λ motomajob mach yujilobic chuqui mi' caj ti ujtel mi tsa' tsictiyi jini.

²⁵ Tsa' tili juntiquil. Tsi' subeyob: Awilan, ya' wa'alob ti Templo jini winicob tsa' b_Λ la' ñup'u. Woli' cha' c_Λntesañob winicob x'ixicob, che'ob.

²⁶ Jini cha'an tsa' majli jini capitán yic'ot i winicob. Tsi' p_Λy_Λyob tilel Pedro yic'ot Juan. Pero utsob jax come woliyob ti b_Λq'uen ame jujlicob ti xajlel cha'an winicob.

²⁷ Che' b_Λ tsa'ix i p_Λy_Λyob tilel, tsi' y_Λc'ayob ba'an jini año' b_Λ i ye'tel. Jini ñuc b_Λ motomaj tsi' subeyob:

²⁸ ¿Mach ba tsa'ic c tiq'uiyetla cha'an ma'anic mi la' ch_Λn cha'len c_Λntesa ti' c'aba' Jesús? Awilan, tsa'ix ubinti la' c_Λntesa ti pejtelel Jerusalén. La' wom la' tsictesan lojon c mul cha'an tsac bec'be lojon i ch'ich'el jini winic, che'en.

²⁹ Pedro yic'ot jini apóstolob tsi' jac'beyob: Wersa mic jac'ben lojon i mandar Dios anquese mi' ñus_Λntel i mandar winicob.

³⁰ I Dios lac ñojte'el tsi' teche ch'ojoyel Jesús, tsa' b_Λ la' ts_Λnsa che' b_Λ tsa' la' ch'iji ti te'.

³¹ Dios tsi' y_Λq'ue i ñucllel ya' ti' ñoj. Colem yum_ΛΛch, Xcoltayaj_Λch. Mi' y_Λq'ueñob i c_Λy i mul jini israelob cha'an mi' ñus_Λbeñob i mul.

³² Mic sub lojon jini tsa' b_Λ ujtí. Jini Ch'ujul b_Λ Espíritu mi' sub ja'el, come Dios mi' y_Λq'ueñob i

yEspíritu jini mu' b_Λ i jac'beñob i t'an, che'ob.

³³ Tsa' wen mich'ayob che' b_Λ tsi' yubibeyob i t'an. Yomob i ts_Λnsan jini apóstolob.

³⁴ Tsa' ch'ojyi juntiquil fariseo am b_Λ i ye'tel, i c'aba' Gamaliel. Jiñ_Λch mu' b_Λ i c_Λntesan winicob ti mandar. Ti pejtelelob tsi' q'ueleyob ti ñuc. Tsi' y_Λc'_Λ mandar cha'an mi' poj p_Λjyelob loq'uel jini apóstolob.

³⁵ Che' majlemobix, Gamaliel tsi' sube i pi'_Λlob: Israelob, ch_Λc_Λ q'uele la' b_Λ cha'an chuqui tac mi la' tumben jini winicob.

³⁶ Come wajalix tsa' tili Teudas. Tsi' lon subu i b_Λ ti ñuc. Tsi' tsajcayob che' bajche' jumbajc' winicob, pero tsa' ts_Λnsanti. Tsa' pujquiyob jini tsa' b_Λ i tsajcayob. Che' jach tsa' lajmi.

³⁷ Ti wi'il tsa' tili Judas ch'oyol b_Λ ti Galilea. Che' ti' yorajlel censo, jini Judas tsi' p_Λy_Λ majlel cab_Λ winicob. Tsa' ts_Λnsanti ja'el. Tsa' pam pujquiyob pejtelel tsa' b_Λ i tsajcayob.

³⁸ W_Λle mic subeñetla, ch_Λc_Λ q'uele la' b_Λ cha'an ma'anic mi la' tic'lan jini winicob. Mi ch'oyol ti' bajñel pusic'al jini t'an yic'ot jini e'tel, mi' caj ti jilel.

³⁹ Mi ch'oyol_Λch ti Dios, mach mejlic la' jis_Λben i ye'tel ame che'ic mi la' contrajin Dios. Che' tsi' y_Λl_Λ Gamaliel.

⁴⁰ Tsi' jac'beyob i t'an. Che' b_Λ tsi' p_Λy_Λyob ochel jini apóstolob, tsi' bajbeyob. Tsi' subeyob cha'an ma'anic mi' ch_Λn cha'leñob t'an ti' c'aba' Jesús. Tsi' coloyob.

⁴¹ Che' b_Λ tsa'ix loq'uiyob ti' tojlel año' b_Λ i ye'tel, tijicñayob jax i pusic'al, come Dios tsi' y_Λq'ueyob i xuc'tilel i pusic'al cha'an mi' ñusañob i ts'a'lentel ti' c'aba' Jesús.

⁴² Ti jujump'ejl q'uin tsi' ch_Λn cha'leyob c_Λntesa ti Templo yic'ot ti jujump'ejl otot. Tsi' ch_Λn subuyob i t'an Jesucristo.

6

Tsi' yajcayob wuctiquil

¹ Che' woli' p'ojlelob x_Λnt'añob, jini griegojob tsi' y_Λ'leyob hebreojob, come jini meba' x'ixicob i cha'añob ma'anic tsa' aq'uentiyob chuqui anto yom i cha'an ti jujump'ejl q'uin.

² Jini cha'an jini lajch_Λntiquil tsi' tempayob pejtelel jini x_Λnt'añob. Tsi' subeyob: Mach wenic mij c_Λy lojon c sub i t'an Dios cha'an mic puc lojon waj.

³ Jini cha'an hermanojob, yajcanla wuctiquil winicob uts'at b_Λ i pusic'al but'ulob ti Ch'ujul b_Λ Espíritu, yic'ot wen b_Λ i ña't_Λbal, cha'an mi la' wa'chocoñob cha'an jini e'tel.

⁴ Joñon lojon mi caj c ch_Λn pejcan lojon Dios. Mi caj c ch_Λn cha'len lojon subt'an, che'ob.

⁵ Uts'at tsi' yubibeyob i t'an ti pejtelelob. Tsi' yajcayob Esteban, ñopol b_Λ i cha'an i t'an Dios ti jump'ejl i pusic'al, but'ul b_Λ ti Ch'ujul b_Λ Espíritu. Tsi' yajcayob Felipe ja'el yic'ot Prócoro yic'ot Nicanor yic'ot Timón yic'ot Parmenas yic'ot Nicolás, jini tsa' b_Λ ochi i ñop ti Antioquía.

⁶ Tsi' p_Λy_Λyob ba'an jini apóstolob. Che' b_Λ tsa'ix ujt i pejcañob Dios, tsi' y_Λc'ayob i c'ab ti' jol.

⁷ Tsa' pujqui i t'an lac Yum. Wen cabal tsa' p'ojliyob x_Λnt'añob ti Jerusalén. Cabal motomajob ja'el tsi' jac'beyob i t'an Dios.

Tsi' chucuyob Esteban

⁸ Esteban, but'ul ti' yutslel i pusic'al yic'ot i p'Λtalēl, tsi' p'ΛsΛ ñuc tac bΛ i yejtal i p'Λtalēl yic'ot ñuc tac bΛ i ye'tel ti' tojlel winicob x'ixicob.

⁹ Jini cha'an tsa' tiliyob winicob mu' bΛ i yajñelob ti sinagoga. Tsa' caji i yΛ'leñob Esteban. Jini winicob i c'aba' librejo' bΛ yic'ot cirenejob, yic'ot alejandríajob, yic'ot judíojob ch'oyolo' bΛ ti Cilicia yic'ot ti Asia tsa' caji' contrajiñob Esteban.

¹⁰ Ma'anic tsa' mejli i contrajiñob i ña'tΛbal yic'ot jini Espiritu tsiquil bΛ ti' t'an.

¹¹ Tsi' xic'beyob winicob ti mucul jach cha'an mi' jop'beñob i mul. Tsi' yΛΛyob: Tsa'ix cubibe lojon i t'an che' bΛ tsi' cha'le p'ajoñel ti' contra Moisés yic'ot ti' contra Dios, che'ob.

¹² Tsi' ñijcayob winicob x'ixicob yic'ot xñoxob año' bΛ i ye'tel yic'ot sts'ijbayajob. Tsa' tiliyob, tsi' chucuyob Esteban. Tsi' pΛyΛyob majlel ba'an jini año' bΛ i ye'tel.

¹³ Tsi' wa'chocoyob xjop't'añob tsa' bΛ i yΛΛyob: Jini winic mi' cha'len p'ajoñel ti pejtelel ora. Mi' p'aj jini Ch'ujul bΛ AjñibΛl yic'ot jini mandar.

¹⁴ Come tsa'ix cubi lojon che' bΛ tsi' yΛΛ jini Esteban: “Jini Jesús ch'oyol bΛ ti Nazaret mi caj i jisan jini AjñibΛl. Mi caj i q'uextan i cΛntesΛbal Moisés tsa' bΛ lac ñopo ti lac tat”, che'ob.

¹⁵ Pejtelel jini buchulo' bΛ año' bΛ i ye'tel tsi' q'uelbeyob i wut Esteban lajal bajche' i wut ángel.

7

I subt'an Esteban

¹ Jini ñuc bΛ motomaj tsi' c'ajtibe: ¿Isujm ba jini? che'en.

² Esteban tsi' y_ΛΛ: Winicob c pi' _Λlob, ñich'tanla. Jini Dios am b_Λ i ñucl_Λ tsa' tsictiyi ti' wut lac tat Abraham che' ya'to an ti Mesopotamia che' maxto anic tsa' majli ti Harán.

³ Dios tsi' sube: “Loq'uen ti a lumal ba'an a pi' _Λlob. Cucu ti ochel ti lum mu' b_Λ caj c p_Λsbeñet”, che'en.

⁴ Tsa' loq'ui ti' lumal caldeojob. Tsa' caji ti chumt_Λ ti Harán. Che' b_Λ tsa' ch_Λmi i tat Abraham, Dios tsi' c'axtesa ti yamb_Λ lum w_Λ' ba' chumulonla w_Λle.

⁵ Dios ma'anic chuqui tsi' y_Λq'ue Abraham ilayi, mi ts'ita'ic lum, pero tsi' y_Λq'ue i t'an. Tsi' sube mi caj i yotsan ti' yum jini lum yic'ot i p'olbal ja'el anquese maxto anic i yalobil.

⁶ Dios tsi' sube Abraham ja'el: “Mi caj i majlel ti chumt_Λ a p'olbal ti yamb_Λ lum mach b_Λ i cha'añobic, ba' mi caj i y_Λj_q'uelob ti to'ol e'tel. Jumbajc' jab mi caj i cha'leñob majtan e'tel yic'ot wocol.

⁷ Mi caj c_Λq'ueñob i toj i mul jini winicob x'ixicob mu' b_Λ i yotsañob ti to'o e'tel. Ti wi'il mi caj i loq'uelob tilel a p'olbal. Mi caj i ch'ujutesañob ilayi”, che'en.

⁸ Dios tsi' y_Λq'ue Abraham jini xuc'ul b_Λ t'an cha'an tsep p_Λch_Λlel. I yalobil Abraham jiñ_Λch Isaac. Abraham tsi' tsepbe i p_Λch_Λlel che' wax_Λc_p'ejl jax to i q'uiñilel Isaac. I yalobil Isaac jiñ_Λch Jacob. I yalobilob Jacob jiñob_Λch lajch_Λntiquil lac ñojte'el.

⁹ Ts_Λyts_Λyñayob jax i pusic'al jini lac ñojte'el cha'an José. Jini cha'an tsi' choñoyob cha'an mi' p_Λjyel majlel ti Egipto pero ya'an Dios yic'ot.

10 Dios tsi' loc'sa ti pejtelel i wocol. Tsi' ñijcabe i pusic'al Faraón cha'an mi' q'uel José ti uts'at. Dios tsi' yΛq'ue José i ña'tabal ti' tojlel jini rey Faraón ya' ti Egipto. Dios tsi' yΛq'ue i ye'tel ti yumal ti' tojlel egiptojob yic'ot ti' yotot Faraón ja'el.

11 Tsa' caji wi'ñal ti' lumal egiptojob yic'ot ti Canaán ja'el. An cabal wocol. Lac ñojte'el ma'anic tsi' tajayob i bal i ñac'.

12 Che' bΛ tsi' yubi Jacob an trigo ya' ti Egipto, tsi' choco majlel lac ñojte'elob che' ti' cajibal wi'ñal.

13 Che' bΛ tsa' majliyob ti' cha'yajlel, José tsi' yΛc'Λ i bΛ ti cΛjñel ti' tojlel i yΛscuñob. Tsi' yΛc'Λ i pi'lob ti cΛjñel ti' tojlel Faraón.

14 José tsi' chocoyob majlel cha'an mi' pΛyob tilel Jacob, i tat, yic'ot pejtelel i pi'lob, jo'lujuntiquil i chanc'al (75).

15 Tsa' jubi majlel Jacob ya' ti Egipto. Ya' tsa' chami yic'ot lac ñojte'elob.

16 Tsa' q'uejchiyob majlel c'ΛlΛ ti Siquem ba' tsa' mujquiyob ti' yotlel ch'ujlelΛ mambil bΛ i cha'an Abraham. Abraham tsi' tojbeyob ti taq'uin i yalobilob Hamor ya' ti Siquem.

17 Che' bΛ yomix c'otel i yorajlel cha'an mi' ts'actiyel i t'an Dios che' bajche' tsi' sube Abraham, tsa' wen p'ojli i p'olbal Abraham ya' ti Egipto

18 jinto tsa' wa'choconti yambΛ rey ti Egipto mach bΛ anic tsi' caña José.

19 Mach tojic chuqui tsi' tumbe lac pi'lob jini rey. Tsi' tic'la lac ñojte'elob cha'an mi' wersa ac'ob i yalobilob ti chamel cha'an mi' jilel i p'olbal Israel.

20 Ti jim bΛ ora che' woli to i tic'lañob, tsi' yila pañimil Moisés. Wen uts'atax tsi' q'uele Dios. Tsa' tsu'santi uxp'ejl uw ti' yotot i tat.

21 Che' b_Λ tsa' ajq'ui Moisés ba' b_Λb_Λq'uen mi' ch_Λmel, tsa' tili i yalobil Faraón. Tsi' loto. Tsi' cosa che' bajche' i yalobil.

22 Tsa' c_Λntes_Λnti Moisés ti pejtelel i ña't_Λbal egiptojob. Wen ch'ejl ti t'an yic'ot ti e'tel.

23 Che' cha'c'alix i jabilel, Moisés tsi' ña'ta ti' pusic'al yom majlel i jula'tan i pi'Λlob, jiñob_Λch i yalobilob Israel.

24 Che' b_Λ tsi' q'uele woli' tic'l_Λntel juntiquil i pi'Λl, Moisés tsi' colta jini woli b_Λ i tic'l_Λntel. Tsi' q'uext_Λbe i jontolil jini egipto. Tsi' jats'Λ.

25 Come Moisés tsi' lon ña'ta woli' ch'Λmbeñob isujm i pi'Λlob, cha'an jiñ_Λch yajc_Λbil b_Λ ti Dios cha'an mi' coltañob. Pero ma'anic tsi' ch'Λmbeyob isujm.

26 Ti yijc'Λlal Moisés tsi' p_Λs_Λ i b_Λ ba'an i pi'Λlob che' woliyob ti leto. Yom i lajmesan leto. Tsi' y_ΛΛ: “Winicob, la' pi'Λl la' b_Λ. ¿Chucoch mi la' tic'lan la' b_Λ?” che'en.

27 Jini tsa' b_Λ i tic'la i pi'Λl tsi' t_Λj_cΛx choco majlel Moisés. Tsi' sube: “¿Majqui tsi' y_Λq'ueyet a we'tel ti yum_Λ cha'an ma' melon lojon?”

28 ¿A wom ba a ts_Λnsañon che' bajche' tsa' ts_Λnsa jini egipto ac'bi?” che'en.

29 Che' b_Λ tsi' yubi jini t'an, tsa' puts'i majlel Moisés. Tsa' majli ti chumt_Λl ti yamb_Λ lum i c'aba' Madián. Ya'i tsi' yilayob pañimil cha'tiquil ch'iton b_Λ i yalobil.

30 Che' ñumenix cha'c'al jab, tsa' tsictiyi juntiquil ángel ti colem b_Λ i tiquiñal pañimil l_c'_Λl ti Sinaí wits. Tsa' tsictiyi ti c'ajc woli b_Λ ti lejmel ti al_Λte'.

31 Che' b_Λ tsi' q'uele Moisés, tsa' toj sajti i pusic'al cha'an jini tsa' b_Λ i q'uele. Che' b_Λ tsa' majli i q'uel

jini alate', tsa' tili i t'an lac Yum:

³² “Joñon i Dioson a ñojte'el, i Dioson Abraham, i Dioson Isaac, i Dioson Jacob”, che'en Dios. Mach yomic i chΛn q'uel Moisés, come tsiltsilña jax ti bΛq'uen.

³³ Lac Yum tsi' sube: “Loc'san a xΛñΛb ti a woc come ch'ujul jini lum ba' wa'alet.

³⁴ Isujm, tsa'ix j q'uele i tic'lΛntel c cha'año' bΛ ya' ti Egipto. Tsa'ix cubibeyob i yuq'uel. Tsa'ix jubiyon tilel cha'an mic loc'sañob. La'ix cu, che' jini. Mi caj c choquet majlel ti Egipto”, che'en.

³⁵ Jini Moisés tsa' ts'a'lenti cha'an i pi'Λlob. Tsi' yΛΛyob i pi'Λlob: “¿Majqui tsi' yΛq'ueyet a we'tel ti yumΛl yic'ot ti meloñel?” che'ob. Jini Moisés ts'a'lebil bΛ i cha'añob, Dios tsi' choco tilel. Jini ángel tsa' bΛ tsictiyi ti alate' tsi' yΛq'ue i ye'tel ti yumΛl yic'ot ti xcoltaya.

³⁶ Moisés tsi' pΛyΛ loq'uel i yalobilob Israel che' bΛ tsa' ujti i pΛs bΛbΛq'uen tac bΛ yic'ot i yejtal i p'ΛtΛlel cha'c'al jab ya' ti Egipto yic'ot ti ChΛchΛc bΛ Ñajb yic'ot ti jochol bΛ lum.

³⁷ Jiñach Moisés tsa' bΛ i sube i yalobilob Israel: “Lac Yum Dios mi caj i techbeñetla juntiquil x'alt'an che' bajche' joñon loq'uem bΛ ti la' pi'Λlob. Jini mi caj la' wubin”, che'en.

³⁸ Jiñach Moisés am bΛ yic'ot jini tempΛbilo' bΛ ti jochol bΛ lum. Jini ángel tsi' pejca ya' ti Sinaí wits yic'ot lac ñojte'el. Tsi' yubi jini t'an cha'an laj cuxtΛlel cha'an mi' cha' aq'ueñonla.

³⁹ Lac ñojte'el ma'anic tsi' jac'beyob Moisés. Tsi' ts'a'leyob. Tsi' chΛn ña'tayob i cha' sujtel ti Egipto.

⁴⁰ Tsi' subeyob Aarón: “Mele lac dios tac cha'an

ñaxan mi' majlel ti lac tojlel. Come ma'anic mi lac ña'tan chuqui tsa' tumbenti jini Moisés tsa' b_Λ i p_Λy_Λyonla loq'uel ti Egipto”, che'ob.

⁴¹ Che' jini tsi' meleyob a_Λ wacax. Tsi' ts_Λns_Λbeyob i majtan jini dios taq'uin. Tsa' ñuc'ayob i pusic'al cha'an jini dios tsa' b_Λ i meleyob ti' c'Λb.

⁴² Jini cha'an Dios tsi' c_Λy_Λyob cha'an mi' ch'ujutesañob jini q'uin yic'ot uw yic'ot ec'. Ts'ijbubil ti' jun x'alt'añob ja'el: “Jatetla israelob, ¿tsa' ba la' ts_Λns_Λbeyon la' w_Λlac' cha'c'al jab ti jochol b_Λ lum? ¿Tsa' ba la' pulbeyon c majtan?

⁴³ Tsa'ix la' q'uechbe pisil b_Λ i yotlel Moloc, yic'ot jini ec', i yejtal b_Λ a dios Renfán. Tsa' la' mele cha'an mi la' ch'ujultesan. Joñon mi caj j c'axtesañetla ti junwejl Babilonia”, che'en.

⁴⁴ An i cha'an lac ñojte'elob jini pisil b_Λ otot ti jochol b_Λ lum ba' tsa' p_Λsle i sujmllel Dios. Come che' b_Λ tsi' y_Λc'Λ mandar Dios, tsi' sube Moisés cha'an mi' mel otot che' bajche' tsa' p_Λsbenti.

⁴⁵ Che' b_Λ tsa' ujt i ch'Λmbeñob i lum gentilob lac ñojte'el yic'ot Josué, tsi' q'uecheyob ochel jini pisil b_Λ otot ti' lumal. Come Dios tsi' choco loq'uel jini gentilob ti' tojel i wutob lac ñojte'el c'Λ_ΛΛ ti' yorajlel David.

⁴⁶ Dios tsi' p_Λsbe David i yutslel. Jini David yom i melben i chumlib Dios tsa' b_Λ i ñopo Jacob.

⁴⁷ Pero tsi' mele Salomón.

⁴⁸ Jini C'ax Ñuc B_Λ ma'anic mi' chumt_ΛΛ ti templo tac melbil b_Λ ti c'Λb_Λ. Che' ja'el tsi' y_ΛΛ_Λ jini x'alt'an:

⁴⁹ “Jini panchan c buchlib, jini pañimil i yajñib coc. ¿Chuqui ti otot la' wom la' melbeñon? che'en lac Yum. ¿Chuqui jini cajñib ba' mij c'aj co?

⁵⁰ ¿Mach ba c melbalic pejtelel ili tac?” che'en.

⁵¹ Tsatsatax la' pusic'al. Mach saq'uesabilic la' pusic'al. Mactal la' chiquin. Ti pejtelel ora jatetla mi la' mactan jini Ch'ujul bΛ Espíritu. Che' bajche' tsi' mele la' ñojte'el, che' ja'el mi la' mel jatetla.

⁵² Ma'anic mi juntiquilic x'alt'an mach bΛ anic tsa' tic'lanti cha'an la' ñojte'el. Tsi' tsansayob jini tsa' bΛ i wΛn subuyob tal jini Toj bΛ. Wale jatetla tsa'ix la' wac'Λ jini Toj bΛ ti' c'Λb i contra. Tsa'ix la' tsansa.

⁵³ Jini ángelob tsi' yΛq'ueyetla i mandar Dios. Jatetla ma'anic tsa' la' jac'Λ. Che' tsi' yΛΛ Esteban.

Tsi' juluyob Esteban ti xajlel

⁵⁴ Che' bΛ tsi' yubiyob ili t'an tsa' wen mich'ayob. Quech'ecñayob i bΛquel i yej tsi' meleyob cha'an mich' tsi' q'ueleyob.

⁵⁵ But'ul Esteban ti Ch'ujul bΛ Espíritu. Tsi' letsa i wut ti panchan. Tsi' q'uele i ñuel Dios. Tsi' q'uele Jesús ya' wa'al ti' ñoj Dios.

⁵⁶ Tsi' yΛΛ: Awilan, wolij q'uel calal jini panchan. Ya' wa'al i Yalobil Winic ti' ñoj Dios, che'en.

⁵⁷ Tsi' cha'leyob c'am bΛ t'an. Tsi' mactalayob i chiquin. Temel tsa' majliyob ti ajñel cha'an mi' chucob Esteban.

⁵⁸ Tsi' chocoyob loq'uel ti colem tejclum. Tsi' juluyob ti xajlel. Jini tsa' bΛ i yubibeyob i t'an Esteban tsi' chocoyob jubel i bujc tac ti' yoc juntiquil winic i c'aba' Saulo.

⁵⁹ Che' bΛ tsi' juluyob ti xajlel, Esteban tsi' pejca Dios. Tsi' yΛΛ: C Yum Jesús, ch'Λmbeñon c ch'ujlel, che'en.

60 Tsa' ñocle. C'am tsi' cha'le t'an: C Yum, mach a w_Λq'ueñob ti' wenta ili i mul, che'en. Che' b_Λ tsa' ujt_i i sub jini t'an tsa' ch_Λmi.

8

1 Saulo uts'at tsi' yubi che' b_Λ tsi' ts_Λnsayob.

Saulo tsi' tic'la xñopt'añob

Ti jim b_Λ ora tsa' tejchi cab_Λl tic'laya ti' contra jini xñopt'añob tsa' b_Λ i tempayob i b_Λ ti Jerusalén. Ti pejtelelob tsa' pam pujquiyob ti pejtelel Judea yic'ot ti Samaria. Cojach jini apóstolob ma'aníc tsa' pujquiyob.

2 Winicob mu' b_Λ i ch'ujutesañob Dios tsi' q'uecheyob majlel Esteban cha'an mi' mucob. Cab_Λl tsi' yuc'tayob.

3 Saulo tsi' ñopo i jisan jini xñopt'añob. Tsa' ochi ti jujump'ejl otot. Tsi' wersa chucu majlel winicob x'ixicob. Tsi' yotsayob ti m_Λjquib_Λl.

Felipe tsa' majli ti subt'an ti Samaria

4 Jini tsa' b_Λ pujquiyob, tsa' pam ñumiyob ti subt'an.

5 Felipe tsa' caji' jubel majlel ti tejclum i c'aba' Samaria. Ya' tsi' subu i t'an Cristo.

6 Bajc'al winicob x'ixicob ti jump'ejlob jach i pucic'al tsi' jac'beyob i t'an Felipe che' b_Λ tsi' yubiyob, che' b_Λ tsi' q'ueleyob i yejtal i p'Λtal_Λel tsa' b_Λ i p_Λs_Λ.

7 Come cab_Λl tsa' loq'uiyob i xib_Λjlel. Wen c'am tsi' cha'leyob t'an jini xibajob che' b_Λ tsa' loq'uiyob. Cab_Λl tsa' lajmes_Λntiyob jini mach b_Λ weñobic i yoc i c'Λb.

8 Jini cha'an wen tijicña tsa' caji i yubiñob ya' ti jini tejclum.

9 Juntiquil winic i c'aba' Simón, tsa' b_Λ i cha'le wujt ti yamb_Λ ora, cab_Λl tsi' loti tejclumob ti Samaria. Tsi' subu i b_Λ ti ñuc.

10 Ti pejtelelob tsi' wen ubibeyob i t'an, jini ch'o'ch'oco' b_Λ yic'ot jini ñuco' b_Λ. Tsi' y_Λayob: Jiñach jini ñuc b_Λ i p'_Λl_Λel Dios, lon che'ob.

11 Tsi' wen jac'beyob come c'_Λl_Λ ti wajali tsa' toj sajtiyob i pusic'al cha'an leco tac b_Λ i melbal.

12 Tsa' caji i ñopbeñob i t'an Felipe che' b_Λ tsi' subeyob jini wen t'an cha'an i yum_Λntel Dios ti' c'aba' Jesucristo. W_Λle cab_Λl winicob x'ixicob tsi' ch'_Λm_Λyob ja'.

13 Simón tsi' ñopo ja'el. Che' b_Λ tsa'ix i ch'_Λm_Λ ja', tsa' jale yic'ot Felipe. Tsa' toj sajti i pusic'al che' b_Λ tsi' q'uele i yejtal i p'_Λl_Λel yic'ot ñuc b_Λ i melbal tsa' b_Λ i cha'le Felipe.

14 Jini apóstolob añob ti Jerusalén. Che' yujilobix wolix i ñopob i t'an Dios ya' ti Samaria, tsi' chocoyob majlel Pedro yic'ot Juan ya' ba' añob.

15 Che' b_Λ tsa' c'otiyob ti Samaria, tsi' c'ajtibeyob Dios ti oración cha'an mi' y_Λq'uen winicob x'ixicob jini Ch'ujul b_Λ Espíritu.

16 Come maxto anic tsa' aq'uentiyob Ch'ujul b_Λ Espíritu jini año' b_Λ ti Samaria. Cojax to tsi' ch'_Λm_Λyob ja' ti' c'aba' Jesús.

17 Pedro yic'ot Juan tsi' y_Λc'_Λyob i c'_Λb ti' jol. Tsa' aq'uentiyob Ch'ujul b_Λ Espíritu.

18 Che' b_Λ tsi' q'uele Simón aq'uebilobix Ch'ujul b_Λ Espíritu cha'an tsi' y_Λq'ueyob i c'_Λb jini apóstolob, Simón tsi' p_Λsbeyob taq'uin.

19 Tsi' subeyob: Aq'ueñon ja'el a p'_Λl_Λel cha'an mi' c_Λq'uen Ch'ujul b_Λ Espíritu majqui jach com che' mi' c_Λq'ueñob j c'_Λb ti' jol, che'en.

20 Pedro tsi' sube: La' jilic a taq'uin a wic'ot, come wola' lon ña'tan ti a pusic'al mi mejlel a mañ yic'ot taq'uin a majtan ch'oyol b_Λ ti Dios.

21 Maxto ochemetic ti jini e'tel. Mach a cha'anic. Come mach tojic a pusic'al ti' wut Dios.

22 C_ΛY_Λ a jontolil. C'ajtiben Dios cha'an mi' ñ_{US}Λbeñet jini tsa' b_Λ a ña'ta ti a pusic'al.

23 Come mij q'uel an ch'aj b_Λ i ts_Λyts_Λyñ_Λyel a pusic'al. Chucbilet ti jontolil, che'en Pedro.

24 Simón tsi' jac'Λ: C'ajtiben lac Yum cha'an ma'anic mi' wis tajon jini tsa' b_Λ a w_ΛΛ, che'en.

25 Pedro yic'ot Juan, che' b_Λ tsi' subeyob i t'an lac Yum yic'ot chuqui tac tsi' q'ueleyob ti' tojlel lac Yum, tsa' sujtiyob ti Jerusalén. Tsi' subuyob jini wen t'an ti cab_Λl tejclum tac ya' ti Samaria.

Felipe yic'ot jini ch'oyol b_Λ ti Etiopía

26 I yángel lac Yum tsi' pejca Felipe. Tsi' sube: Ch'ojyen, cucu ti sur ba'an colem b_Λ i tiquiñal pañimil ti' bijlel Gaza mu' b_Λ i jubel loq'uel ti Jerusalén, che'en.

27 Tsa' ch'ojoyi Felipe, tsa' majli. Awilan, ya'an juntiquil eunuco ch'oyol b_Λ ti Etiopía. An ñuc b_Λ i ye'tel cha'an x'ixic b_Λ yum_Λl ti Etiopía i c'aba' Candace. Jini winic tsi' c_Λnt_Λbe pejtelel i chub_Λ'an. Tsajni jini winic ti Jerusalén cha'an mi' ch'ujutesan Dios.

28 Wolix ti cha' sujt_Λl, buchul ti carreta mu' b_Λ i tujc'antel majlel. Woli' q'uel i jun jini x'alt'an Isaías.

29 Jini Espíritu tsi' sube Felipe: Cucu ba'an jini carreta. Yom ma' majlel yic'ot, che'en.

30 Felipe tsa' majli ti lɔc'ɔl. Tsi' yubibe i t'an jini winic che' bɔ woli' pejcan i jun jini x'alt'an Isaías. Felipe tsi' sube: ¿Mu' ba a ch'amben isujm jini t'an woli bɔ a q'uel? che'en.

31 Jini winic tsi' yɔlɔ: ¿Bajche' mi mejlel c ch'amben isujm mi ma'anic majqui mi' cantesañon? che'en. Tsi' sube letsel Felipe cha'an mi' buchtɔl yic'ot.

32 Ya' ba' woli' q'uel i Ts'ijbujel Dios an jini t'an: “Tsa' pɔjyi majlel cha'an mi' chɔmel che' bajche' tiñame'. Che' bajche' alɔ tat tiñame' ñach'ɔl bɔ ti' tojlel jini mu' bɔ i tsepben i tsutsel, ma'anic tsi' cha'le t'an jini winic.

33 Pec' tsi' mele i bɔ. Jini año' bɔ i ye'tel ma'anic tsi' meleyob ti toj. ¿Majqui mi mejlel i tsicben i yalobilob jini winic? Come tsa' tsɔnsɔnti ila ti pañimil”, che'en.

34 Jini eunuco tsi' c'ajtibe Felipe: Awocolic subeñon, ¿majqui jini tsa' bɔ ña'tɔnti ti' t'an jini x'alt'an? ¿Jim ba jini x'alt'an Isaías o jim ba yambɔ winic? che'en.

35 Felipe tsa' caji ti t'an. Tsa' caji i suben jini wen t'an cha'an Jesús che' bajche' ts'ijbubil i cha'an Isaías.

36 Che' woli' majlelob ti bij, tsa' c'otiyob ba'an ja'. Jini eunuco tsi' sube: Q'uele, wɔ'an ja'. ¿Am ba chuqui mi' mactañon cha'an mic ch'ɔm ja? che'en.

37 Felipe tsi' sube: Mi wola' ñop ti pejtelel a pusic'al, mi mejlel a ch'ɔm ja', che'en. Jini eunuco tsi' jac'be: Mic ñop i Yalobilɔch Dios jini Jesucristo, che'en.

38 Jini eunuco tsi' yɔc'ɔ mandar cha'an mi' cɔy i xɔmbal jini carreta. Tsa' jubiyob ti ja' ti'

cha'ticlelob, Felipe yic'ot jini eunuco. Felipe tsi' y_Λq'ue ch'Λmja'.

³⁹ Che' b_Λ tsa' loq'uiyob ti ja', i yEspíritu lac Yum tsi' j_Λm chucu majlel Felipe. Jini eunuco ma'anix tsi' ch_Λn q'uele. Tijicña i pusic'al tsa' majli ti bij.

⁴⁰ Ya' tsa' tajle Felipe ti Azoto. Che' b_Λ tsa' ñumi majlel, tsi' subu jini wen t'an ti pejtelel tejclum tac c'Λ_ΛΛ ti Cesarea.

9

Saulo tsi' ñopo lac Yum (Hch. 22.6-16; 26.12-18)

¹ Saulo woli to ti a'leya ti' contra x_Cant'añob i cha'an lac Yum. Yom i ts_Λnsañob. Tsa' tili ba'an ñuc b_Λ motomaj.

² Tsi' c'ajtibe jun cha'an mi' p_Λs ti sinagoga tac ya' ti Damasco. Jini jun tsi' y_Λq'ue i ye'tel cha'an c_Λchbil mi' p_Λyob majlel ti Jerusalén pejtelel woli b_Λ i ñopbeñob i bijlel Cristo, mi tsi' tajayob.

³ Che' woli' majlel ti bij, che' yomix c'otel ti Damasco, ora jach tsa' tili i s_Λclel c'ajc ch'oyol b_Λ ti panchan ti' joytilel Saulo.

⁴ Tsa' yajli ti lum. Tsi' yubi t'an tsa' b_Λ i sube: Saulo, Saulo, ¿chucoch ma' tic'lañon? che'en.

⁵ Saulo tsi' y_ΛΛ: ¿Majquiyet c Yum? che'en. Tsi' sube: Joñoñach Jesús woli b_Λ a tic'lan, che'en.

⁶ Saulo, tsiltsilña ti b_Λq'uen, tsi' sube: C Yum, ¿chuqui a wom mic cha'len? che'en. Lac Yum tsi' sube: Ch'ojyen. Ochen ti tejclum. Mi caj a subentel chuqui yom ma' cha'len, che'en.

⁷ Winicob woli b_Λ i pi'leñob Saulo ti x_Λmbal ñ_Λch'Λ_Λ tsa' c_Λleyob cha'an b_Λq'uen. Come ti isujm

tsi' yubiyob t'an, pero ma'anic tsi' q'ueleyob majqui woli ti t'an.

⁸ Saulo tsa' ch'ojyi ti lum. Che' cañalix i wut, ma'anic chuqui tsa' mejli i q'uel. Jini i pi'lob tsi' toj'esayob majlel ti' c'ab. Tsi' palyob majlel ti Damasco.

⁹ Uxp'ejl q'uin tsa' c'ale ti xpots'. Ma'anic chuqui tsi' c'uxu. Ma'anic chuqui tsi' jap.

Saulo ya' ti Damasco

(Hch. 22.12-16)

¹⁰ An juntiquil xcant'an ti Damasco, i c'aba' Ananías. Tsi' q'uele chuqui tsa' pasbenti ti lac Yum. Lac Yum tsi' sube: Ananías, che'en. Ananías tsi' jac'la: W' añon c Yum, che'en.

¹¹ Lac Yum tsi' sube: Ch'ojyen. Cucu ti bij, i c'aba' Toj. Ya' ti' yotot Judas, sajcan juntiquil winic i c'aba' Saulo, ch'oyol b' ti Tarso. Awilan, woli' pejcan Dios.

¹² Saulo tsa'ix i q'ueleyet che' bajche' ti ñajal, Ananías. Tsi' q'uele tsa' w'ac'la a c'ab ti' jol cha'an mi' cha' c'otel i wut, che'en.

¹³ Ananías tsi' jac'la: C Yum, cabal tsa cubi t'an cha'an jini winic. Cabal i jontolil tsa' b' i cha'le ti' contra a cha'año' b' ti Jerusalén.

¹⁴ An i ye'tel ilayi aq'uebil cha'an ñuc b' motomajob cha'an mi' c'ach pejtelel mu' b' i pejcañob a c'aba', che'en Ananías.

¹⁵ Lac Yum tsi' sube: Cucu, come yajcabilch c cha'an, cha'an mi' sub majlel j c'aba' ti' tojlel gentilob yic'ot reyob yic'ot israelob.

¹⁶ Come mi caj c pasben bajche' c'amel mi caj i yubin wocol cha'an tij c'aba', che'en.

17 Ananías tsa' majli. Tsa' ochi ti otot. Che' b_Λ tsi' y_Λc'Λ i c'Λb ti' jol Saulo, tsi' y_ΛΛ: Hermano Saulo, c Yum Jesús tsa' b_Λ tsictiyi ti bij che' b_Λ tsa' tiliyet, tsi' chocoyon tilel cha'an mi' cha' c'otel a wut, cha'an ma' bujt'el ti Ch'ujul b_Λ Espíritu, che'en.

18 Ti ora jach tsa' c'ajli loq'uel i sujl i wut. Tsa' cha' c'oti i wut. Tsa' ch'ojyi Saulo. Tsi' ch'ΛmΛ ja'.

19 Che' ujtemix ti we'el tsi' cha' taja i p'ΛtΛlel.

Cha'p'ejl uxpejl q'uin tsa' jale Saulo yic'ot xcΛnt'añob ti Damasco.

20 Tsi' b_Λc' subu t'an cha'an Cristo ti sinagoga tac. Tsi' y_ΛΛ: I YalobilΛch Dios jini Cristo, che'en.

21 Tsa' toj sajtiyob i pusic'al pejtelel tsa' b_Λ i yubiyob. Tsi' y_ΛΛyob: ¿Mach ba jinic tsa' b_Λ i tic'la jini mu' b_Λ i pejcañob i c'aba' Cristo ya' ti Jerusalén? Jini cha'an tsa' tili w_Λ'i cha'an cΛchbil mi' pΛyob majlel ti' tojlel ñuc b_Λ motomajob, che'ob.

22 Ñumen cabΛ tsa' p'ojli i p'ΛtΛlel Saulo. Ma'anic chuqui tsa' mejli i jac'ob jini judíojob chumulo' b_Λ ti Damasco, come Saulo tsi' wen tsictesΛbeyob CristojΛch jini Jesús.

23 Che' b_Λ tsa' ñumi cabΛ q'uin, jini judíojob tsi' comol pejcayob i b_Λ. Tsi' ña'tayob bajche' mi caj i tsΛnsañob Saulo.

24 Ubibilix i cha'an Saulo che' woli' chijtañob. Ti q'uiñil ti ac'Λlel tsi' chijtayob ya' ti' ti' tac tejclum cha'an mi' tsΛnsañob.

25 Jini cha'an jini xcΛnt'añob tsi' pΛyΛyob majlel ti ac'Λlel. Tsi' ju'sayob ti colem chiquib ti' ñΛc' jini chan b_Λ ts'ajc.

Saulo ya' ti Jerusalén

26 Che' b_Λ tsa' c'oti Saulo ti Jerusalén, tsi' ñopo i tem ajñel yic'ot x_{CA}nt'añob. Ti pejtelel tsi' b_{AC}'ñayob. Ma'anic tsi' ñopoyob mi x_{CA}nt'an Saulo.

27 Bernabé tsi' taja. Tsi' p_{ΛYΛ} majlel ba'an jini apóstolob. Tsi' subeyob: Jiñ_Λch Saulo. Tsi' q'uele lac Yum ti bij. Lac Yum tsi' pejca. Ya' ti Damasco ch'ejl i pusic'al tsi' cha'le subt'an ti' c'aba' Jesús, che'en.

28 Jini cha'an temel tsa' ajni Saulo yic'otob ti Jerusalén.

29 Ch'ejl i pusic'al tsi' cha'le subt'an ti' c'aba' lac Yum. Tsi' subeyob jini griegojob jini wen t'an. Tsi' contrajiyob i b_Λ ti t'an. Jini griegojob yomob i ts_{ANSAN} Saulo.

30 Che' yujilobix jini hermanojob, tsi' p_{ΛYΛYOB} majlel ti Cesarea. Tsi' chocoyob majlel ti Tarso.

31 Tsa' ñ_Λjch'i i tic'_Λntel jini xñopt'añob ti pejtelel Judea yic'ot ti Galilea yic'ot ti Samaria. Tsa' p'_Λates_{ANTIYOB}. Tsi' ch_{ΛN} b_{AC}'ñayob lac Yum. Tsa' ñuc'ayob i pusic'al cha'an Ch'ujul b_Λ Espíritu. Tsa' wen p'ojliyob.

Eneas yic'ot Tabita

32 Che' b_Λ tsa' ñumi majlel Pedro ti pejtelel lum, tsa' c'oti i jula'tan i cha'año' b_Λ lac Yum ya' b_Λ chumulob ti Lida.

33 Ya' tsi' taja juntiquil winic, i c'aba' Eneas. Ñolol ti' w_{ΛYIB} wax_{ΛCP}'ejl jab. Mach wenic i yoc i c'_{ΛB}.

34 Pedro tsi' sube: Eneas, Jesucristo woli' lajmesañet. Ch'ojyen. Teche a w_{ΛYIB}, che'en. Ti ora jach tsa' ch'ojyi.

35 Pejtelel jini ya' b_Λ chumulob ti Lida yic'ot ti Sarón tsi' q'ueleyob. Tsi' sutq'uiyob i b_Λ cha'an mi' ñopob lac Yum.

³⁶ Ya' ti Jope an xCANT'an i c'aba' Tabita, jiñach Dorcas. Jini x'ixic bAXatax ti wen bΛ i ye'tel tsa' bΛ i cha'le. Tsi' yAQ'ueyob i chubΛ'an jini mach bΛ añobic i cha'an.

³⁷ Ti jini jach bΛ semana tsa' c'am'a. Tsa' chΛmi. Che' bΛ tsa'ix ujti i pocob, tsi' yAC'AYob ti jump'ejl i mal otot.

³⁸ LAC'Λl an Lida ti Jope. Jini xCANT'añob che' bΛ tsi' yubiyob ya'an Pedro ti Jope, tsi' chocoyob majlel cha'tiquil winicob ba'an. Tsi' subeyob: Awocolic mach ma' chΛn jalijel ilayi. La' ti ora ba' añon lojon, che'ob.

³⁹ Jini cha'an Pedro tsa' ch'ojoyi, tsa' majli yic'otob. Che' bΛ tsa' c'oti, tsi' pAYAYob ochel. Ya' wa'alob pejtelel jini meba' x'ixicob ti' joytilel Pedro, woliyob ti uq'uel. Tsi' pASbeyob cabΛl chaqueta yic'ot bujcΛl tsa' bΛ i mele Dorcas che' anto yic'otob.

⁴⁰ Pedro tsi' subeyob cha'an mi' loq'uelob ti pejtelelob. Tsa' ñocle. Tsi' pejca Dios. Ti wi'il tsi' sutq'ui i bΛ cha'an mi' q'uel jini ch'ujlelΛl. Tsi' sube: Ch'ojoyen, Tabita, che'en. Tsa' cajni i wut. Che' bΛ tsi' q'uele Pedro, tsa' buchle.

⁴¹ Pedro tsi' yAQ'ue i c'Λb. Tsi' teche. Che' bΛ tsa'ix i cha' pAYΛ ochel i cha'año' bΛ lac Yum yic'ot jini meba' x'ixicob, tsi' pASbeyob cha' cuxulix Dorcas.

⁴² Tsa' caji ti cAJñel ti pejtelel Jope. CabΛl tsi' ñopoyob lac Yum.

⁴³ Ya' tsa' jale Pedro cabΛl q'uin ti Jope ti' yotot Simón, jini sts'aj pΛchi.

10

Cornelio tsi' pAYΛ Pedro

¹ Ya'an winic ti Cesarea, i c'aba' Cornelio. An ti' wenta Cornelio jo'c'al soldadojob i c'aba' Italiana.

² Tsi' ch'ujutesa Dios jini winic. Tsi' bΛc'ña Dios yic'ot pejtelel año' bΛ ti' yotot. Tsi' yΛq'ueyob cabΛ i majtan jini p'ump'uño' bΛ. Pejtelel ora tsi' pejca Dios ti oración.

³ Che' ti och'ajel q'uin an chuqui tsi' q'uele tilem bΛ ti panchan. Juntiquil i yángel Dios tsa' ochi ba'an. Jini ángel tsi' pejca: Cornelio, che'en.

⁴ Cornelio tsi' cha'le bΛq'uen che' bΛ tsi' q'uele jini ángel. Tsi' sube: ¿Chuqui a wom c Yum? che'en. Jini ángel tsi' sube: A woración yic'ot i majtan tac p'ump'uño' bΛ mu' bΛ a wΛq'ueñob woli' ña'tΛntel ti Dios.

⁵ Choco majlel winicob ti Jope. PΛyΛ tilel Simón, jini am bΛ i cha'chajplel i c'aba' Pedro.

⁶ Ya' jijlem Pedro ti' yotot Simón, jini sts'aj pΛchi. LΛc'Λl an i yotot ti' ti' colem ñajb. Pedro mi caj i subeñet chuqui yom ma' cha'len, che'en jini ángel.

⁷ Che' majlemix jini ángel tsa' bΛ i pejca, Cornelio tsi' pΛyΛ tilel cha'tiquil i winicob yic'ot juntiquil soldado tsa' bΛ i coltayob ti' ye'tel. Jini soldado tsi' ch'ujutesa Dios.

⁸ Che' bΛ tsi' subeyob chuqui tsa' ujtí, Cornelio tsi' chocoyob majlel ti Jope.

Jini tsa' bΛ i q'uele Pedro

⁹ Ti yijc'Λlal, che' woliyob ti xΛmbal majlel ti bij, che' lΛc'Λlix año' ti tejclum, Pedro tsa' letsí ti' jol otot cha'an mi' pejcan Dios. Ts'ita jax yom i taj xinq'uiñil.

¹⁰ Anix cabΛl i wi'ñal. Yomix i cha'len we'el. Che' woli to i chajpañob we'elΛl an chuqui tsi' q'uele Pedro ti espíritu.

11 Tsi' q'uele calal jini panchan. Woli' jubel tilel che' bajche' colem pisil c_Λchbil ti ch_Λmp'ejlel i xujc. Tsa' ju's_Λnti c'_Λl_Λl ti lum.

12 Ya' ti mal jini pisil an cab_Λl al_Λc'_Λl, yic'ot b_Λte'el ti chajp ti chajp, yic'ot jini j_Λl_Λcña b_Λ, yic'ot te'lemut.

13 Tsa' c'oti t'an, tsi' sube: Ch'ojyen, Pedro. Ts_Λnsan. C'uxu, che'en.

14 Pedro tsi' sube: Mach che'iqui c Yum, come ma'anic ba' ora tsaj c'uxu chuqui tac tic'bil mi chuqui tac bibi', che'en.

15 Ti' cha'yajlel tsa' c'oti jini t'an ba'an Pedro: Mach a ts'a'len jatet, chuqui tac tsa'ix i s_Λq'uesa Dios, che'en.

16 Uxyajl tsa' c'oti jini t'an. Ti wi'il jini pisil tsa' cha' chujqui letsel ti panchan.

17 Che' woli' ch_Λn ña'tan Pedro chuqui i sujmllel jini tsa' b_Λ ujti i q'uel, awilan, tsa' tiliyob jini winicob chocbilo' b_Λ tilel i cha'an Cornelio. Tsi' c'ajtibeyob baqui an i yotot Simón. Tsa' c'otiyob ti' ti'.

18 Che' b_Λ tsi' cha'leyob p_Λyoñel, tsi' c'ajtibeyob mi ya' jijlem Simón jini am b_Λ i cha'chajplel i c'aba' Pedro.

19 Che' woli to i ña'tan Pedro chuqui i sujmllel jini tsa' b_Λ ujti i q'uel, jini Espíritu tsi' sube: Awilan, uxtiquil winicob woli' sajcañetob.

20 Ch'ojyen, che' jini. Juben. Cucu yic'otob. Mach yomic tile bixel a pusic'al, come joñon tsac chocoyob tilel, che'en.

21 Pedro tsa' jubi majlel ba'an jini winicob chocbilo' b_Λ tilel i cha'an Cornelio. Tsi' subeyob: Awilan joñoñ_Λch, woli la' sajcañon. ¿Chucoch tsa'

tiliyetla? che'en.

²² Tsi' subeyob: Jini Cornelio, i yaj capitán jo'c'al soldadojob, jini wen toj b_Λ, mi' b_Λc'ñan Dios. C_Λmbil i cha'an pejtelel israelob weñ_Λch i melbal. Juntiquil ch'ujul b_Λ ángel tsi' sube Cornelio cha'an mi' p_Λy_Λet majlel ti' yotot cha'an mi' yubin chuqui ti t'an ma' sub, che'ob.

²³ Pedro tsi' subeyob ochel. Tsi' we'sayob.

Ti yijc'Λlal tsa' ch'ojoyi, tsa' majli yic'otob. Lamital jini hermanojob ti Jope tsi' pi'leyob majlel.

Pedro ya' ti' yotot Cornelio

²⁴ Ti yijc'Λlal tsa' ochiyob ti Cesarea. Cornelio wolix i pijtañob. Tsa'ix i tempa cab_Λl i pi'Λlob yic'ot i c_Λñ_Λy_Λo' b_Λ.

²⁵ Che' b_Λ tsa' ochi Pedro ti otot, tsa' tili Cornelio i taj. Cornelio tsi' ñocchoco i b_Λ ti' tojel. Tsa' caji i ch'ujutesan.

²⁶ Pedro tsi' teche ch'ojoyel. Tsi' sube: Ch'ojoyen. Winicon ja'el, che'en.

²⁷ Che' b_Λ woli' pejcañob i b_Λ, tsa' ochi Pedro ti' mal otot. Tsi' taja cab_Λl temp_Λbilo' b_Λ.

²⁸ Tsi' subeyob: La' wujil tic'bil ti mandar mi' yajñel judío yic'ot winic ch'oyol b_Λ ti yamb_Λ lum. Tic'bil mi' jula'tan. Dios tsi' p_Λs_Λbeyon mach wenic mic ts'a'len winicob mi juntiquilic. Mach mejlic c bi'leñob.

²⁹ Jini cha'an tsa' tiliyon che' b_Λ tsa' p_Λy_Λyon tilel. Ma'anic tsac ñusa c p_Λy_Λol. Jini cha'an mij c'ajtibeñetla, ¿chucoch tsa' la' p_Λy_Λyon tilel? che'en.

³⁰ Cornelio tsi' sube: Anix ch_Λmp'ejl q'uin che' bajche' ti ili ora woliyon ti oración. Che' ti och'ajel

q'uín, awílan juntiquíl winic tsa' wa'le ti' tojel c wut. Wen sácxowan i bujc.

³¹ Jini winic tsi' subeyon: “Cornelio, ubibilix a woración i cha'an Dios. Ña'tabil i cha'an Dios, tsa'ix a wáq'ue i majtan jini p'ump'uño' bΛ.

³² Jini cha'an, choco majlel winicob c'ΛΛ ti Jope. PΛYΛ tilel Simón, jini am bΛ i cha'chajplel i c'aba' Pedro. Ya jijlem ti' yotot Simón jini sts'aj pΛchi lΛc'Λl bΛ ti' ti' colem ñajb. Che' tilemix mi caj i pejcañet”, che'en.

³³ Jini cha'an ti ora jach tsac chocoyob majlel ba' añet. Uts'at tsa' tiliyet. Wale wΛ' temel añoñ lojon ti' wut Dios tic pejtelel lojon cha'an mi cubin lojon pejtelel chuqui tsi' subeyet Dios. Che' tsi' yΛΛ Cornelio.

I subt'an Pedro

³⁴ Pedro tsa' caji ti t'an. Tsi' yΛΛ: Mic ña'tan ti isujm, junlajal mi' q'uel winicob Dios.

³⁵ Ti pejtelel lum Dios mi' q'uel ti uts'at jini mu' bΛ i bac'ñañob, mu' bΛ i cha'leñob chuqui toj.

³⁶ Dios tsi' choco tilel i t'an ba'an israelob. Tsi' subeyob jini wen t'an cha'an mi' tajob i ñach'tilel i pusic'al ti Jesucristo, jiñach i Yum pejtelel winicob.

³⁷ Ubibil la' cha'an jini t'an tsa' bΛ pujqui ti pejtelel Judea. Ya' tsa' tejchi ti Galilea che' bΛ tsi' subu Juan cha'an mi' ch'Λmob ja'.

³⁸ Dios tsi' yajca Jesús, jini loq'uem bΛ ti Nazaret. Tsi' yáq'ue Ch'ujul bΛ Espiritu yic'ot i p'ΛtΛlel. Baqui jach tsa' ñumi tsi' cha'le uts'at bΛ i ye'tel. Tsi' lajmesa pejtelel jini tic'lΛbilo' bΛ cha'an xiba, come an Dios yic'ot.

³⁹ Joñon lojon tsaj q'uele lojon pejtelel chuqui tsi' mele Jesús ti Judea yic'ot ti Jerusalén. Jini judíojob tsi' tsansayob. Tsi' ch'ijiyob ti te'.

⁴⁰ Dios tsi' teche ch'ojoyel ti' yuxp'ejlel q'uin. Tsi' yac'Λ ti q'uejlel.

⁴¹ Mach ti' wutic pejtelel winicob x'ixicob, co-jach tic wut lojon tsa' bΛ c cha'le lojon we'el, uch'el yic'ot Jesús che' ch'ojoyemix loq'uel ba'an chΛmeño' bΛ. Dios tsi' wa'chocoyon lojon ti testigo cha'an mic laj sub chuqui tsaj q'uele lojon.

⁴² Jesús tsi' yΛq'ueyon lojon mandar cha'an mic subeñoob winicob x'ixicob jiñΛch Jesús jini yajcΛbil bΛ i cha'an Dios mu' bΛ caj i cha'len meloñel. Mi caj i mel jini cuxulo' bΛ yic'ot chΛmeño' bΛ.

⁴³ Pejtel x'alt'añoob tsi' yΛΛyob mi caj i ñusΛbentelob i mul ti' c'aba' Jesús pejtelel mu' bΛ i ñopob. Che' tsi' yΛΛ Pedro.

⁴⁴ Che' woli to i sub jini t'an Pedro, tsa' aq'uentiyob Ch'ujul bΛ Espíritu pejtelel tsa' bΛ i yubibeyob i t'an.

⁴⁵ Jini hermanojob tsepbilo' bΛ i pΛchΛlel, tsa' bΛ i pi'leyob majlel Pedro, tsa' toj sajtiyob i pusic'al, come tsa' aq'uentiyob gentilob ja'el jini Ch'ujul bΛ Espíritu ti' majtan jach.

⁴⁶ Come tsi' yubiyob woliyob ti t'an ti yan tac bΛ t'an. Woli' subob i ñucler Dios.

⁴⁷ Pedro tsi' c'ajtibeyob: ¿Mejl ba mi lac tic'ob ti ch'Λmja' jini tsa' bΛ aq'uentiyob jini Ch'ujul bΛ Espíritu che' bajche' tsa' aq'uentiyonla? che'en.

⁴⁸ Tsi' subeyob cha'an mi' ch'Λmob ja' ti' c'aba' Jesucristo. Jini gentilob tsi' subeyob Pedro ti wocol t'an cha'an mi' jalijel yic'otob cha'p'ejl uxp'ejl q'uin.

11

Pedro tsi' pejca xñopt'añob ya' ti Jerusalén

¹ Jini apóstolob yic'ot jini hermanojob añon b_Λ ti Judea tsi' yubiyob tsa'ix i jac'beyob i t'an Dios jini gentilob ja'el.

² Che' b_Λ tsa' tili Pedro ti Jerusalén, jini woli b_Λ i ñopob tsep p_Λch_Λlel tsi' y_Λ'leyob.

³ Tsi' subeyob: ¿Chucoch tsa' ochiyet ti' yotot winicob mach b_Λ tsepbilob i p_Λch_Λlel? ¿Chucoch tsa' cha'le we'el yic'otob? che'ob.

⁴ Quepecña tsa' caji i sub Pedro chuqui tsa' ujti. Tsi' y_ΛΛ:

⁵ Che' ya' añon ti tejclum i c'aba' Jope che' wolic pejcan Dios, an chuqui tsaj q'uele tilem b_Λ ti panchan. Tsa' jubi tilel ti panchan che' bajche' colem pisil ju's_Λabil ti ch_Λmp'ejlel i xujc. Tsa' c'oti ba' añon.

⁶ Che' b_Λ tsac wen q'uele, ya'an alac'Λ, yic'ot jontol tac b_Λ b_Λte'el, yic'ot lucum yic'ot te'lemut.

⁷ Tsa cubi t'an. Tsi' subeyon: “Ch'ojyen, Pedro. Tsansan, c'uxu”, che'en.

⁸ Tsac subu: “Ma'anic, c Yum, come ma'anic ba' ora tsa' ochi ti quej chuqui tac tic'bil, mi chuqui tac bibi”, cho'on tsac sube.

⁹ Jini t'an ch'oyol b_Λ ti panchan tsi' jac'beyon ti' cha'yajlel: “Mach a ts'alén chuqui tac tsa'ix i s_Λq'uesa Dios”, che'en.

¹⁰ Uxyajl tsa' c'oti jini t'an. Ti wi'il tsa' cha' chujqui letsel ti panchan ti pejtelel.

¹¹ Awilan, tsa' b_Λc' tiliyob uxtiquil winicob ti jini otot ba' añon. Chochilob tilel ti Cesarea tsa' tiliyob ba' añon.

¹² Jini Espíritu tsi' subeyon mach yomic tile bixel c pusic'al. Yom abi mic majlel ti ora yic'otob. Ili

wΛctiquil hermanojob tsa' majliyob quic'ot ja'el. Tsa' ochiyon lojon ti' yotot Cornelio.

¹³ Tsi' subeyon lojon bajche' tsi' q'uele juntiquil ángel wa'al ti' yotot. Jini ángel tsi' sube: “Choco majlel winicob ti Jope. PΛyΛ tilel Simón, jini am bΛ i cha'chajplel i c'aba' Pedro.

¹⁴ Mi caj i subeñet t'an cha'an mi la' coltΛntel, jatet yic'ot pejtelel año' bΛ ti a wotot”, che'en.

¹⁵ Che' bΛ tsa' cajiyoñ ti t'an, tsa' aq'uentiyob Ch'ujul bΛ Espíritu ja'el che' bajche' tsa' aq'uentiyonla ti ñaxan.

¹⁶ Tsac ña'ta i t'an lac Yum tsa' bΛ i yΛΛ: “Isujm, Juan tsi' yΛq'ueyetla ch'Λmja' ti ja', pero mi caj la' wΛq'uentel la' ch'Λm Ch'ujul bΛ Espíritu”, che'en.

¹⁷ Dios tsi' yΛq'ueyob i majtan che' bajche' tsi' yΛq'ueyonla che' bΛ tsa' lac jac'be i t'an lac Yum Jesucristo. Mi che'Λch tsi' mele Dios, ¿mejl ba mic tic' joñon? Che' tsi' yΛΛ Pedro.

¹⁸ Che' bΛ tsi' yubibeyob i t'an, ñΛch'Λl tsa' cΛleyob. Tsi' subuyob i ñucler Dios. Tsi' yΛΛyob: Dios tsa'ix i yΛq'ueyob gentilob ja'el i cΛyob i mul cha'an mi' tajib i cuxtΛlel, che'ob.

Xñopt'añob ya' ti Antioquía

¹⁹ Che' bΛ tsa' chΛmi Esteban tsa' tejchi cabΛl tic'laya. Jini winicob tsa' bΛ pam pujquiyob cha'an i tic'Λntel tsa' majliyob c'ΛlΛl ti Fenicia yic'ot ti Chipre, yic'ot ti Antioquía. Jini jach judíojob tsa' subentiyob jini wen t'an.

²⁰ An ja'el winicob ch'oyolo' bΛ ti Chipre yic'ot ti Cirene tsa' bΛ ochiyob ti Antioquía. Tsi' pejayob griegojob ja'el. Tsi' subeyob jini wen t'an cha'an lac Yum Jesús.

21 An i p'atɬel lac Yum yic'otob. Wen cabɬ tsi' sutq'uiyob i bɬ cha'an mi' ñopob lac Yum.

22 Jini xñopt'añob mu' bɬ i tempañob i bɬ ti Jerusalén tsi' yubiyob chuqui tsa' ujtí. Tsi' chocoyob majlel Bernabé c'ɬɬɬ ti Antioquía.

23 Che' bɬ tsa' c'oti Bernabé ya' ti Antioquía, tijicña i pusic'al come tsi' q'uele añob ti' yutslél i pusic'al Dios. Tsi' xic'beyob ti pejtelelob cha'an mi' chɬñ ñopob lac Yum ti' xuc'tilé i pusic'al.

24 Uts'at i pusic'al Bernabé. But'ul ti Ch'ujul bɬ Espíritu. Ñopol i cha'an i t'an Dios ti jump'ejl i pusic'al. Cabɬ winicob x'ixicob tsi' ñopoyob lac Yum.

25 Ti wi'il tsa' majli Bernabé ti Tarso cha'an mi' sɬclan Saulo.

26 Che' bɬ tsi' taja, tsi' pɬyɬ majlel ti Antioquía. Jump'ejl jab tsa' tem ajniyob ya'i yic'ot jini xñopt'añob mu' bɬ i tempañob i bɬ. Tsi' cantesayob cabɬ winicob x'ixicob. Ya' ti Antioquía tsa' tejchi i pejcantelob ti cristianojob jini xcant'añob cha'an tsi' tsajcayob Cristo.

27 Tsa' cajiyojob ti jubel majlel ti Antioquía x'alt'añob ch'oyolo' bɬ ti Jerusalén.

28 Tsa' wa'le juntiquil i c'aba' Agabo. Ti' p'atɬel jini Espíritu tsi' subeyob tal wi'ñal ti pejtelel pañimil. Jini wi'ñal tsa' caji che' ochemix Claudio ti' ye'tel.

29 Jini xcant'añob tsi' ña'ta i chocheñob majlel i majtan jini hermanojob año' bɬ ti Judea che' bajche' c'amel tsa' mejli i yɬc'ob ti jujuntiquil.

30 Che'i tsi' cha'leyob. Tsi' chocoyob majlel ti' c'ɬb Bernabé yic'ot Saulo cha'an mi' yɬq'ueñob jini ancianojob.

12

YambΛ i tic'lan telob

¹ Ti jini jach bΛ ora jini rey Herodes tsa' caji i wersa tic'lan lamital jini xñopt'añob mu' bΛ i tempañob i bΛ.

² Tsi' set' t'ojbe loq'uel i bic' Jacobo, i yΛscun Juan.

³ Che' bΛ tsi' q'uele Herodes tijicñayob judíojob cha'an tsi' tsΛnsa Jacobo, tsa' caji i chuc Pedro ja'el. I q'uiñilelix caxlan waj mach bΛ anic i levadurajel.

⁴ Che' bΛ tsa'ix i chucu Pedro, tsi' yotsa ti mΛjquibΛ. Tsi' yΛc'Λ ti cantantel cha'an wΛclujuntiquil (16) soldadojob. Ti chΛnchΛntiquilob tsi' cantayob. Herodes tsi' ña'ta i loc'san Pedro che' ñumenix Pascua cha'an mi' mel ti' wut xtejclumob.

⁵ Jini cha'an cΛntΛbil Pedro ti mΛjquibΛ. Jini xñopt'añob mu' bΛ i tempañob i bΛ tsi' c'ajtibeyob Dios ti oración ti pejtelel ora cha'an Pedro.

Lac Yum tsi' loc'sa Pedro ti mΛjquibΛ

⁶ Ti jini jach bΛ ac'Λlel che' yomix Herodes i pΛy loq'uel Pedro, ya'an Pedro xinlΛpΛ i cha'an cha'tiquil soldadojob, cΛchΛ ti cha't'ujm cadena. Jini xcΛntayajob woli' cΛntañob i ti' mΛjquibΛ ti jumpat.

⁷ Awilan, tsa' tili i yángel lac Yum ba'an Pedro. Tsa' tsictiyi c'ajc ti mΛjquibΛ. Jini ángel tsi' ñijca Pedro ti' ts'ejtΛ. Tsi' sube: Ch'ojyen ti ora, che'en. Tsa' tujq'ui jini cadena am bΛ ti' c'Λb.

⁸ Jini ángel tsi' sube: CΛchΛ a bΛ ti a cajchiñac'. LΛpΛ a xΛñΛb, che'en. Che'i tsi' mele Pedro. Jini

ángel tsi' cha' sube: LΛpΛ pΛ bΛ a bujc. La' tsaj-cañon, che'en.

⁹ Pedro tsi' tsajca loq'uel jini ángel. Mach yujilic Pedro mi isujm chuqui tsi' cha'le jini ángel. Woli jach ti ñajal tsi' lon ña'ta ti' pusic'al.

¹⁰ Che' bΛ tsa'ix i ñusayob jini ñaxan bΛ xcΛntaya yic'ot jini wi'il bΛ tsa' tiliyob ba'an colem bΛ i ti' cárcel melbil bΛ ti tsucul taq'uin, ya' ba' mi' loq'uelob majlel ti tejclum. Yilol jach tsa' jajmi ti' wutob. Che' bΛ tsa' loq'uiyob ti mΛjquibΛ, che' bΛ tsi' xΛñΛyob majlel calle, tsi' bΛc' sΛtΛ i bΛ jini ángel.

¹¹ Tsa' toj juli i pusic'al Pedro. Tsi' yΛΛ: WΛle mic ña'tan isujmΛch. Jini c Yum tsi' choco tilel i yángel. Tsi' coloyon ti' c'Λb Herodes yic'ot ti' c'Λb pejtelel judíojob tsa' bΛ i chijtayoñob. Che' tsi' yΛΛ ti' pusic'al Pedro.

¹² Che' bΛ tsa'ix i ña'ta, tsa' c'oti ti' yotot María, i ña' Juan, jini xcΛnt'an am bΛ i cha'chajplel i c'aba' Marcos. Ya' temel añob cabΛl xñopt'añob. Woli' pejcañob Dios.

¹³ Pedro tsi' jats'Λ i ti' corredor. Tsa' majli juntiquil xch'oc i c'aba' Rode i yubin majqui ya'an.

¹⁴ Che' bΛ tsi' cΛmbe i t'an Pedro, tijicña jax tsi' yubi. Ma'anic tsi' jambe i ti' corredor. Ajñel tsa' cha' ochi ti mal otot. Tsi' subeyob: Ixix wa'al Pedro ti' ti' corredor, che'en.

¹⁵ Tsi' subeyob: Sojqquem a jol, che'ob. Rode tsi' chΛn subeyob: IxΛch an, che'en. Tsi' yΛΛyob: JiñΛch i yángel, che'ob.

¹⁶ Pedro tsa' to i chΛn jats'Λ i ti' corredor. Che' bΛ tsi' jambeyob tsi' q'ueleyob. Tsa' toj sajtiyob i pusic'al.

17 Pedro tsi' pasbeyob ti' c'ab cha'an mi' c'ayob i t'an. Tsi' tsictesabeyob bajche' lac Yum tsi' loc'sa ti ma'jquibal. Tsi' subeyob: Subenla Jacobo yic'ot jini hermanojob chuqui tsa' ujtí, che'en. Tsa' loq'ui majlel. Tsa' majli ti yambaj tejlum.

18 Che' baj tsa' sac'a, cabal tsi' cha'leyob t'an soldadojob cha'an mach tsiquilix Pedro.

19 Herodes tsi' sac'la Pedro. Tsi' c'ajtibeyob xcantayajob baqui an. Che' ma'anic tsi' tajayob tsi' yac'la mandar cha'an mi' tsansantelob. Pedro tsa' loq'ui ti Judea. Tsa' jubi majlel ti Cesarea. Ya' tsa' jale ya'i.

Tsa' chami Herodes

20 Herodes tsa' caji i mich'len winicob año' baj ti Tiro yic'ot ti Sidón. Tsa' tiliyob jini winicob ba'an Herodes. Tsi' ñaxan mucul pejayob Blasto, jini i yaj q'uel wajyib Herodes. Tsi' c'ajtibeyob ti wocol t'an cha'an mi' c'ay i mich'leñob, come ya' woli' tajib i bal i ñac' ti' lumal Herodes.

21 Che' baj tsa' c'oti i yorajlel, tsa' buchle Herodes ti' buchlib ti meloñel. Lapal i cha'an i pislel rey.

22 Winicob tsi' cha'leyob c'am baj t'an: ¡jiñach Dios woli baj ti t'an! ¡Mach winiquic woli baj ti t'an! che'ob.

23 Ti ora i yángel lac Yum tsi' yotsabe i chamel, come ma'anic tsi' yac'la ti ñuc Dios. Tsa' c'uxle ti motso'. Tsa' chami.

24 Tsa' ñojpi i t'an Dios, tsa' pujqui.

25 Bernabé yic'ot Saulo tsa' loq'uiyob ti Jerusalén che' baj tsa' ujtí i ye'tel. Tsi' p'ayayob majlel Juan yic'otob, jini am baj i cha'chajplel i c'aba' Marcos.

13

Bernabé yic'ot Saulo tsa' caji i majlelob ti subt'an

¹ Ya' añob x'alt'añob yic'ot xcantesajob ti' tojlel jini xñopt'añob mu' b_Λ i tempañob i b_Λ ti Antioquía: i c'aba'ob Bernabé, yic'ot Simón, jini am b_Λ i cha'chajplel i c'aba' Niger, yic'ot Lucio ch'oyol b_Λ ti Cirene, yic'ot Saulo, yic'ot Manaén, jini tsa' b_Λ tem coli yic'ot jini yum_Λ Herodes.

² Che' woli' ch'ujutesañob lac Yum, che' woliyob ti ch'ajb, jini Ch'ujul b_Λ Espíritu tsi' subeyob: Wa'choconla Bernabé yic'ot Saulo cha'an mi' melob jini e'tel tsa' b_Λ c chajp_Λbeyob, che'en.

³ Che' b_Λ tsa' ujtiyob ti ch'ajb yic'ot oración, tsi' y_Λc'ayob i c'ab ti' jol. Tsi' subeyob majlel.

Tsi' subuyob i t'an Dios ya' ti Chipre

⁴ Jini cha'an tsa' majliyob ti Seleucia, come chocbilob majlel cha'an Ch'ujul b_Λ Espíritu. Ya'i tsa' ochiyob ti barco cha'an mi' majlelob ti Chipre.

⁵ Che' b_Λ tsa' c'otiyob ti Salamina tsa' caji i subob i t'an Dios ti' sinagoga tac judíojob. Juan ja'el tsi' pi'leyob majlel cha'an mi' coltañob ti' ye'tel.

⁶ Che' b_Λ tsa'ix i xañayob ñumel ti pejtelel Chipre, jini lum joyol b_Λ ti ja', tsa' c'otiyob ti Pafos ti Chipre ba' tsi' tajayob juntiquil xwujt. Jiñach lot b_Λ x'alt'an i c'aba' Barjesús, judío_Λch.

⁷ Ya'an Barjesús yic'ot Sergio am b_Λ i jol i c'aba' Paulo. An i ye'tel ti gobierno jini Sergio Paulo. Wen p'ip' i pusic'al. Tsi' p_Λy_Λ tilel Bernabé yic'ot Saulo come yom i yubin i t'an Dios.

⁸ Jini xwujt Elimas (come jiñach i c'aba' ti yamb_Λ t'an) tsi' contrajiyob. Woli' m_Λctan i t'an Dios ame i ñop jini am b_Λ i ye'tel.

⁹ Jini cha'an Saulo, i c'aba'ach Pablo ja'el, but'ul ti Ch'ujul b^Λ Espiritu, tsi' ch'ujch'uj q'uele.

¹⁰ Tsi' sube: But'ulet ti cab^Λ lot yic'ot cab^Λ jontolil. Iyalobilet xiba. I contrajet pejtelel chuqui tac toj. ¿A wom to ba a ch^Λn xoyben jini toj b^Λ i bijlel lac Yum?

¹¹ W^Λle mi' cajel i contrajiñet lac Yum. Awilan mi caj a wochel ti xpots'. Cab^Λ ora ma'anic mi caj a q'uel i c'ac'al q'uin, che'en Pablo. Ti ora tsa' yajpi i wut, tsa' ochi ti ac'alel yilal. Tsa' majli i sajcan majqui mi' toj'esan majlel ti' c'ab.

¹² Jini am b^Λ i ye'tel, che' b^Λ tsi' q'uele chuqui tsa' ujti, tsi' ñopo i t'an Dios. Tsa' toj sajti i pusic'al cha'an i c^Λntesa lac Yum.

Pablo yic'ot Bernabé ya' ti Antioquía

¹³ Che' b^Λ tsa' loq'uiyob ti Pafos, Pablo yic'ot i pi'lob tsa' majliyob ti barco c'alel ti Perge ti Panfilia. Juan tsi' c^Λyayob. Tsa' cha' sujti ti Jerusalén.

¹⁴ Pablo yic'ot i pi'lob tsa' ñumiyob ti Perge. Tsa' c'otiyob ti Antioquía ti Pisidia. Ya'i tsa' ochiyob ti sinagoga che' ti' q'uiñilel c'aj o. Tsa' buchleyob.

¹⁵ Che' b^Λ tsa' ujti i q'uelob jini ts'ijbubil b^Λ mandar yic'ot i ts'ijbujel x'alt'añob, jini yumlob ti sinagoga tsi' chocoyob majlel winicob ba' añob. Tsi' subeyob: Winicob, c pi'lob, mi an chuqui la' wom la' subeñob winicob x'ixicob cha'an mi la' ñuq'uesabeñob i pusic'al, subula, che'ob.

¹⁶ Jini cha'an Pablo tsa' wa'le. Ñaxan tsi' p^Λsbeyob i c'ab cha'an mi' ñajch'elob. Tsi' y^Λla: Winicob, israelob, yic'ot pejtel mu' b^Λ la' b^Λc'ñan Dios, ñich'tanla.

17 I Dios israelob tsi' yajca lac ñojte'el. Tsi' y_Λq'ueyob i ñucllel che' ya' añob ti' lumal Egipto mach b_Λ i cha'añobic. Tsi' p_Δy_Δyob loq'uel ti Egipto ti' p'_Λt_Λlel i c'_Λb.

18 Cha'c'al jab Dios tsi' ch_Λn cuchbeyob i sajtemal ya' ti jochol b_Λ lum.

19 Tsi' jis_Δbeyob i p'_Λt_Λlel wuctiquil yum_Λlob ya' ti' lumal Canaán. Dios tsi' t'oxbeyob lac ñojte'el i lumal Canaán.

20 Ti wi'il tsi' y_Λq'ueyob cab_Δl juezob lujump'ejl i yuxc'al i cha'bajc' (450) jab c'_Λl_Λl ti' yorajlel jini x'alt'an Samuel.

21 Ti wi'il, tsi' c'ajtiyob i rey. Dios tsi' wa'chocobeyob Saúl cha'c'al jab. Jini Saúl i yalobil_Λch Cis, loq'uem b_Λ ti' p'olbal Benjamín.

22 Dios tsi' choco loq'uel ti' ye'tel. Tsi' wa'choco David ti' rey israelob. Dios tsi' y_Λc'_Λ ti c_Δjñel David che' b_Λ tsi' y_Λl_Λ: “Jini David, i yalobil Isaí, jiñ_Λch mu' b_Λ j q'uel ti uts'at. Mi caj i mel pejtelel chuqui com”, che'en.

23 Dios tsi' ts'_Δctesa i t'an che' b_Λ tsi' choco tilel ti Israel juntiquil xcoltaya, loq'uem b_Λ ti' p'olbal David, jiñ_Λch Jesús.

24 Che' maxto tilemic Jesús, Juan tsi' subeyob pejtelel israelob cha'an mi' c_Δyob i mul cha'an mi' ch'_Δmob ja'.

25 Che' wolix i ts'_Δctiyel i ye'tel, Juan tsi' y_Λl_Λ: “¿Majquiyon mi la' w_Λl? Mach joñonic jini tal b_Λ. Tal to juntiquil tic pat. Mach uts'atonic cha'an mic tichen i x_Δñ_Λb am b_Λ ti' yoc”, che'en.

26 Winicob, c pi'_Δlob, i p'olbalet b_Λ la Abraham, jatetla, mu' b_Λ la' b_Δc'ñan Dios, tsa' chocbentiyetla tilel jini t'an cha'an mi la' colt_Δntel.

27 Jini chumulo' b_Λ ti Jerusalén yic'ot i yu-mob ma'anic tsi' c_Λñ_Λyob Jesús. Ma'anic tsi' ch'ambeyob isujm i t'an jini x'altañob mu b_Λ i q'uejlel ti jujump'ejl i q'uiñilel c'aj o. Tsi' ts'_Λctes_Λbeyob i t'an x'alt'añob che' b_Λ tsi' y_Λc'_Λyob ti ch_Λmel Jesús.

28 Ma'anic chuqui tsi' wis tajayob ti' contra cha'an mi' ts_Λnsañob, pero tsi' c'ajtibeyob Pilato cha'an mi' y_Λc' ti ch_Λmel.

29 Che' b_Λ tsa'ix i ts'_Λctesayob pejtelel chuqui tsi'ijbubil, tsi' ju'sayob ti te', tsi' y_Λc'_Λyob ti' yotlel ch'ujlel_Λ.

30 Dios tsi' teche ch'o_jyel ba'an ch_Λmeño' b_Λ.

31 Cab_Λl q'uin tsi' q'ueleyob Jesús jini tsa' b_Λ i pi'leyob majlel ti bij ti Galilea c'_Λl_Λ ti Jerusalén. Testigojob jini tsa' b_Λ i q'ueleyob.

32 Joñon lojon ja'el mic subeñet lojon jini wen t'an tsa' b_Λ w_Λn subentiyob lac ñojte'el che' b_Λ tsi' y_Λc'_Λ i t'an Dios.

33 Jini jach b_Λ t'an Dios tsi' ts'_Λctes_Λbeyonla, i yalobilon b_Λ la Israel che' b_Λ tsi' cha' teche Jesús. Che'_Λch tsi'ijbubil ja'el ti' cha'p'ejlel salmo: “Jatet calobilet. Sajm_Λl tsac techeyet calobil”, che'en.

34 Dios tsi' teche ch'o_jyel ba'an ch_Λmeño' b_Λ. Ma'anic tsi' y_Λc'_Λ ti oc'm_Λl. Tsi' y_Λl_Λ: “Mi caj c p_Λsbeñetla i yutslel c pusic'al mach b_Λ mejlic ti q'uextiyel che' bajche' tsac p_Λsbe David”, che'en.

35 Jini cha'an mi' y_Λl ja'el ti yamb_Λ salmo: “Ma'anic mi caj a w_Λc' ti oc'm_Λl Ch'ujul b_Λ a Walo-bil”, che'en.

36 Che' b_Λ tsa' ujti i coltan i pi'_Λlob che' bajche' yom Dios, melel tsa' ch_Λmi David. Tsa' mujqui ba' mucul i ñojte'el. Tsa' oc'mi.

³⁷ Pero ma'anic tsa' oc'mi jini tsa' b_Λ i teche ch'o_jyel Dios.

³⁸ Ña'tanla, che' jini, winicob c pi'Λlob, cha'añ_Λch ti' ye'tel Jesús mi' ñus_Λntel lac mul che' bajche' wolic subeñetla.

³⁹ Cha'an ti' ye'tel Jesucristo, pejtelel mu' b_Λ i ñopob mi' ch'Λjmelob ti' wenta Dios che' ñus_Λbilix i mul. Ma'anic tsa' mejli la' ch'Λjmel ti' wenta cha'an ti' jac'ol i mandar Moisés.

⁴⁰ Ch_Λc_Λ q'uele la' b_Λ, che' jini, ame mi' tajetla jini ts'ijbubil b_Λ ti' jun x'alt'añob.

⁴¹ Mi' y_Λ: “Q'uelela sts'a'leyajet b_Λ la. La' toj sajtic la' pusic'al. La' jiliquetla. Come joñon wolic mel junchajp e'tel ti a wut, mach b_Λ anic mi caj la' ñop anquese an majqui mi' subeñetla”. Che' ts'ijbubil, che'en Pablo.

⁴² Che' woli' loq'uelob ti sinagoga Pablo yic'ot Bernabé, jini gentilob tsi' c'ajtibeyob cha'an mi' cha' subeñob jini t'an ti yamb_Λ semana.

⁴³ Che' b_Λ tsa' loq'uiyob jini temp_Λbilob' b_Λ, cab_Λl judíojob yic'ot jini tsa' b_Λ i ñopbeyob i t'an, mu' b_Λ i ch'ujutesañob Dios, tsi' tsajcayob majlel. Pablo yic'ot Bernabé tsi' pejcayob. Tsi' xic'beyob cha'an mi' ch_Λn ajñelob ti' yutslel i pusic'al Dios.

⁴⁴ Che' b_Λ tsa' cha' c'oti i q'uiñilel c'aj o, colel i lu' tempañob i b_Λ pejtelel jini winicob x'ixicob ti jini tejclum cha'an mi' yubibeñob i t'an lac Yum.

⁴⁵ Ts_Λyts_Λyñayob jini judíojob che' b_Λ tsi' q'ueleyob motocñayob winicob x'ixicob. Tsi' cha'leyob t'an ti' contra i c_Λntesa Pablo. Tsi' p'ajbeyob i bijlel lac Yum.

⁴⁶ Ch'ejl i pusic'al Pablo yic'ot Bernabé, tsi' subuyob: Wersa tsa' ñaxan subentiyetla i t'an Dios.

Tsa'ix la' to'ol juch'teq'ue jini t'an. Woli la' ñusan la' cuxtalel mach b_Λ anic mi' jilel. Jini cha'an mic majlel lojon ba'an gentilob.

⁴⁷ Come che'ach tsi' y_Λq'ueyon lojon mandar lac Yum. Tsi' y_ΛΛ: “Tsa'ix c wa'chocoyet cha'an ma' p_Λsbeñob i s_Λclel pañimil jini gentilob, cha'an mi' tajibob i colt_Λntel c'Λ_Λ ti' petol pañimil”. Che' tsi' subeyon lojon lac Yum, che'ob Pablo yic'ot Bernabé.

⁴⁸ Tijicñayob gentilob che' b_Λ tsi' yubiyob jini t'an. Tsi' subuyob wen ñuc i t'an lac Yum. Jini tsa' b_Λ yajc_Λntiyob cha'an mi' tajibob i cuxtalel mach b_Λ anic mi' jilel, tsi' laj ñopoyob.

⁴⁹ Tsa' pujqui i t'an lac Yum ti pejtelel jini lum.

⁵⁰ Judíojob tsi' xic'beyob jini x'ixicob mu' b_Λ i ch'ujutesañob Dios, mu' b_Λ i q'uejlelob ti ñuc, yic'ot jini ñuco' b_Λ ti tejclum cha'an mi' tic'lañob Pablo yic'ot Bernabé. Tsi' chocoyob loq'uel ti' lumal.

⁵¹ Che' b_Λ tsi' tijcayob loq'uel i ts'ubeñal i yoc ti' contra, tsa' majliyob ti Iconio.

⁵² Jini xc_Λntañob wen tijicñayob i pusic'al. But'ulob ti Ch'ujul b_Λ Espíritu.

14

Pablo yic'ot Bernabé ya' ti Iconio

¹ Temel tsa' ochiyob ti' sinagoga judíojob ya' ti Iconio. Tsi' wen cha'leyob subt'an. Jini cha'an wen cab_Λl tsi' ñopoyob judíojob yic'ot griegojob.

² Jini judíojob mach b_Λ anic tsi' ñopoyob tsi' xic'beyob gentilob ti' contra jini hermanojob. Tsi' socbeyob i pusic'al jini gentilob.

³ Jini cha'an tsa' jal'ayob ya'i. Ch'ejob i pusic'al tsi' cha'leyob t'an come xuc'ulob ti lac Yum. Lac Yum tsi' yalq'ueyob i pas i yejtal i p'at'alel yic'ot b'ab'aq'uen tac b' cha'an mi' tsictesan i sujmllel i t'an Dios yic'ot i yutslel Dios.

⁴ Jini tejclumob tsi' t'oxoyob i b'. Ojlil tsi' jac'beyob i t'an judíojob. Ojlil tsi' jac'beyob i t'an jini apóstolob.

⁵ Tsi' chajpayob i b' gentilob yic'ot judíojob yic'ot yum'lob i cha'an, cha'an mi' tic'lañob yic'ot cha'an mi' julob ti xajlel.

⁶ Che' ña't'abilix i cha'an Pablo yic'ot Bernabé tsa' puts'iyob majlel ti Listra yic'ot ti Derbe, cha'p'ejl tejclum ya' ti Licaonia, yic'ot pejtelel jini lum ti' joytilel.

⁷ Ya'i tsi' subuyob majlel jini wen t'an.

Listra yic'ot Derbe

⁸ Ya' buchul ti Listra an winic mach b' wenic i yoc c'al'al che' b' tsi' yila pañimil. Ma'anic ba' ora tsa' mejli ti x'ambal.

⁹ Jini winic tsi' yubibe i t'an Pablo. Pablo tsi' ch'ujch'uj q'uele. Tsi' ña'ta ñopol i cha'an jini winic mi caj i c'oc'an.

¹⁰ Wen c'am i t'an tsi' sube: Ch'ojoyen. Wa'i, che'en. Jini winic tsa' t'ijp'i. Tsi' cha'le x'ambal.

¹¹ Che' b' tsi' q'ueleyob winicob x'ixicob chuqui tsi' cha'le Pablo, c'am tsi' cha'leyob t'an. Tsi' y'alayob ti' t'an licaoniajob: Tsa'ix jubiyob tilel diosob ti lac tojlel che' bajche' winicob, che'ob.

¹² Tsi' pejayob Bernabé ti Júpiter. Tsi' pejayob Pablo ti Mercurio, come jiñ'ach Pablo tsa' b' i subu t'an.

13 Jini motomaj ya' ti' yotlel jini dios i c'aba' Júpiter am b_Λ ti' yochib tejclum, tsi' ch'ambeyob tilel ti' ti' tejclum tat wacax yic'ot i ch'ajlil i jol. Jini motomaj yic'ot winicob x'ixicob yomob i ts_Λns_Λbeñob i majtan Pablo yic'ot Bernabé.

14 Jini apóstolob, Bernabé yic'ot Pablo, tsi' tsiliyob i píslel che' b_Λ tsi' yubiyob. Ti ajñel tsa' ñumiyob ba' motocñayob. Wen c'am tsi' cha'leyob t'an.

15 Tsi' y_Λayob: Winicob, ¿chucoch mi la' cha'len che' bajche' jini? Joñon lojon winicon lojon ja'el che' bajche'etla. Mic subeñetla yom mi la' c_Λy jini lolom jach b_Λ cha'an mi la' ñop jini cuxul b_Λ Dios tsa' b_Λ i mele panchan yic'ot pañimil yic'ot colem ñajb yic'ot pejtelel i b_Λ.

16 Ti yamb_Λ ora Dios tsi' y_Λq'ueyob gentilob i melob bajche' jach yomob.

17 Ma'anic tsi' c_Λy_Λ i tsictesan i b_Λ ti wen b_Λ i ye'tel. Tsi' y_Λq'ueyonla ja'al tilem b_Λ ti panchan yic'ot c'ajbal cha'an mi lac ñaj'an. Tsi' ti-jicñes_Λbeyonla lac pusic'al. Che' tsi' y_Λl_Λ Pablo yic'ot Bernabé.

18 Pero colel ma'anic tsa' mejli i tic'ob jini winicob x'ixicob cha'an ma'anic mi' ts_Λns_Λbeñob i majtan.

19 Tsa' tiliyob judíojob ch'oyolo' b_Λ ti Antioquía yic'ot ti Iconio. Tsi' xic'beyob winicob x'ixicob ti' contra. Tsi' juluyob Pablo ti xajlel. Tsi' tujc'ayob loq'uel ti tejclum come tsi' lon ña'tayob ch_Λmenix.

20 Che' b_Λ tsa' tiliyob xc_Λnt'añob ti' joytilel, tsa' ch'ojoyi Pablo, tsa' ochi ti tejclum. Ti yijc'_Λlal tsa' majli yic'ot Bernabé ti Derbe.

Tsa' cha' sujtiyob majlel ti Antioquía ya' ti Siria

21 Che' b_Λ tsa'ix i subuyob jini wen t'an ya' ti Derbe ba' tsi' c_Λntesayob cab_Λl winicob x'ixicob, tsa' cha' majliyob ti Listra yic'ot ti Iconio yic'ot ti Antioquía.

22 Tsi' xuc'chocobeyob i pusic'al xc_Λnt'añob. Tsi' xic'beyob cha'an mi' ch_Λn ñopob i t'an Dios. Tsi' subeyob: Che' b_Λ tsa'ix lac ñusa cab_Λl wocol, mi caj la cochel ti' yum_Λntel Dios, che'ob.

23 Tsi' wa'chocoyob ancianojob ti jujump'ejl tejclum ba'an xñopt'añob. Tsi' cha'leyob oración yic'ot ch'ajb. Tsi' y_Λc'ayob ti' c'ab lac Yum jini tsa' b_Λ i ñopoyob.

24 Tsa' ñumiyob majlel ti Pisidia, tsa' c'otiyob ti Panfilia.

25 Che' b_Λ tsa'ix i subuyob jini t'an ya' ti Perge, tsa' jubiyob tilel ti Atalia.

26 Ya'i tsa' ochiyob ti barco cha'an mi' cha' sujtelob ti Antioquía ba' tsa' tejchi i ye'tel che' ti' cajibal. Come ya' ti Antioquía jini hermanojob tsi' w_Λn c'ajtibeyob i yutslel i pusic'al Dios cha'an jini e'tel tsa' b_Λ ujti i melob Pablo yic'ot Bernabé.

27 Che' b_Λ tsa' c'otiyob, tsi' tempayob i b_Λ xñopt'añob. Pablo tsi' subeyob pejtelel chuqui tac wen ñuc tsi' cha'le Dios yic'otob, che' b_Λ tsi' jambeyob gentilob i ti' otot cha'an mi' yochelob i ñop.

28 Jal tsa' ajniyob Pablo yic'ot Bernabé yic'ot xc_Λnt'añob ya'i.

15

Tsi' tempayob i b_Λ ya' ti Jerusalén

¹ Tsa' jubiyob tilel winicob ch'oyolo' b_Λ ti Judea. Tsa' caji i c_Λntesañob jini hermanojob ya' ti Antioquía. Tsi' subeyob: Mi ma'anic mi la' ch'_Λm tsep p_Λch_Λlel che' bajche' tsi' y_ΛΛ Moisés, mach mejlic mi la' colt_Λntel, che'ob.

² Pablo yic'ot Bernabé tsa' caji i c_ΛΛx pejcañob i b_Λ yic'ot judíojob. Tsi' contrajiyob i b_Λ ti t'an. Jini cha'an jini hermanojob tsi' wa'chocoyob Pablo yic'ot Bernabé yic'ot cha'tiquil uxtiquil yaño' b_Λ cha'an mi' majlelob ti Jerusalén cha'an mi' c'ajtibeñob i sujmllel tsep p_Λch_Λlel jini apóstolob yic'ot jini ancianojob.

³ Jini xñopt'añob tsa' majli i c_Λyob ti bij. Pablo yic'ot Bernabé tsa' ñumiyob majlel ti Fenicia yic'ot ti Samaria. Tsi' subuyob bajche' tsi' sutq'uiyob i b_Λ gentilob. Tsi' wen ñuq'ues_Λbeyob i pusic'al pejtelel hermanojob.

⁴ Che' c'otemobix ti Jerusalén, tsa' p_Λjyiyob ochel ti' tojlel jini apóstolob yic'ot ancianojob yic'ot jini xñopt'añob. Tsi' subeyob pejtelel chuqui tac tsi' cha'le Dios yic'otob.

⁵ Lamital jini xñopt'añob woli b_Λ i jac'beñob i t'an fariseojob tsa' ch'ojoyob. Tsi' y_ΛΛyob: Wersa yom mi' ch'_Λmob tsep p_Λch_Λlel. Wersa yom mi' subentelob cha'an mi' jac'beñob i mandar Moisés, che'ob.

⁶ Jini apóstolob yic'ot ancianojob tsi' tempayob i b_Λ cha'an mi' wen ña'tañob bajche' yom.

⁷ Che' b_Λ tsa'ix i cha'leyob cab_Λl t'an tsa' ch'ojoyi Pedro. Tsi' subeyob: Hermanojob, la' wujil anix ora Dios tsi' yajcayon cha'an mic subenob gentilob jini wen t'an cha'an mi' ñopob.

8 Dios mu' b_Λ i c_Λmben i pusic'al winic tsi' p_Λy_Λyob ti' yalobil ti isujm che' b_Λ tsi' y_Λq'ueyob Ch'ujul b_Λ Espíritu che' bajche' tsi' y_Λq'ueyonla.

9 Lajal tsi' q'ueleyob che' bajche' tsi' q'ueleyonla. Tsi' s_Λq'ues_Λbeyob i pusic'al che' b_Λ tsi' ñopoyob.

10 ¿Chucoch che' jini, woli la' wil_Λben i pusic'al Dios? ¿Chucoch mi la' w_Λq'ueñob jini xc_Λnt'añob i cuch jini wocol tac b_Λ? Ma'anic tsa' mejli lac lat' joñonla mi lac ñojte'el.

11 Pero mi lac ñop mi caj laj colt_Λntel cha'an i yutslel i pusic'al lac Yum Jesús. Che' ja'el mi caj i colt_Λntelob jini gentilob. Che' tsi' y_Λl_Λ Pedro.

12 Ñ_Λch'_Λl tsa' c_Λleyob ti pejtelelob. Tsi' yubibeyob i t'an Bernabé yic'ot Pablo che' b_Λ tsi' subeyob chuqui tac ñuc tsi' mele Dios ti' c'_Λb come tsi' p_Λs_Λ i yejtal tac i p'_Λt_Λlel yic'ot b_Λb_Λq'uen tac b_Λ ti' tojlel gentilob.

13 Che' b_Λ tsa' ujtiyob ti t'an, Jacobo tsi' y_Λl_Λ: Winicob hermanojob, ñich't_Λb_Λbeñon c t'an.

14 Simón tsa' ujt i subeñetla bajche' Dios tsa' caji i p_Λsbeñob gentilob i yutslel i pusic'al che' b_Λ tsi' yajca winicob x'ixicob cha'an mi' tsictesan i ñucl_Λ i c'aba'.

15 Che' ja'el mi' y_Λlob x'alt'añob, che' bajche' ts'ijbubil:

16 “Ti wi'il mi caj c cha' tilel, che'en Dios. Mi caj c wa'chocon i yotot David tsa' b_Λ yajli. Mi caj c cha' mel jini p'ulul b_Λ tsa' b_Λ c_Λle. Mi caj c cha' wa'chocon

17 cha'an mi' s_Λclañob lac Yum i colojbal winicob yic'ot pejtelel gentilob mu' b_Λ i yubiñob j c'aba'”.

18 Che' woli' y_Λl lac Yum tsa' b_Λ i laj ac'_Λ ti c_Λjñel c'_Λl_Λl ti wajali.

19 Jini cha'an mi c_Λ mach wenic mi' tic'lan_Λtelob gentilob mu' b_Λ i sutq'uiñob i b_Λ cha'an mi' ñopob Dios.

20 Cojach yom mi la' ts'ijbubeñob ti jun cha'an mi' c_Λyob i c'ux chuqui tac aq'uebil dioste', yic'ot chuqui tac milbil yic'ot i ch'ich'el, cha'an mi' c_Λyob i ts'i'lel ja'el.

21 Come c'_Λl_Λ ti wajali an ti jujump'ejl tejclum jini mu' b_Λ i subob i t'an Moisés ti sinagoga ba' mi' q'uejlel i jun Moisés ti jujump'ejl i q'uiñilel c'aj o. Che' tsi' y_Λl_Λ Jacobo.

Jini carta cha'an gentilob

22 Jini cha'an jini apóstolob yic'ot ancianojob yic'ot pejtelel jini xñopt'añob mu' b_Λ i tempañob i b_Λ, tsi' ña'tayob uts'at mi' yajcañob winicob ti' tojlel hermanojob cha'an mi' chocob majlel ti Antioquía yic'ot Pablo yic'ot Bernabé. Tsi' yajcayob Silas yic'ot Judas, jini am b_Λ i cha'chajplel i c'aba' Barsabás, ñuc b_Λ winicob ti' tojlel hermanojob.

23 Tsi' meleyob carta. Tsi' y_Λl_Λyob: “Joñon lojon apóstolon lojon quic'ot ancianojob quic'ot hermanojob, wolic melbeñetla jini jun hermanojob, gentilet b_Λ la ya' ti Antioquía yic'ot ti Siria yic'ot ti Cilicia. Cotañetla.

24 Tsa'ix cubi lojon an winicob tsa' b_Λ loq'uiyob tic tojlel lojon tsa' b_Λ i tic'layetla ti' t'an. Tsi' socbeyetla la' pusic'al, come tsi' y_Λl_Λyob wersa mi la' ch'_Λm tsep p_Λch_Λlel, wersa mi la' jac' jini mandar. Mach che'iqui tsac subeyob lojon.

25 Jini cha'an che' temp_Λbilon lojon tsac ña'ta lojon uts'at mic yajcan lojon winicob cha'an mic

chocob majlel ba' añetla yic'ot Bernabé yic'ot Pablo mu' b_Λ j c'uxbin lojon.

²⁶ Ili winicob tsi' y_{ΛC'}Λyob i b_Λ ba' b_Λb_Λq'uen mi' ch_Λmelob cha'an ti' c'aba' lac Yum Jesucristo.

²⁷ Jini cha'an wolic choc lojon majlel Judas yic'ot Silas ja'el mu' b_Λ caj i subeñetla jini jach b_Λ t'an.

²⁸ Come joñon lojon quic'ot jini Ch'ujul b_Λ Espíritu tsac ña'ta lojon mach yomic mi c_Λq'ueñetla la' cuch chuqui tac wocol ti' jac'ol. Cojach jini yom:

²⁹ C_Λy_Λ la' c'ux jini ts_Λns_Λbil b_Λ i majtan dioste' yic'ot i ch'ich'el yic'ot jini milbil b_Λ. Mach mi la' cha'len ts'i'lel. Mi uts'at mi la' c_Λntan la' b_Λ cha'an pejtelel jini, uts'at mi la' mel. Ajñenla ti la' wenlel". Che'ach tsi' ts'ijbayob.

³⁰ Che' jini tsi' chocoyob majlel ti Antioquía. Che' b_Λ tsi' tempayob i b_Λ jini xñopt'añob, jini apóstolob tsi' y_Λq'ueyob jini jun.

³¹ Che' b_Λ tsa' ujti i q'uelob, tijicña tsi' yubiyob come tsa' ñuq'ues_Λbentiyob i pusic'al.

³² Judas yic'ot Silas, x'alt'añob ja'el, tsi' ñuq'ues_Λbeyob i pusic'al jini hermanojob ti c_Λntesa. Tsi' xuc'chocobeyob i pusic'al.

³³ Tsa' jaleyob ya'i. Ti' wi'il jini hermanojob ñach'lob i pusic'al tsi' chocoyob sujtel ba'an i pi'lob tsa' b_Λ i y_Λq'ueyob i ye'tel.

³⁴ Silas tsi' ña'ta uts'at mi' c_Λyt_Λl ya'i.

³⁵ Pablo yic'ot Bernabé tsa' c_Λleyob ti Antioquía. Tsi' ch_Λn c_Λntesayob ti' t'an lac Yum. Tsi' subeyob jini wen t'an. Cab_Λl winicob tsi' pi'leyob majlel ti subt'an.

Pablo yic'ot Bernabé mi' t'oxob i b_Λ

³⁶ Che' ñumenix cha'p'ejl uxp'ejl q'uin, Pablo tsi' sube Bernabé: Conla c jula'tan la quermanojob ti pejtelel tejclum ba' tsa' lac subeyob i t'an lac Yum cha'an mi laj q'uel bajche' yilalob, che'en.

³⁷ Bernabé yom i p_Λy majlel Juan, jini am b_Λ i cha'chajplel i c'aba' Marcos.

³⁸ Pablo mach yomic i p_Λy majlel yic'otob, come Marcos tsi' c_Λy_Λyob ya' ti Panfilia che' ma'anic tsa' majli ti e'tel yic'otob.

³⁹ Cha'chajp i pensar. Jini cha'an tsi' t'oxoyob i b_Λ. Bernabé tsi' p_Λy_Λ majlel Marcos ti barco. Tsa' majli ti Chipre.

⁴⁰ Pablo tsi' yajca Silas, tsi' p_Λy_Λ majlel. Jini hermanojob tsi' y_Λc'_Λyob ti' c'_Λb lac Yum cha'an mi' yajñelob ti' yutsllel i pusic'al lac Yum.

⁴¹ Pablo tsa' ñumi majlel ya' ti Siria yic'ot ti Cilicia. Tsi' xuc'choco xñopt'añob baqui jach tsi' tempayob i b_Λ.

16

Timoteo tsi' pi'le majlel Pablo yic'ot Silas

¹ Ti wi'il tsa' c'oti ti Derbe yic'ot ti Listra. Aw-ilan, ya'an x_cant'an i c'aba' Timoteo. Judía i ña', hermanaj_Λch ti Cristo. Griegoj_Λch i tat.

² Jini hermanojob ti Listra yic'ot ti Iconio uts'at tsi' tajayob ti t'an Timoteo.

³ Pablo yom i p_Λy majlel Timoteo. Tsi' p_Λy_Λ i tsepben i p_Λch_Λlel come ti pejtelel judíojob ya' b_Λ añob yujilob griego i tat.

⁴ Che' b_Λ tsa' ñumiyob ti tejclum tac, tsi' subeyob cha'an mi' jac'ob jini mandar tsa' b_Λ i comol

ña'tayob jini apóstolob yic'ot ancianojob año' b_Λ ti Jerusalén.

⁵ Jini cha'an tsa' p'ΛtesAntiyob ti' t'an Dios jini xñopt'añob tsa' b_Λ i tempayob i b_Λ. Tsa' p'ojliyob ti jujump'ejl q'uin.

Pablo tsi' q'uele winic ch'oyol b_Λ ti Macedonia

⁶ Tsa' ñumiyob majlel ti Frigia yic'ot ti jini lum Galacia. Tic'bilob cha'an Ch'ujul b_Λ Espiritu ma'anic tsi' subuyob t'an ya' ti Asia.

⁷ Che' b_Λ tsa' c'otiyob ti Misia tsi' ñopoyob majlel ti Bitinia. Pero jini i yEspíritu Jesús tsi' tiq'uiyob.

⁸ Che' b_Λ tsa' ñumiyob ti Misia tsa' jubiyob majlel ti Troas.

⁹ Ti ac'Λlel an chuqui tsi' q'uele Pablo. Juntiquil winic ya' ti Macedonia tsa' wa'le ti' tojel. Tsi' c'ajtibe ti wocol t'an: La' ti Macedonia. Coltañon lojon, che'en.

¹⁰ Che' q'uelbilix i cha'an Pablo, ti ora tsac cha-jpa lojon c b_Λ cha'an mic majlel lojon ti Macedonia, come tsac ña'ta lojon isujm tsi' p_Δy_Δyon lojon Dios cha'an mic subeñob lojon jini wen t'an.

Lidia ya' ti Filipos

¹¹ Jini cha'an tsa' ochiyon lojon ti barco ti Troas. Toj tsa' majliyon lojon c'ΛlΛl ti Samotracia, ti yijc'ΛlΛl c'ΛlΛl ti Neápolis.

¹² Ti wi'il tsa' majliyon lojon ti Filipos, jini ñuc b_Λ tejclum ti' lumal Macedonia, jump'ejl colonia cha'an Roma. Ya' añon lojon waxΛcp'ejl q'uin ti jini tejclum.

¹³ Ti' q'uiñilel c'aj o tsa' loq'uiyon lojon ti' ti' tejclum. Tsajniyon lojon ti' ti' colem ja' ba' i tilel

mi' pejcañob Dios. Tsa' buchleyon lojon. Tsac pejca lojon x'ixicob tsa' b_Λ i tempayob i b_Λ.

¹⁴ Ya'an x'ixic i c'aba' Lidia, mu' b_Λ i chon ch_Λccojan b_Λ pisil. Ch'oyol ti tejclum i c'aba' Tiatira. Lidia tsi' b_Λc'ña Dios. Che' b_Λ tsi' ñich'ta Pablo, lac Yum tsi' jambe i pusic'al cha'an mi' jac'ben i t'an.

¹⁵ Che' b_Λ tsa' ujti i ch'Λm ja' yic'ot jini año' b_Λ ti yotot, tsi' subeyon lojon: Conla ti cotot mi tsa' la' q'uele xuc'ulon quic'ot lac Yum. Jijlenla ya' ti cotot, che'en. Tsi' wersa p_Λy_Λyon lojon ochel.

Pablo yic'ot Silas ti m_Λjquib_Λ

¹⁶ Ti yamb_Λ q'uin che' tsajniyon lojon ba' mi' cha'leñob oración, juntiquil xch'oc am b_Λ i xib_Λjlel tsa' b_Λ mejli i subeñob winicob chuqui tac tal, tsi' tajayon lojon ti bij. I yumob tsi' wen cha'leyob ganar cha'an i ye'tel.

¹⁷ Jini xch'oc tsi' tsajcayon lojon quic'ot Pablo. Tsi' cha'le c'am b_Λ t'an. Tsi' y_ΛΛ: Jiñob_Λch i winicob Dios am b_Λ ti chan. Mi' subeñetob i bijlel la' col_Λntel, che'en.

¹⁸ Che'Λch tsi' cha'le t'an cab_Λl q'uin. Pablo mach ch_Λn yomix i cuchben. Tsi' sutq'ui i b_Λ i pejcan. Tsi' sube i xib_Λjlel: Mic subeñet ti' c'aba' Jesucristo, loq'uen ti' pusic'al, che'en. Ti jini jach b_Λ ora tsa' loq'ui.

¹⁹ Che' b_Λ tsi' ña'tayob i yumob jini xch'oc mach ch_Λn mejlobix i c'Λñob ti ganar, tsi' chucuyob Pablo yic'ot Silas. Tsi' chucuyob majlel ba'an choññoñib_Λl ti' tojlel año' b_Λ i ye'tel.

²⁰ Tsa' caji' jop'beñob i mul ti' tojlel año' b_Λ i ye'tel. Tsi' y_ΛΛyob: Jini judíojob cab_Λl mi' ñijcañob ti t'an jini chumulo' b_Λ ti lac tejclum.

²¹ Mi' subeñob yom mi lac mel chuqui tac tic'beilonla come romanojonla. Tic'bil mi lac ñop come mach che'ic yom mi lac mel, che'ob.

²² Jini winicob x'ixicob tsa' caji i yotsañob i b_Λ ti' contra. Jini año' b_Λ i ye'tel tsi' tsilbeyob i pislel Pablo yic'ot Silas. Tsi' y_Λc'Λyob mandar cha'an mi' jajts'elob ti asiyal.

²³ Che' cab_Λl tsi' jats'Λyob, tsi' yotsayob ti m_Λjquib_Λl. Tsi' subeyob xc_Λntaya cha'an mi' wen c_Λntañob.

²⁴ Che' b_Λ tsa' aq'uenti jini mandar jini xc_Λntaya tsi' yotsayob ya' ti cojix b_Λ i mal m_Λjquib_Λl. Tsi' ñet'beyob i yoc ti tocol b_Λ te'.

Tsi' ñopo lac Yum xc_Λnta cárcel ya' ti Filipos

²⁵ Ti ojilil ac'Λlel woli' pejcañob Dios Pablo yic'ot Silas. Woli' c'Λyiñob Dios. Jini xñujp'elob woli' yubiñob.

²⁶ Ti ora tsa' ñumi i yujquel lum. I c'Λclib jini m_Λjquib_Λl tsi' ñijca i b_Λ. Ti ora tsa' lu' jajmi i ti' tac m_Λjquib_Λl. Tsa' jijti i c_Λjchil pejtel jini xñujp'elob.

²⁷ Che' b_Λ tsa' cajni i wut jini xc_Λntaya, tsi' q'uele jajmenix i ti' tac m_Λjquib_Λl. Tsi' bots'o i yespada cha'an mi' ts_Λnsan i b_Λ, come tsi' lon ña'ta puts'emobix jini xñujp'elob.

²⁸ C'am tsi' cha'le t'an Pablo. Tsi' sube: Mach a tic'lan a b_Λ. Umba'añon lojon tic pejtelel lojon che'en.

²⁹ Jini xc_Λntaya tsi' c'ajti c'ajc. Tsa' ochi ti mal. Tsiltsilña ti b_Λq'uen tsi' ñocchoco i b_Λ ti' tojel Pablo yic'ot Silas.

30 Tsi' pʎʎyob loq'uel. Tsi' c'ajtibeyob: Wini-cob, ¿chuqui yom mic cha'len cha'an mij colʎantel? che'en.

31 Pablo yic'ot Silas tsi' subeyob: Ñopo lac Yum Jesucristo. Che' jini mi caj a colʎantel, jatet yic'ot jini año' bʎ ti a wotot, che'ob.

32 Tsi' subeyob i t'an lac Yum yic'ot pejtelel año' bʎ ti' yotot.

33 Jini xʎantaya tsi' pʎʎyob ti jini jach bʎ ora ti ac'ʎlel. Tsi' pocbeyob i lojwel tac. Tsi' bʎc' ch'ʎmʎ ja' yic'ot pejtelel jini año' bʎ ti' yotot.

34 Tsi' pʎʎyob ochel ti' yotot. Tsi' we'sayob. Wen tijicña i pusic'al yic'ot pejtelel año' bʎ ti' yotot come tsi' ñopoyob Dios.

35 Che' bʎ tsa' sʎc'a, jini año' bʎ i ye'tel tsi' chocoyob majlel wasilob tsa' bʎ i subeyob xʎantaya: Ac'ʎ ti colel jini winicob, che'ob.

36 Jini xʎantaya tsi' sube Pablo: Jini año' bʎ i ye'tel tsi' chocoyob tilel mandar cha'an mi cʎq'uetla ti colel. Loq'uenixla, che' jini. Cucuxla ti' ñʎch'tilel la' pusic'al, che'en.

37 Pablo tsi' subeyob: Romanojon lojon. Ti' wutob winicob x'ixicob tsi' jats'ʎyon lojon che' maxto melbilonic lojon. Tsi' chocoyon lojon ochel ti mʎjquibʎʎ. ¿Mu' ba caj i chocon lojon loq'uel ti mucul jach? Isujm mach che'ic yom. La' tilicob i pʎʎyon lojon loq'uel, che'en Pablo.

38 Jini wasilob tsa' cha' majliyob ba'an año' bʎ i ye'tel cha'an mi' cha' subeñob. Jini año' bʎ i ye'tel tsi' cha'leyob bʎq'uen che' bʎ tsi' yubiyob romanojob.

39 Tsa' tiliyob ba'an Pablo yic'ot Silas. Tsi' pejayob ti wocol t'an. Tsi' pʎʎyob loq'uel ti

majquibal. Tsi' subeyob cha'an mi' loq'uelob ti jini tejclum.

⁴⁰ Che' loq'uemobix ti majquibal tsi' jula'tayob Lidia. Che' b_Λ tsi' q'ueleyob jini hermanojob, tsi' ñuq'ues_Λbeyob i pusic'al. Tsa' loq'uiyob majlel.

17

Pablo yic'ot Silas ya' ti Tesalónica

¹ Che' b_Λ tsa' ñumiyob ti Anfípolis yic'ot ti Apolonia, tsa' c'otiyob ti Tesalónica ya' ba'an i sinagoga judíojob.

² Tsa' ochi Pablo yic'otob che' bajche' i tilel_Λch che' ti' q'uiñilel c'aj o. Uxp'ejl q'uin tsi' tsictes_Λbeyob i Ts'ijbujel Dios.

³ Tsiquil wersa mi' yubin wocol jini Cristo. Wersa mi' tejchel loq'uel ba'an chameño' b_Λ. Tsi' y_ΛΛ: Jiñ_Λch Cristo, jini Jesús mu' b_Λ c subeñetla, che'en.

⁴ Lamital tsi' ñopoyob. Tsi' tempayob i b_Λ yic'ot Pablo yic'ot Silas, che' ja'el griegojob tsa' b_Λ i ch'ujutesayob Dios, yic'ot cab_Λl x'ixicob tsa' b_Λ q'uejliyob ti ñuc.

⁵ Ts_Λyts_Λyñayob i pusic'al jini judíojob mach b_Λ anic tsi' ñopoyob. Tsi' p_Λy_Λyob cha'tiquil uxtiquil jontolo' b_Λ winicob. Tsi' tempayob cab_Λl winicob. Tsi' ñijcayob ti cab_Λl t'an pejtelel año' b_Λ ti tejclum. Ti añel tsa' majliyob ti' yotot Jasón cha'an mi' loc'sañob Pablo yic'ot Silas ti' wut winicob x'ixicob.

⁶ Che' ma'anic tsi' tajayob tsi' chucuyob majlel Jasón yic'ot año' b_Λ hermanojob ba'an jini año' b_Λ i ye'tel ti tejclum. C'am tsi' y_ΛΛyob: Jini winicob tsa' b_Λ i socoyob winicob x'ixicob ti pejtelel pañimil, w_Λ' tsa' tiliyob ja'el.

⁷ Jini Jasón tsi' p_Λy_Λyob ochel ti' yotot. Ti pe-jtelelob woli' contrajinob i t'an César come mi' y_Λlob an yamb_Λ rey, i c'aba' Jesús, che'ob. Che' tsi' jop'beyob i mul.

⁸ Che' b_Λ tsi' yubiyob winicob x'ixicob yic'ot año' b_Λ i ye'tel tsa' cajiyob ti cab_Λl t'an.

⁹ Che' b_Λ tsi' ch'_Λm_Λyob multa ti' c'_Λb Jasón yic'ot i pi'_Λlob, tsi' coloyob.

Pablo yic'ot Silas ya' ti Berea

¹⁰ Jini hermanojob tsi' b_Λc' chocoyob majlel Pablo yic'ot Silas ti ac'_Λlel c'_Λl_Λl ti Berea. Che' b_Λ tsa' c'otiyob ya'i, tsa' ochiyob ti' sinagoga judíojob.

¹¹ Jini año' b_Λ ti Berea ñumen weñob bajche' jini año' b_Λ ti Tesalónica come ti jump'ejl jach i pusic'al tsi' jac'_Λyob jini t'an. Ti jujump'ejl q'uin tsi' wen q'ueleyob i Ts'ijbujel Dios cha'an mi' ña'tañob mi isujm chuqui tsa' subentiyob.

¹² Jini cha'an cab_Λl judíojob tsi' ñopoyob yic'ot cab_Λl griegojob, yic'ot x'ixicob tsa' b_Λ q'uejliyob ti ñuc.

¹³ Che' b_Λ tsi' ña'tayob judíojob ya' ti Tesalónica wolix i pujquel i t'an Dios ya' ti Berea ja'el cha'an Pablo, ya' tsa' majliyob ja'el. Tsi' ñijcayob winicob x'ixicob ti' contra.

¹⁴ Jini hermanojob tsi' b_Λc' chocoyob majlel Pablo c'_Λl_Λl ti colem ñajb. Silas yic'ot Timoteo tsa' c_Λleyob ya' ti Berea.

¹⁵ Jini hermanojob tsi' pi'leyob majlel Pablo c'_Λl_Λl ti Atenas. Tsa' cha' juliyob i subeñob majlel Silas yic'ot Timoteo ti ora ba'an Pablo.

Pablo ya' ti Atenas

16 Che' b_Λ tsi' pijtayob ya' ti Atenas wen ch'ijiyem i pusic'al Pablo, come tsi' q'uele but'ul jini tejclum ti dioste'.

17 Jini cha'an ya' ti sinagoga tsi' pejcayob i b_Λ Pablo yic'ot judíojob yic'ot gentilob tsa' b_Λ i ch'ujutesayob Dios. Ti jujump'ejl q'uin tsi' pejcayob jini tsa' b_Λ ajniyob ti choñoñib_Λ.

18 Ya'an epicúreojob yic'ot estoicojob mu' b_Λ i s_Λclañob i sujmllel tac pañimil. Tsi' pejcayob i b_Λ yic'ot Pablo. Lamital tsi' y_Λayob: To'ol t'an jach mi' cha'len, che'ob. Lamital tsi' y_Λayob: Woli' sub yamb_Λ dios yilal, che'ob. Come Pablo tsi' subu Jesús tsa' b_Λ cha' ch'ojoyi ba'an ch_Λmeño' b_Λ.

19 Tsi' chucuyob. Tsi' p_Λyayob tilel ti Areópago. Tsi' y_Λayob: Com cubin lojon jini tsijib c_Λntesa mu' b_Λ a sub.

20 Come jini woli b_Λ a sub maxto ubibilic c cha'an lojon. Com c ña'tan lojon i sujmllel jini t'an, che'ob.

21 (Come ti pejtelel jini chumulo' b_Λ ti Atenas yic'ot jini tilemo' b_Λ ti yamb_Λ lum tsa' jach i ñusayob q'uin ti t'an. Chuqui tac tsijib ubibil i cha'añoob mi' cha' subob.)

22 Che' ya' wa'al Pablo ti ojilil Areópago, tsi' y_ΛΛ: Winicob w_Λ' ti Atenas mij q'uel cab_Λal la' dios mu' b_Λ la' ch'ujutesan.

23 Come che' b_Λ tsa' ñumiyon ba' tsaj q'uele i yotlel tac diosob, tsac taja jump'ejl pul_Λntib ba' ts'ijbubil jini t'an: JINI DIOS MACH B_Λ C_ΛM_BILIC. Jini cha'an mi caj c tsictes_Λbeñetla jini Dios mach b_Λ c_Λmbilic la' cha'an mu' b_Λ la' ch'ujutesan.

24 Jini Dios tsa' b_Λ i mele pañimil yic'ot pejtelel i b_ΛΛ, jiñ_Λch i Yum Panchan yic'ot Pañimil. Ma'anic mi' chumt_Λl ti templo tac melbil b_Λ ti c'Λb_Λl.

25 Dios ma'anic mi' taj i colt^Λntel ti winicob, come ma'anic chuqui anto yom i cha'an. Mi' y^Λq'ueñonla laj cuxt^Λlel yic'ot la quiq'uilel yic'ot pejtelel lac chub^Λ'an.

26 Loq'uem jach ti juntiquil winic Dios tsi' laj mele winicob ti jujunchajp cha'an mi' pam chumt^Λlob ti pejtelel pañimil. Tsi' y^Λq'ueyob i yorajlel. Tsi' melbeyob i cayajonlel i lumal.

27 Tsi' meleyonla cha'an mi lac sajcan cha'an mi lac taj ti isujm che' mi lac ñop, come mach ñajtic an Dios ti lac tojlel ti jujuntiquilonla.

28 Come tilem ti Dios laj cuxt^Λlel yic'ot lac p'^Λt^Λlel ti x^Λmbal. Ti' p'^Λt^Λlel Dios añonla. Che' bajche' tsi' y^Λl^Λyob ja'el jini sts'ijbayajob la' cha'an: “Come joñonla ja'el i p'olbalonla”, che'ob.

29 I p'olbalonla. Jini cha'an mach yomic mi la c^Λl lajal^Λch Dios bajche' oro mi plata, mi xajlel mu' b^Λ i melob winicob ti' bajñel pusic'al i wenta i yejtal Dios.

30 Dios tsi' ñus^Λbeyob i sajtemal winicob ti yamb^Λ ora che' ma'añobic i ña't^Λbal. W^Λle mi' subeñob pejtelel winicob x'ixicob baqui jach añob cha'an mi' c^Λyob i mul.

31 Tsa'ix i w^Λn ña'ta jini q'uin che' mi caj i cha'len meloñel ti toj. Tsa'ix i wa'choco jini winic mu' b^Λ caj i mel año' b^Λ ti pañimil che' bajche' tsi' tsictes^Λbeyonla che' b^Λ tsi' teche ch'ojoyel Jesús ba'an ch^Λmeño' b^Λ cha'an mi lac ñop. Che' tsi' y^Λl^Λ Pablo.

32 Che' b^Λ tsi' yubiyob mi' cha' ch'ojoyelob ch^Λmeño' b^Λ, lamital tsi' wajleyob. Año' b^Λ tsi' y^Λl^Λyob: Ti yanto b^Λ ora mi caj cubin lojon a t'an, che'ob.

³³ Jini cha'an tsa' loq'ui majlel Pablo ti' tojlelob.

³⁴ Cha'tiquil uxtiquil tsi' tsajcayob Pablo. Tsi' ñopoyob Dionisio ch'oyol b_Λ ti Areópago, yic'ot x'ixic i c'aba' Dámaris yic'ot yaño' b_Λ.

18

Pablo ya' ti Corinto

¹ Ti yamb_Λ ora Pablo tsa' loq'ui majlel ti Atenas. Tsa' c'oti ti Corinto.

² Tsi' taja judío i c'aba' Aquila, ch'oyol b_Λ ti Ponto. Maxto anic cab_Λ ora i loq'uel ti Italia yic'ot Priscila i yijñam, come Claudio tsi' y_Λc'_Λ mandar cha'an mi' loq'uelob pejtelel judíojob ti Roma. Tsa' majli Pablo i c_Λñob.

³ Cha'an lajalob i ye'tel, tsa' chumle yic'otob. Temel tsi' cha'leyob e'tel come xmel pisil b_Λ ototob.

⁴ Pablo tsi' cha'le t'an ti sinagoga ti jujump'ejl i q'uiñilel c'aj o. Tsi' cha'le wersa cha'an mi' ñopob judíojob yic'ot griegojob.

⁵ Che' b_Λ tsa' c'otiyob Silas yic'ot Timoteo, loq'uemo' b_Λ ti Macedonia, Pablo woli' cha'len wersa subt'an ti Corinto. Tsi' ch_Λn sube judíojob Cristoj_Λch jini Jesús.

⁶ Jini judíojob tsi' contrajiyob Pablo. Tsi' p'ajayob. Jini cha'an tsi' tijca i pislel, tsi' subeyob: Anix ti la' bajñel wenta la' cuxtalel. Mach c wentajetixla. Mux c majlel ba'an gentilob, che'en Pablo.

⁷ Tsa' loq'ui ya'i. Tsa' ochi ti' yotot juntiquil winic, i c'aba' Tito Justo, tsa' b_Λ i b_Λc'ñ_Λ Dios. An i yotot ti' t'ejl sinagoga.

⁸ Crispo, i yum sinagoga, tsi' ñopo lac Yum yic'ot pejtelel año' b_Λ ti' yotot. Cab_Λ corintiojob che'

bΛ tsi' yubibeyob i t'an Pablo tsi' ñopoyob. Tsi' ch'ΛmΛyob ja'.

⁹ Lac Yum tsi' sube Pablo ti ac'Λlel: Mach a cha'len bΛq'uen. ChΛn cha'len t'an. Mach yomic ma' ñΛjch'el.

¹⁰ Come añon quic'otet. Ma'anic majch mi mejlel i tic'lañet, come an cabΛ c cha'año' bΛ ti jini tejclum, che'en.

¹¹ Ya'i tsa' jale ojilil i cha'p'ejl jab. Tsi' cΛntesayob ti' t'an Dios.

¹² Che' woli ti yumΛ Galión ya' ti Acaya, jini judíojob tsi' tem chucuyob Pablo. Tsi' pΛyΛyob majlel ba'an melobΛjΛl.

¹³ Tsi' yΛΛyob: Jini winic mi' bajñel suben tejclumob bajche' yom mi' ch'ujutesañob Dios. Mach che'ic bajche' ts'ijbubil ti mandar mi' subeñob, che'ob.

¹⁴ Che' yomix cajel ti t'an Pablo, jini Galión tsi' sube judíojob: Mi an i mul, mi an chuqui jontol tsi' cha'le, wersa mic ñich'tΛbeñetla la' t'an, judíojet bΛ la.

¹⁵ Pero woliyetla ti' a'leya cha'an to'o t'an jach yic'ot cha'an i c'aba' tac winicob yic'ot cha'an la' mandar. Jini cha'an la' wentajΛch jatetla. Joñon mach comic c cha'len meloñel cha'an i t'an. Che' tsi' yΛΛ jini yumΛ.

¹⁶ Tsi' chocoyob loq'uel ti melobΛjΛl.

¹⁷ Jini griegojob tsi' chucuyob Sóstenes, i yum sinagoga. Tsi' jats'Λyob ti' tojel melobΛjΛl. Galión ma'anic chuqui tsi' yΛΛ.

Tsa' cha' sujti ti Antioquía Pablo

¹⁸ Ya' to tsa' jale Pablo cabΛ q'uin. Ti wi'il tsi' subeyob hermanojob adió. Ti barco tsa' majli ti

Siria. Priscila yic'ot Aquila tsi' pi'leyob majlel. Ya' ti Cencrea, Pablo tsi' laj loc'sa i jol come tsi' sube Dios chuqui mi caj i wersa mel.

¹⁹ Tsa' c'oti ti Efeso ba' tsi' c_Λy_Λ Priscila yic'ot Aquila. I bajñel tsa' ochi ti sinagoga Pablo. Tsi' pej_cayob i b_Λ Pablo yic'ot judíojob.

²⁰ Che' b_Λ tsi' c'ajtibeyob Pablo cha'an mi' jalijel yic'otob, ma'anic tsi' jac'beyob.

²¹ Che' b_Λ tsi' c_Λy_Λyob i b_Λ Pablo tsi' y_ΛΛ: Wersa mic majlel ti Jerusalén cha'an mic mel jini q'uin che' mi' cajel. Mu' to c cha' tilel ba' añetla mi che' yom Dios, che'en Pablo. Tsa' loq'ui ti Efeso ti barco.

²² Che' b_Λ tsa' c'oti ti lum ya' ti Cesarea, tsa' letsi majlel i y_Λq'ueñob cortesía jini xñopt'añob mu' b_Λ i tempañob i b_Λ ti Jerusalén. Ti wi'il tsa' jubi majlel ti Antioquía.

²³ Che' b_Λ tsa' ts'ita' jale ya'i tsa' cha' majli. Tsa' ñumi ti pejtelel lum ti Galacia yic'ot ti Frigia. Tsi' xuc'choco pejtelel jini xc_Λnt'añob.

Apolos ya' ti Efeso yic'ot ti Corinto

²⁴ Tsa' c'oti ti Efeso juntiquil judío, i c'aba' Apolos, ch'oyol b_Λ ti Alejandría. Wen yujil t'an. Wen c_Λñ_Λ i cha'an i Ts'ijbujel Dios.

²⁵ C_Λntes_Λbilix Apolos ti' bijlel lac Yum. Ch'ejl i pusic'al. Tsi' cha'le t'an cha'an mi' ñopob lac Yum. Anquese jini jach c_Λmbil i cha'an jini ch'_Λmja' tsa' b_Λ i y_Λc'_Λ Juan, tsi' cha'le c_Λntesa.

²⁶ Ch'ejl i pusic'al tsa' caji ti sub t'an ti sinagoga. Che' b_Λ tsi' yubiyob Priscila yic'ot Aquila, tsi' p_Λy_Λyob cha'an mi' tsictes_Λbeñob i bijlel Dios ti toj.

²⁷ Che' yomix majlel Apolos ti Acaya, jini hermanojob tsi' coltayob ti majlel. Tsi' ts'ijbubeyob

xcant'añob cha'an mi' palyob ochel. Tsa' c'oti Apolos ya'i. Tsi' wen colta jini tsa' bΛ i ñopoyob cha'an ti' yutslel i pusic'al Dios.

²⁸ Tsi' pasbeyob judíojob ti' Ts'ijbujel Dios Cristojach jini Jesús. Ti cabΛ i p'atΛel tsi' subu ti' wutob winicob x'ixicob. Ma'anic tsa' mejli i jac'ob jini judíojob.

19

Pablo ya' ti Efeso

¹ Che' ya'to an Apolos ti Corinto, Pablo tsa' ñumi ba'an wits. Tsa' c'oti ti Efeso. Tsi' taja cha'tiquil uxtiquil xcant'añob ya'i.

² Tsi' c'ajtibeyob: ¿Tsa' ba aq'uentiyetla Ch'ujul bΛ Espíritu che' bΛ tsa' la' ñopo? che'en. Tsi' subeyob: Maxto anic tsa cubi lojon mi an Ch'ujul bΛ Espíritu, che'ob.

³ Pablo tsi' subeyob: ¿Chuqui ti ch'Λmja' tsa' aq'uentiyetla? che'en. Tsi' subeyob: Jini tsa' bΛ i yΛc'Λ Juan, che'ob.

⁴ Pablo tsi' subeyob: Juan tsi' yΛq'ueyob ch'Λmja' jini tsa' bΛ i cΛyΛyob i mul. Tsi' subeyob winicob x'ixicob cha'an mi' ñopob jini tal bΛ ti' pat, jiñach Jesús jini Cristo, che'en.

⁵ Che' bΛ tsi' yubiyob jini t'an, tsi' ch'ΛmΛyob ja' ti' c'aba' lac Yum Jesús.

⁶ Che' bΛ tsi' yΛc'Λ i c'Λb Pablo ti' jol winicob x'ixicob, tsa' ochi jini Ch'ujul bΛ Espíritu ti' pusic'al. Tsa' cajiyoob ti yan tac bΛ t'an. Tsi' cha'leyob alt'an.

⁷ Añob che' bajche' lajchΛntiquil winicob ti pe-jtelel.

8 Tsa' ochi Pablo ti sinagoga. Ch'ejl i pusic'al, tsi' cha'le t'an uxp'ejl uw. Tsi' pejgayob i bΛ. Tsi' xic'beyob cha'an mi' ñopob i sujmllel i yumantel Dios.

9 Tsa' tsats'a i pusic'al lamital winicob. Ma'anic tsi' ñopoyob. Tsi' p'ajayob i bijlel Dios ti' tojlel winicob x'ixicob. Jini cha'an Pablo tsa' loq'ui ya' ba' añob. Tsi' pΛyΛ majlel xcant'añob ja'el. Tsi' cantessayob ti jujump'ejl q'uin ti escuela i cha'an Tiranno.

10 Tsi' cha'le cantesa cha'p'ejl jab. Jini cha'an tsi' yubibeyob i t'an lac Yum Jesús pejtelel jini chumulo' bΛ ti Asia, judíojob yic'ot griegojob.

11 Dios tsi' c'Λmbe i c'Λb Pablo cha'an mi' pΛs wen ñuc tac bΛ i melbal.

12 Jini cha'an tsi' ch'ΛmΛyob majlel ba'an xc'amΛjelob jini pañuelo tac yic'ot welñΛc'Λl tac tsa' bΛ i tΛΛ Pablo. Tsa' lajmi i chΛmel xc'amΛjelob. Tsa' loq'uuyob i xibΛjlel.

13 Jini xΛn pañimil bΛ judíojob tsa' bΛ i cha'leyob wujt tsi' lon ñopo i c'Λmben i c'aba' lac Yum Jesús cha'an mi' chocob loq'uel xibajob. Tsi' yΛΛyob: Mic subeñet loq'uel ti' c'aba' jini Jesús mu' bΛ i sub Pablo, che'ob.

14 Che' lajal tsi' meleyob wuctiquil winicob, i yalobilob juntiquil judío, i c'aba' Esceva. I yum motomajob jini Esceva.

15 I xibΛjlel jini winic tsi' jac'beyob: Mij cΛn Jesús. Mij cΛn Pablo ja'el. Pero jatetla, ¿majquiyetla? che'en.

16 Jini winic am bΛ i xibΛjlel tsa' tijp'i i chuc jini xwujtob. Tsi' ñolch'iyob ti pejtelel. Tsa' mΛjli i cha'an jini am bΛ i xibΛjlel. Tsa' puts'iyob loq'uel

ti otot, pits'ilobix, lojwemobix.

¹⁷ Tsa' caji i yubiñob pejtelel judíojob yic'ot griegojob chumulo' b_Λ ti Efeso. Ti pejtelo b tsi' cha'leyob b_Λq'uen. Tsa' ñuq'ues_Λnti i c'aba' lac Yum Jesús.

¹⁸ Cab_Λ tsa' b_Λ i ñopoyob tsa' tili i subob i mul. Tsi' bajñel tsictesayob i b_Λ cha'an chuqui tac tsi' cha'leyob.

¹⁹ Cab_Λ tsa' b_Λ i cha'leyob wujt tsi' tempayob i jun. Tsi' puluyob ti' wut winicob x'ixicob. Tsi' tsicbeyob i tojol, lujump'ejl i yuxc'al mil s_Λs_Λc taq'uin.

²⁰ Jini cha'an cab_Λ tsa' ñojpi i t'an Dios. Tsa' wen tsictiyi i p'_Λt_Λlel.

²¹ Che' b_Λ tsa' ujti pejtelel jini, Pablo tsi' ña'ta ti Espíritu yom ñumel ti Macedonia yic'ot ti Acaya cha'an mi' majlel ti Jerusalén. Tsi' y_ΛΛ: Wersa yom mic majlel ti Roma ja'el che' b_Λ ñumeñonix ti Jerusalén, che'en.

²² Jini cha'an tsi' choco majlel ti Macedonia cha'tiquil tsa' b_Λ i coltayob ti' ye'tel, jiñob_Λch Timoteo yic'ot Erasto. I bajñel tsa' jale ts'ita ya' ti Asia.

Tsi' cha'leyob cab_Λ t'an ya' ti Efeso

²³ Jini efesojob tsa' cajiyo b tsi' cab_Λ t'an cha'an i bijlel Dios.

²⁴ Come an juntiquil xten plata, i c'aba' Demetrio, tsa' b_Λ i melbe ti s_Λs_Λc taq'uin i yotot tac jini dios i c'aba' Diana. Cab_Λ tsi' cha'leyob ganar i yaj e'telob.

²⁵ Demetrio tsi' tempa jini x'e'telob yic'ot yaño' b_Λ lajal b_Λ i ye'tel. Tsi' subeyob: Winicob, la' wujil cab_Λ mi lac cha'len ganar cha'an la que'tel.

26 La' wujil chuqui woli' mel Pablo, come tsa'ix la' q'uele. Tsa'ix la' wubibe i t'an. Tsa'ix i xic'beyob cabal winicob x'ixicob cha'an mi' cAyob Diana, mach wA'ic jach ti Efeso, pero colel i ñumel ti pejtelel Asia ja'el. Mi' yAl mach diosic jini melbil tac bA ti c'AbAl.

27 Jini cha'an bAbAq'uen mi' jilel la que'tel yic'ot i yotlel jini x'ixic dios, Diana, jini ñuc bA. BAbAq'uen mi' jisAntel i ñucler jini dios mu' bA i ch'ujutesañob pejtelel año' bA ti Asia yic'ot ti pejtelel pañimil, che'en.

28 Che' bA tsa'ix i yubiyob jini t'an cabal tsa' mich'ayob. Tsi' cha'leyob c'am bA t'an. Tsi' yAlAyob: ¡Ñuc lac dios Diana wA' ti Efeso! che'ob.

29 Wen ju'ucñayob ti pejtelel tejclum. Ti ajñel tsi' tempayob i bA ti parque, chuculobix i cha'an Gayo yic'ot Aristarco ch'oyolo' bA ti Macedonia, i pi'Allob Pablo ti xAmbal.

30 Pablo yom ochel ba' añoob pero jini xcAnt'añoob tsi' tiq'uiyob.

31 Cha'tiquil uxtiquil winicob año' bA i ye'tel ti Asia, i cAñAYo' bA Pablo, tsi' chochbeyob majlel winicob cha'an mi' subeñoob ti wocol t'an mach yomic mi' yochel ti parque.

32 Jelchojc jax i t'an jini tempAbilo' bA ti parque. Ju'uc'ñayob jax ti t'an. CabAllob mach yujilobic chucoch tsi' tempayob i bA.

33 Jini judíojob tsi' pAYAYob loq'uel Alejandro ba' p'ululob winicob x'ixicob cha'an mi' pejcañoob. Alejandro tsi' pAsbeyob i c'Ab cha'an mi' ñAjch'elob, come yom i yAq'ueñoob i ch'Am ben isujm.

34 Che' yujilobix judíoJach jini Alejandro,

cha'pejl ora tsi' chΛn cha'leyob c'am bΛ t'an ti pejtelelob. C'am tsi' yΛlyob: ¡Ñuc lac dios Diana wΛ' ti Efeso! che'ob.

³⁵ Jini sts'ijbaya cha'an tejclum tsi' ñΛch'tesayob. Tsi' subeyob: Winicob, ¿baqui an juntiquil winic mach bΛ yujilic mi ti pejtelel lac tejclum Efeso mi' cΛntΛbentel i yotlel jini x'ixic dios Diana yic'ot i yejtal tsa' bΛ i choco jubel Júpiter?

³⁶ Actan, che' jini, ma'anic majch mi mejlel i contrajin jini t'an. Jini cha'an yom mi la' ñΛjch'el. Yom mi la' ch'Λmben isujm chuqui yom mi la' mel.

³⁷ Come jini winicob tsa' bΛ la' pΛyΛ tilel ma'anic mi' xujch'iñob jini templo. Ma'anic mi' p'ajob la' dios.

³⁸ La' tilicob Demetrio yic'ot i pi'Λlob ti e'tel mi an chuqui yom i yΛlob ti' contra juntiquil winic. An melobΛjΛl, an xmeloñelob. La' i melob i bΛ cha'an i mul.

³⁹ Mi anto chuqui woli la' ña'tan, jini año' bΛ i ye'tel mi mejlel i yubiñob che' mi' tempañob i bΛ.

⁴⁰ Come bΛbΛq'uen mi' caj ti sujbel lac mul cha'an jini leto tsa' bΛ ujti sajmal. Ma'anic mi mejlel lac sub chucoch tsa' tejchi jini ju'ucña bΛ t'an, che'en.

⁴¹ Che' bΛ tsa' ujti ti t'an, tsi' subeyob sujtel jini tempΛbilo' bΛ.

20

Tsa' majli Pablo ti Macedonia yic'ot Grecia

¹ Che' bΛ tsa'ix lajmi jini ju'ucña bΛ t'an, Pablo tsi' pΛyΛ tilel xΛnt'añob. Tsi' xic'beyob ti jini wen t'an. Tsi' lajlaj jats'beyob i pat. Tsi' subeyob i bΛ adiós. Pablo tsa' loq'ui cha'an mi' majlel ti Macedonia.

² Che' b_Λ woli' ñumel majlel ti' bijlel Grecia tsi' wen xic'beyob ti jini wen t'an. Tsa' c'oti ti Grecia.

³ Ya'i tsa' jale uxp'ejl uw. Che' b_Λ yomix majlel ti Siria ti barco, woli' chijtañob judíojob. Tsa' caji i ña'tan uts'at mi' cha' ñumel ti Macedonia.

⁴ Tsi' pi'leyob majlel c'ΛΛΛ ti Asia jini Sópater ch'oyol b_Λ ti Berea, yic'ot Aristarco yic'ot Segundo ch'oyol b_Λ ti Tesalónica, yic'ot Gayo ch'oyol b_Λ ti Derbe, yic'ot Timoteo, yic'ot Tíquico, yic'ot Trófimo ch'oyolo' b_Λ ti Asia.

⁵ Jiñob tsa' ñaxan majliyob i pijtañon lojon ti Troas.

⁶ Che' b_Λ tsa' ñumi i q'uiñilel caxlan waj mach b_Λ anic i levadurajlel, tsa' ochiyon lojon ti barco ya' ti Filipos. Jo'p'ejl q'uin tsac xΛñΛ lojon majlel. Ya' ti Troas tsac cha' taja lojon c b_Λ. Ya'i tsa' jaleyon lojon wucp'ejl q'uin.

Pablo tsi' jula'tayob ya' ti Troas

⁷ Ti ñaxan b_Λ q'uin ti semana che' b_Λ tsi' tempayob i b_Λ xcΛnt'añob cha'an mi' xet'ob waj, Pablo tsi' cΛntesayob. Come yomix majlel ti yijc'ΛlΛl, tsa' jale ti t'an c'ΛlΛl ti ojlil ac'Λlel.

⁸ Ya'an cabΛl lámpara ti' mal otot ti cha' lajmlel otot ba' tsi' tempayob i b_Λ.

⁹ Juntiquil ch'iton, i c'aba' Eutico, buchul ti q'ueloñibal, woli ti wen wΛyel. Tsa' ñucle ti wΛyel come jal woli ti cΛntesa Pablo. Tsa' yajli ti lum. ChΛmenix tsi' lotoyob.

¹⁰ Pablo tsa' jubi majlel. Tsa' bΛc' c'oti i mec'. Tsi' yΛΛ: Mach la' mel la' pusic'al. Cuxul to, che'en.

11 Che' b_Λ tsa'ix cha' letsi Pablo, tsi' xet'eyob waj, tsi' c'uxuyob. Jalto tsi' cha'le t'an c'Λ_Λ tsa' s_Λc'a. Tsa' majli.

12 Cuxul tsi' p_Λy_Λyob majlel jini ch'iton. Jini cha'an tsa' ñuq'ues_Λbentiyob i pusic'al jini her-manjob.

Pablo tsi' pejca ancianojob loq'uemo' b_Λ ti Efeso ti Mileto

13 Tsa' ochiyon lojon ti barco. Tsa' majliyon lojon ti Asón ba' com lojon c p_Λy ochel Pablo, che' bajche' tsi' subeyon lojon. Come ti' yoc tsa' majli che' bajche' tsi' ña'ta.

14 Che' b_Λ tsi' tajayon lojon ti Asón, tsac p_Λy_Λ lojon ochel ti barco. Tsa' c'otiyon lojon ti Mitilene.

15 Tsa' cha' majliyon lojon ti barco. Ti yijc'Λ_Λ tsa' c'otiyon lojon ti' tojel Quío. Ti' cha'p'ejlel q'uin tsa' c'otiyon lojon ti Samos. Tsac ñusa lojon ac'Λ_Λ ti Trogilio. Ti' yuxp'ejlel q'uin tsa' c'otiyon lojon ti Mileto.

16 Pablo mach yomic majlel ti Efeso, come mach yomic jalijel ya' ti Asia. Woli' se'ñun i b_Λ, come yom c'otel ti Jerusalén cha'an i q'uiñilel Pentecostés mi muc'Λch i mejlel.

17 Che' anto ti Mileto, Pablo tsi' choco majlel winicob ti Efeso. Tsi' p_Λy_Λ tilel jini ancianojob año' b_Λ i ye'tel ti' tojlel xñopt'añob ya' ti Efeso.

18 Che' b_Λ tsa' c'otiyob, Pablo tsi' subeyob: La' wujil bajche' año_n la' wic'ot ti pejtelel ora c'Λ_Λ ti ñaxan b_Λ q'uin che' b_Λ tsa' ochiyon ti Asia.

19 Tsac mele c b_Λ ti pec' che' b_Λ tsac melbe i ye'tel lac Yum. Tsi' tajayon cab_Λ wocol. Tsac cha'le uq'uel cha'an judíojob tsa' b_Λ i chijtayoñob.

20 Ma'anic tsac b_Λc'ña c subeñetla jini am b_Λ i c'Λjñibal la' cha'an. Tsaj c_Λntesayetla ti' wut winicob x'ixicob yic'ot ti jujump'ejl la' wotot.

21 Tsa'ix c subeyob judíojob yic'ot gentilob cha'an mi' c_Λyob i mul cha'an mi' ñopob Dios. Tsac subeyob cha'an mi' ñopob lac Yum Jesucristo.

22 Awilan, samiyonix ti Jerusalén come p_Λybilonix majlel cha'an jini Espíritu. Mach cujilic chuqui mi caj c tumbentel ya'i.

23 Pero jini Ch'ujul b_Λ Espíritu mi' subeñon ti jujump'ejl tejclum, mi caj i tajon wocol. Mi caj cochel ti m_Λjquib_Λ.

24 Ma'anic mij q'uel j cuxt_Λlel ti ñuc. Anquese mi c_Λjq'uel ti ch_Λmel, tijicña c pusic'al mi uts'at mic ts'_Λctesan que'tel tsa' b_Λ aq'uentiyon ti lac Yum Jesús cha'an mic sub jini wen t'an cha'an i yutsllel i pusic'al Dios.

25 Awilan, tsa'ix c subu i yum_Λntel Dios ti la' tojlel. W_Λle cujil ma'anix mi caj la' ch_Λn q'uel c wut.

26 Jini cha'an mic subeñetla ti jini jach b_Λ ora, mach ch_Λn c wentajix la' cuxt_Λlel ti la' pejtelel.

27 Ma'anic tsac cha'le b_Λq'uen, pero ts'_Λc_Λl tsac subeyetla i t'an Dios.

28 Ch_Λc_Λ q'uele la' b_Λ che' jini. C_Λntanla pejtelel jini tiñ_Λme', come jini Ch'ujul b_Λ Espíritu tsi' y_Λq'ueyetla la' we'tel ti xc_Λntaya cha'an mi la' we'san jini xñopt'añob i cha'año' b_Λ Dios tsa' b_Λ i m_Λñ_Λ ti' bajñel ch'ich'el.

29 Come cujil che' majlemonix mi caj i yochelob ti la' tojlel jontol b_Λ b_Λte'el ts'i'. Ma'anic mi caj i p'untan tiñ_Λme'.

³⁰ Mi caj i wa'talob winicob ti la' tojlel mu' b_Λ i yalob sojquem b_Λ t'an cha'an mi' p_Λyob xcant'añob cha'an mi' tsajcañob.

³¹ Yom y_Λxal la' wo che' jini. Ña'tanla, uxp'ejl jab ma'anic tsaj c_Λy_Λ c xic'beñetla ti jujuntiquiletla ti q'uiñil yic'ot ti ac'alel. Tsac cha'le uq'uel.

³² W_Λle, hermanojob, mi c_Λq'uetla ti' c'ab Dios yic'ot ti' wenta jini t'an mu' b_Λ i tsictesan i yut-slel i pusic'al. An i p'atalel jini t'an cha'an mi' xuc'chocon la' pusic'al, cha'an mi la' w_Λq'uentel chuqui tac la' tem cha'an jach la' wic'ot pejtelel jini s_Λq'ues_Λbilo' b_Λ.

³³ Ma'anic tsac mul_Λbeyetla chuqui an la' cha'an, mi plata, mi oro, mi pisil.

³⁴ La' wujil, tsac cha'le e'tel tij c'ab cha'an i b_Λl c ñac'. Tsac we'sa c pi'lob ja'el año' b_Λ quic'ot.

³⁵ Ti pejtelel tsa' b_Λ c mele tsac p_Λsbeyetla bajche' yom mi lac cha'len e'tel cha'an mi laj coltan jini mach b_Λ p'atlobic. Yom mi la' ña'tan i t'an lac Yum Jesús tsa' b_Λ i y_Λla: “Ñumen tijicña jini mu' b_Λ i y_Λc' majtañal bajche' jini mu' b_Λ i ch'am i majtan”. Che' tsi' y_Λla Pablo.

³⁶ Che' b_Λ tsa' ujti ti jini t'an tsa' ñocle. Pablo tsi' como pejca Dios yic'otob.

³⁷ Ti pejtelelob tsi' cha'leyob cab_Λl uq'uel. Tsi' meq'ueyob Pablo. Tsi' ts'ujts'uyob.

³⁸ Wen ch'ijiyem tsi' yubiyob cha'an tsi' subeyob ma'anix mi caj i ch_Λn q'uelbeñob i wut. Tsi' pi'leyob majlel c'alel ti barco.

21

Tsa' majli ti Jerusalén Pablo

1 Che' b_Λ tsaj c_Λy_Λyob lojon tsa' ochiyon lojon ti barco. Toj tsa' majliyon lojon ti Cos, ti yijc'Λl_Λl c'Λl_Λl ti Rodas, ti wi'il c'Λl_Λl ti Pátara.

2 Ya' tsac taja lojon barco woli b_Λ i majlel ti Fenicia. Tsa' ochiyon lojon. Tsa' majliyon lojon.

3 Che' b_Λ tsaj q'uele lojon Chipre, tsaj c_Λy_Λ lojon tic ts'ej. Tsa' ñumiyon lojon majlel c'Λl_Λl ti Siria. Tsa' c'otiyon lojon ti Tiro, come ya' yom i c_Λy i cuch jini barco.

4 Che' b_Λ tsac taja lojon xc_Λnt'añob tsa' jaleyon lojon ya'i wucp'ejl q'uin. Tsi' subeyob Pablo ti jini Espíritu mach yomic mi' letsel majlel ti Jerusalén.

5 Che' ñumenix jump'ejl semana tsa' majliyon lojon. Ti pejtelelob tsi' pi'leyon lojon majlel yic'ot x'ixicob yic'ot i yalobilob, c'Λl_Λl che' b_Λ tsa' loq'uinyon lojon ti tejclum. Ya' ti' ti' ja' tsa' cajiyan lojon ti ñoct_Λl, tsac pejca lojon Dios.

6 Che' b_Λ tsa'ix j c_Λy_Λ lojon c b_Λ, tsa' ochiyon lojon ti barco. Jini xc_Λnt'añob tsa' sujtiyob ti' yotot.

7 Che' loq'uemonix lojon ti Tiro ti barco, tsa' c'otiyon lojon ti Tolemaida. Ya' i tsa c_Λq'ue lojon cortesía hermanojob. Tsa' jaleyon lojon jump'ejl q'uin yic'otob.

8 Ti yijc'Λl_Λl che' b_Λ tsa' majliyon lojon, tsa' c'otiyon lojon ti Cesarea. Ya' tsa' ochiyon lojon ti' yotot Felipe, jini sub_t'an, jini tsa' b_Λ aq'uenti i ye'tel yic'ot jini w_Λctiquil. Tsa' jijliyon lojon quic'ot.

9 An ch_Λntiquil i yixic'al mach b_Λ anic i ñoxi'al. Tsi' cha'leyob alt'an.

10 Che' b_Λ tsa' jaleyon lojon ya' i cha'p'ejl uxp'ejl q'uin, tsa' jubi tilel juntiquil x'alt'an loq'uem b_Λ ti Judea, i c'aba' Agabo.

11 Che' b_Λ tsa' c'oti ba' añon lojon, tsi' ch'Λmbe i cajchiñac' Pablo. Tsi' bajñel c_Λch_Λ i yoc i c'Λb. Tsi' subu: Jini Ch'ujul b_Λ Espíritu mi' y_Λ: “Che'i mi caj i c_Λchob i yum jini cajchiñac'Λ jini judíojob año' b_Λ ti Jerusalén. Mi caj i y_Λc'ob ti' c'Λb gentilob”. Che' mi' y_Λ Ch'ujul b_Λ Espíritu, che'en Agabo.

12 Che' b_Λ tsa'ix cubi lojon jini t'an, joñon lojon quic'ot jini ya' b_Λ añob tsac sube lojon Pablo ti wocol t'an cha'an ma'anic mi' letsel majlel ti Jerusalén.

13 Pablo tsi' subeyon lojon: ¿Chucoch mi la' cha'len uq'uel? ¿Chucoch mi la' w_Λq'ueñon i ch'ijiyemlel c pusic'al? Joñon chajp_Λbilon, mach cojic jach cha'an mij c_Λjchel, pero cha'an mic ch_Λmel ja'el ti Jerusalén cha'an ti' c'aba' lac Yum Jesús, che'en.

14 Che' b_Λ ma'anic tsi' jac'beyon lojon c t'an, tsaj c_Λy_Λ lojon c suben. Tsac sube lojon: La' mejlic chuqui yom lac Yum, cho'on lojon.

15 Ti wi'il tsac chajpa lojon c chub_Λ'an. Tsa' letsiyon lojon majlel ti Jerusalén.

16 Cha'tiquil uxtiquil xc_Λnt'añob ch'oyolo' b_Λ ti Cesarea tsi' pi'leyon lojon majlel. Tsi' p_Λy_Λyon lojon majlel ti' yotot juntiquil xc_Λnt'an i c'aba' Mnasón, ch'oyol b_Λ ti Chipre. Jini Mnasón wajalix tsi' ñopo. Ya' tsa' jijliyon lojon quic'ot.

Pablo tsi' julata Jacobo

17 Che' b_Λ tsa' c'otiyon lojon ti Jerusalén, ti-jicñayob i pusic'al jini hermanojob, tsi' p_Λy_Λyon lojon ochel.

18 Ti yijc'Λlal tsa' ochi Pablo quic'ot lojon ba'an Jacobo. Tsi' tempayob i b_Λ pejtelel jini ancianojob.

19 Che' b_Λ tsi' y_Λq'ueyob i b_Λ cortesia, Pablo quepecña tsa' caji i subeñob pejtelel chuqui tac tsi' cha'le Dios ti' tojlel gentilob ya' ba' tsi' cha'le subt'an.

20 Che' b_Λ tsi' yubiyob, tsi' subuyob i ñucllel Dios. Jini ancianojob tsi' subeyob Pablo: Hermano, tsa'ix a wubi jayp'ejl mil judíojob tsi' ñopoyob. Ti pejtelelob wen b_Λxob cha'an jini mandar.

21 Tsa'ix lon subentiyob jini w_Λ' b_Λ añob, wola' c_Λntesan judíojob ya' ti' tojlel gentilob cha'an mi' c_Λyob i mandar Moisés. Wola' sub mach yomic mi' tsepbeñob i p_Λch_Λlel i yalobilob, yic'ot mach yomic mi' cha'leñob che' bajche' i tilel judíojob.

22 Jini cha'an, ¿chuqui yom mi lac cha'len? Mi caj i yubiñob tsa'ix tiliyet. Isujm, mi caj i tempañob i b_Λ cab_Λl winicob x'ixicob.

23 Jini cha'an, mele chuqui mic subeñet lojon. W_Λ' añob ch_Λntiquil winicob tsa' b_Λ i subeyob Dios chuqui mi caj i wersa melob.

24 P_Λy_Λyob majlel. S_Λq'uesan a b_Λ yic'otob. Tojbeñob chuqui yom cha'an mi' set'bentelob i jol. Che'i mi caj i ña'tañob ti pejtelelob mach isujmic jini tsa' b_Λ subentiyob, come mach che'ic wola' mel. Mi caj i ña'tañob jatet ja'el wolix a jac' jini mandar.

25 Jixcu jini gentilob tsa' b_Λ i ñopoyob, tsa'ix c ts'ijbubeyob lojon chuqui tsac ña'ta lojon. Tsac subeyob lojon cha'an mi' c_Λyob i c'ux jini ts_Λns_Λbil b_Λ i majtan dioste' yic'ot i ch'ich'el yic'ot milbil tac b_Λ. Tsac sube lojon cha'an ma'anic mi' cha'leñob ts'i'lel. Che' tsi' subeyob Pablo jini ancianojob.

26 Pablo tsi' p_Λy_Λyob jini winicob. Ti yijc'Λlal tsi' s_Λq'uesa i b_Λ yic'otob. Tsa' ochi ti Templo

cha'an mi' subeñob baqui b_Λ q'uin mi caj i yujtel i s_Λq'uesaño*b* i b_Λ, yic'ot baqui b_Λ q'uin mi caj i y_Λq'uentel i majtan Dios am b_Λ ti' wenta ti jujun-tiquil.

Tsi' chucuyob Pablo ti Templo

²⁷ Che' yomix ts'_Λctiyel jini wucp'ejl q'uin, cha'tiquil uxtiquil judíojob ch'oyolo' b_Λ ti Asia tsi' q'ueleyob Pablo ti Templo. Tsi' ñijcayob winicob cha'an mi' chucob Pablo.

²⁸ Jini winicob c'am tsi' y_ΛΛyob: Winicob israelob la'la ti coltaya. Umba'an jini winic mu' b_Λ i cha'len c_Λntesa ti' contra i cha'año' b_Λ Dios yic'ot ti' contra jini mandar yic'ot ti' contra jini Templo. Che'_Λch woli' pam c_Λntesan winicob x'ixicob. Mach cojic jach jini, pero tsa'ix i p_Λy_Λ ochel griegojob ja'el ti' mal Templo. Tsa'ix i bibesa jini Ch'ujul b_Λ Ajñib_Λ, che'ob.

²⁹ Come tsi' lon ña'tayob tsa'ix i p_Λy_Λ ochel ti' mal Templo juntiquil winic ch'oyol b_Λ ti Efeso, i c'aba' Trófico, come anix ora tsi' q'ueleyob yic'ot Pablo.

³⁰ Jini cha'an tsa' tejchiyob ti a'leya pejtelel winicob año' b_Λ ti jini tejclum. Ti ajñel tsi' tempayob i b_Λ. Tsi' chucuyob Pablo. Tsi' tujc'ayob loq'uel ti Templo. Ti ora tsa' ñujp'i i ti' Templo.

³¹ Che' b_Λ woli' ñopob i ts_Λnsan Pablo, tsa' subenti jini am b_Λ ñuc b_Λ i ye'tel ti' tojlel jump'ejl mil soldadojob cha'an woliyob ti leto pejtelel winicob ti Jerusalén.

³² Jini am b_Λ i ye'tel tsi' p_Λy_Λ majlel soldadojob yic'ot i yaj capitaño*b*. Ti ajñel tsa' majliyob ba' año*b*. Jini winicob tsi' c_Λy_Λyob i jats' Pablo che'

b_Λ tsi' q'ueleyob jini am b_Λ ñuc b_Λ i ye'tel yic'ot soldadojob.

³³ Tsa' c'oti jini am b_Λ ñuc b_Λ i ye'tel. Tsi' chucu Pablo. Tsi' y_Λc'Λ mandar cha'an mi' c_Λjchel ti cha't'ujm cadena. Tsi' c'ajtibe i c'aba' yic'ot chuqui tsi' cha'le.

³⁴ Ti pejtelelob woliyob ti c'am b_Λ t'an. Jel-chojc jax chuqui tsi' y_ΛΛayob. Ma'anic tsa' mejli i ch'amben isujm chuqui tsa' ujti come ju'ucñayob ti cab_Λ t'an. Jini cha'an tsi' y_Λq'ueyob mandar cha'an mi' p_Λyob majlel Pablo ti' yotot soldadojob.

³⁵ Che' b_Λ tsa' c'otiyob ba' quejp_Λctic ts'ajc, jini soldadojob tsi' ch'uyuyob majlel Pablo, come wen mich'ob winicob.

³⁶ Woli' tsajcañob majlel. C'am tsi' y_ΛΛayob: Ts_Λnsanla, che'ob.

*Pablo tsi' pejca winicob x'ixicob
(Hch. 9.1-19; 26.12-18)*

³⁷ Che' b_Λ tsa' caji i p_Λyob ochel Pablo ti' yotot soldadojob, Pablo tsi' sube jini ñuc b_Λ i ye'tel: ¿Mejl ba c pejcañet? che'en. Jini ñuc b_Λ i ye'tel tsi' sube: ¿A c_Λñ_Λ ba i t'an griegojob?

³⁸ ¿Mach ba jatetic jini egipto tsa' b_Λ i teche leto ti' contra gobierno maxto jali? ¿Mach ba jatetic tsa' p_Λy_Λ majlel ti jochol b_Λ lum lujumbajc' sts_Λnsajob? che'en.

³⁹ Pablo tsi' sube: Mach joñonic. Mero judíojon. Ch'oyolon ti Tarso ya' ti Cilicia. Ya' chuchbil j c'aba' ti ñuc b_Λ tejclum. Awocolic, la' c pejcan jini winicob, che'en.

⁴⁰ Che' b_Λ tsi' y_Λc'Λ i t'an, che' wa'alix Pablo ba' quejp_Λctic, tsi' p_Λsbeyob i c'Λb jini winicob. Che'

b_Λ tsa' wen ñ_Λjch'iyob, Pablo tsa' caji i pejcañob ti t'an hebreojob.

22

¹ Pablo tsi' y_ΛΛ: Winicob c pi'Λlob, ñich'tanla chuqui mic subeñetla w_Λle, che'en.

² Che' b_Λ tsi' yubiyob woli' pejcañob ti' t'an hebreojob, tsa' wen ñ_Λjch'iyob.

³ Pablo tsi' subeyob: Isujm judíojon. Tsa quila pañimil ti Tarso ya' ti Cilicia. W_Λ' tsa' coliyon ilayi ti ili tejclum. C_Λntes_Λbilon i cha'an Gamaliel. Tsa' c_Λntes_Λantiyon ti' sujmler jini mandar che' bajche' tsi' ñopoyob lac ñojte'el. Wen b_Λxon cha'an Dios che' bajche'etla ti la' pejtelel w_Λle.

⁴ Tsac tic'la jini año' b_Λ ti' bijlel Dios. Tsa c_Λc_Λ'yob ti ch_Λmel. Tsac chucu winicob yic'ot x'ixicob. Tsa cotsayob ti m_Λjquib_Λ.

⁵ Jini ñuc b_Λ motomaj ja'el yic'ot pejtelel xñoxob año' b_Λ i ye'tel yujilob isujm c t'an, come tsi' y_Λq'ueyoñob jun cha'an mic p_Λsbeñob lac pi'Λlob. Ya' tsa' majliyon ti Damasco cha'an mic chuc jini ya' b_Λ añoob cha'an c_Λch_Λl mic p_Λyob tilel ti Jerusalén cha'an mi' tojob i mul.

*Pablo tsi' subu bajche' tsa' colt_Λnti
(Hch. 9.1-19; 26.12-18)*

⁶ Che' b_Λ woliyon ti x_Λmbal majlel, che' l_Λc'Λlix añoon ti Damasco ti xinq'uiñil, tsa' b_Λc' tsictiyi tic joytilel i c'Λc'al c'ajc ch'oyol b_Λ ti panchan.

⁷ Tsa' yajliyon ti lum. Tsa cubi t'an. Tsi' subeyon: “¿Saulo, Saulo, cucoch wola' tic'lañon?” che'en.

⁸ Tsac jac'Λ: “C Yum, ¿majquiyet?” cho'on. Tsi' subeyon: “Joñon Jesús on ch'oyolon bΛ ti Nazaret. Woli a tic'lañon”, che'en.

⁹ Jini año' bΛ quic'ot, ti isujm tsi' q'ueleyob i c'Λc'al c'ajc. Tsi' cha'leyob bΛq'uen. Ma'anic tsi' yubibeyob chuqui woli' yΛl jini tsa' bΛ i pejcayon.

¹⁰ Tsac sube: “¿Chuqui yom mic cha'len c Yum?” cho'on. Lac Yum tsi' subeyon: “Ch'ojyen. Cucu ti Damasco. Ya'i mi caj a subentel pejtelel chuqui wΛn ña'tΛbil c cha'an mu' bΛ caj a mel”, che'en.

¹¹ Che' bΛ ma'anic tsa' c'oti c wut cha'an i sΛclel jini c'ajc, tsi' toj'esayoñob majlel tij c'Λb jini ya' bΛ año' quic'ot. Tsa' c'otiyon ti Damasco.

¹² Ya' an winic, i c'aba' Ananías, mu' bΛ i ch'ujutesan Dios, che' bajche' cΛntesΛbilonla ti mandar. Wen uts'at tsa' q'uejli cha'an pejtelel judíojob ya' bΛ chumulob.

¹³ Tsa' tili ba' año. Tsa' wa'le tic t'ejl. Tsi' subeyon: “Hermano Saulo, la' c'otic a wut”, che'en Ananías. Ti jini jach bΛ ora tsa' c'oti c wut. Tsaj q'uele Ananías.

¹⁴ Tsi' subeyon: “I Dios lac ñojte'el tsi' yajcayet cha'an ma' cΛn chuqui yom i pusic'al Dios. Tsi' yajcayet cha'an ma' q'uel jini Toj bΛ, yic'ot cha'an ma' wubiben i t'an che' mi' pejcañet.

¹⁵ Come mi caj a wΛc' ti cΛjñel Cristo ti' tojlel pejtelel winicob x'ixicob. Mi caj a subeñob chuqui tac tsa' q'uele yic'ot chuqui tsa' wubi.

¹⁶ WΛle, ¿chucoch woliyet ti pijt? Ch'ojyen. Pe-jcan Dios ti' c'aba' Jesús. Ch'ΛmΛ ja', la' pojquic loq'uel a mul”. Che' tsi' subeyon Ananías.

Ipayol Pablo cha'an mi' cha'len subt'an

17 Che' b_Λ tsa' cha' tiliyon ti Jerusalén, woliyon ti oración ti Templo. An chuqui tsa' caji j q'uel ti espíritu.

18 Tsaj q'uele Jesús tsa' b_Λ i subeyon: “Se'ñun a b_Λ, loq'uen ti Jerusalén ti ora come ma'anic mi caj i jac'ob chuqui wola' subeñob cha'añon”, che'en.

19 Tsac sube: “C Yum, yujlilob joñon tsa cotsa ti majquib_Λ jini tsa' b_Λ i ñopoyet. Tsac bajbeyob ti sinagoga tac.

20 Che' b_Λ tsa' bejq'ui i ch'ich'el Esteban, jini subt'an a cha'an, ya' l_Λc'Λ wa'alon ja'el. Ma'anic tsac tiq'uiyob. Tsaj c_Λnt_Λbeyob i pislel jini tsa' b_Λ i ts_Λnsayob”, cho'on tsac sube.

21 Jesús tsi' subeyon: “Cucu come joñon mi caj c choquet majlel ti ñajt_Λ ba'an gentilob”. Che' tsi' subeyon Jesús, che'en Pablo.

22 Tsi' ñich'tayob judíojob jinto tsa' ujt_i i sub jini t'an. Jini winicob tsa' cajiyojob ti c'am b_Λ t'an. Tsi' y_ΛΛyob: “La' ch_Λmic jini winic. Mach uts'atic che' ch_Λn cuxul”, che'ob.

23 Wen c'am tsi' cha'leyob t'an. Tsi' tijcayob i bujc. Tsi' wejch'uyob letsel ts'ubejn.

24 Jini ñuc b_Λ i ye'tel tsi' y_Λc'Λ mandar cha'an mi' p_Λjyel ochel Pablo ti' yotot soldadojob. Tsi' y_Λc'Λ mandar cha'an mi' jajts'el ti asiyal cha'an mi' tsictesan i mul, come yom i ña'tan chucoch tsi' cha'leyob cab_Λ t'an ti' contra.

25 Che' b_Λ tsa'ix i c_Λch_Λyob Pablo ti p_Λchi, Pablo tsi' c'ajtibe i yaj capitán soldadojob wa'al b_Λ ti' t'ejl: ¿Mach ba tic'bilic ti mandar mi' jajts'el ti asiyal juntiquil winic chucbil b_Λ i c'aba' ya' ti Roma, che' maxto ña't_Λbilic mi an i mul? che'en Pablo.

26 Che' b_Λ tsi' yubibe i t'an Pablo, i yaj capitán soldadojob tsa' majli ba'an jini ñ_{UC} b_Λ i ye'tel. Tsi' sube: ¿Chuqui mi caj a cha'len? Chucbil i c'aba' jini winic ya' ti Roma, che'en.

27 Jini ñ_{UC} b_Λ i ye'tel tsa' tili ba'an Pablo. Tsi' sube: Subeñon, ¿chucbil ba a c'aba' ya' ti Roma? che'en. Pablo tsi' jac'Λ: Chucbil cu, che'en.

28 Jini ñ_{UC} b_Λ i ye'tel tsi' y_{ΛΛ}: Cab_Λ taq'uin tsac jisa cha'an mi' chujquel j c'aba' ya' ti Roma, che'en. Pablo tsi' sube: Pero tsa' chujqui j c'aba' ya' ti Roma che' b_Λ tsa quila pañimil, che'en.

29 Jini cha'an jini yomo' b_Λ i jats' Pablo cha'an mi' tsictesan i mul tsi' b_{ΛC'} c_{ΛYΛ}yob. Che' b_Λ tsi' ña'ta ya' chucul i c'aba' Pablo ti Roma, jini ñ_{UC} b_Λ i ye'tel tsi' cha'le b_{ΛQ'}uen ja'el, come an i mul cha'an tsi' c_Λch_Λ.

Pablo ti' tojlel jini año' b_Λ i ye'tel

30 Ti yijc'Λlal yom i ñop ti isujm chucoch tsi' cha'leyob t'an jini judíojob ti' contra Pablo. Tsi' jiti. Tsi' subeyob tilel pejtelel ñ_{UC} b_Λ motomajob yic'ot jini año' b_Λ i ye'tel. Tsi' p_{ΛYΛ} tilel Pablo.

23

1 Pablo tsi' wen q'uele jini año' b_Λ i ye'tel. Tsi' y_{ΛΛ}: Winicob, c pi'Λlob, ti pejtelel chuqui tac tsac mele, Dios tsi' q'uele. C'Λlal w_Λle ma'anic mi' tejchel t'an tic pusic'al cha'an uts'at pejtelel chuqui tsac cha'le ti' wut Dios, che'en.

2 Jini c'ax ñ_{UC} b_Λ motomaj, i c'aba' Ananías, tsi' sube jini wa'alo' b_Λ ti' t'ejl cha'an mi' jats'beñob i yej Pablo.

3 Pablo tsi' sube: Mi caj i jats'et Dios. Pajq'uet bombil b_Λ ti tan. Buchulet cha'an ma' c'Λn jini

mandar a melon, pero wola' ñusan mandar che' ma' wΛc'on ti jajts'el, che'en.

⁴ Jini wa'alo' bΛ tsi' yΛΛyob: ¿Mu' ba a p'aj jini ñuc bΛ motomaj i cha'an Dios? che'ob.

⁵ Pablo tsi' yΛΛ: C pi'Λlob, ma'anic tsaj cΛñΛ mi jiñΛch ñuc bΛ motomaj. Come ts'ijbubil: “Mach a p'aj jini yumΛ am bΛ i ye'tel ti la' tojlel”, che'en Pablo.

⁶ Pablo tsi' ña'ta ya' añob cha'chajp winicob, saduceojob yic'ot fariseojob. Jini cha'an c'am tsi' cha'le t'an ba'an jini año' bΛ i ye'tel. Tsi' yΛΛ: Winicob c pi'Λlob, fariseojon, i yalobilon fariseo. Mic ñop an i pijtaya jini chΛmeño' bΛ come mi' cha' ch'ojoyelob chΛmeño' bΛ. Jini cha'an pΛybilonix tilel cha'an mi la' melon, che'en Pablo.

⁷ Che' bΛ tsa' ujt i sub jini t'an, tsa' caji i cΛΛx pejcañob i bΛ fariseojob yic'ot saduceojob. Cha'chajp tsa' caji yob ti t'an.

⁸ Come jini saduceojob mi' yΛlob ma'anic mi lac cha' ch'ojoyel, ma'anic ángel, ma'anic espíritu. Pero mach che'ic mi' yΛlob jini fariseojob.

⁹ Wen ju'ucña tsa' caji yob ti t'an. Jini sts'ijbayajob i cha'an fariseojob tsa' wa'leyob. Tsi' wersa aΛyob: Mi cΛ lojon ma'anic i mul jini winic. Tic'Λl mi tsi' pejca Pablo juntiquil espíritu o juntiquil ángel. Mach yomic mi laj contrajin Dios, che'ob.

¹⁰ Che' wen mich'ob woli' cΛΛx pejcañob i bΛ, jini ñuc bΛ i ye'tel tsi' cha'le bΛq'uen ame mi' tsΛnsañob Pablo. Tsi' cha'le mandar cha'an mi' tilelob soldadojob cha'an mi' wersa chucob loq'uel Pablo ba' añob, cha'an mi' pΛyob ochel ti' yotot soldadojob.

¹¹ Ti jini ac'Λlel lac Yum tsa' wa'le ti' t'ejl Pablo.

Tsi' sube: Xuc'chocon a pusic'al Pablo. Che' bajche' tsa' wAC'AYon ti CAjñel ti Jerusalén, che' ja'el mi caj a wAC'on ti CAjñel ya' ti Roma, che'en.

Tsi' temeyob i t'an cha'an mi' tsansañoob Pablo

¹² Ti SAC'ajel cabAL judíojob tsi' tempayob i bΛ. Tsi' temeyob i t'an cha'an mi' tsansañoob Pablo. Tsi' bajñel ch'ACAYob i bΛ cha'an ma'anic chuqui mi caj i c'uxob, ma'anic chuqui mi caj i japob jinto mi' tsansañoob Pablo.

¹³ Ñumen ti cha'c'al tsa' bΛ i temeyob i t'an.

¹⁴ Tsa' majliyob ba'an i yumob motomajob yic'ot xñoxob año' bΛ i ye'tel. Tsi' yALAYob: Tsa'ix c wersa wa'choco lojon c t'an che' bΛ tsac bajñel ch'ACΛ lojon c bΛ. Ma'anic mi caj c wis c'ux lojon i bΛ lojon c ñAC' jinto mic tsansan lojon Pablo.

¹⁵ Jatetla, che' jini, yic'ot jini año' bΛ i ye'tel, c'ajtibenla jini am bΛ ñuc bΛ i ye'tel cha'an ijc'al mi' cha' pAY tilel Pablo ba' añetla. Subenla an chuqui la' wom la' cha' c'ajtiben. ChajpABilon lojon cha'an mic tsansan lojon che' maxto c'otemic ba' añetla, che'ob.

¹⁶ Che' bΛ tsi' yubi i yichac' Pablo bajche' mi caj i chijtañoob, tsa' majli, tsa' ochi ti' yotot soldadojob. Tsi' sube Pablo.

¹⁷ Pablo tsi' pAYΛ tilel juntiquil i yaj capitán soldadojob. Tsi' yALΛ: PAYΛ majlel jini ch'iton ba'an jini ñuc bΛ i ye'tel, come an chuqui yom i suben, che'en.

¹⁸ I yaj capitán soldadojob tsi' pAYΛ majlel. Tsa' majliyob ba'an jini ñuc bΛ i ye'tel. Tsi' sube: Tsi' pAYAYon jini xñujp'el Pablo. Tsi' c'ajtibeyon cha'an mic pAY tilel jini ch'iton ba' añet come an chuqui yom i subeñet, che'en.

19 Jini ñuc bΛ i ye'tel tsi' chucbe i c'Λb jini ch'iton. Tsi' mucu pΛyΛ majlel. Tsi' c'ajtibe: ¿Chuqui a wom a subeñon? che'en.

20 Tsi' sube: Tsa'ix i tempayob i bΛ judíojob cha'an mi' c'ajtibeñet cha'an ma' pΛy jubel Pablo ijc'Λl ba'an jini año' bΛ i ye'tel. Mi caj i lon alob an chuqui yomob i cha' c'ajtiben Pablo.

21 Mach a jac'beñob i t'an, come ñumen ti cha'c'al winicob woli' chijtañob. Tsi' bajñel ch'ΛcΛyob i bΛ cha'an ma'anic chuqui mi caj i c'uxob, ma'anic chuqui mi caj i japob jinto mi' tsΛnsañob Pablo. Tsa'ix i chajpayob i bΛ. Woli jach i pijtañob a t'an, che'en jini ch'iton.

22 Jini ñuc bΛ i ye'tel tsi' sube majlel jini ch'iton. Tsi' tiq'ui ame i suben yambΛ chuqui tsa'ix i tsictesΛbe.

Tsa' chojqui majlel Pablo ba'an Félix

23 Tsi' pΛyΛ tilel cha'tiquil i yaj capitán soldadojob. Tsi' subeyob cha'an mi' chajpañob lujunc'al soldadojob cha'an mi' majlelob ti Cesarea ti bolomp'ejl ora i yic'an yic'ot lujuntiquil i chΛnc'al (70) c'Λchalo' bΛ yic'ot lujunc'al año' bΛ i lanza.

24 Tsi' subeyob cha'an mi' chajpΛbeñob i c'Λchlib Pablo ja'el cha'an c'Λchal mi' pΛyob majlel ti uts'at ba'an Félix, jini gobernador.

25 Tsi' ts'ijba jun. Tsi' yΛΛ:

26 “Joñon Claudio Lisiason. Mic chocbeñet tilel cortesía, c'ax uts'at bΛ gobernador Félix.

27 Jini winic tsa' chujqui cha'an judíojob. Colelix i tsΛnsañob. Tsa' majliyon quic'ot soldadojob cha'an mij coltan, come tsac ña'ta chucbil i c'aba' ya' ti Roma.

28 Che' b_Λ tsaj c'ajtibeyob chuqui i mul woli' subob ti' contra Pablo, tsac p_Λy_Λ majlel Pablo ba' tsi' tempayob i b_Λ jini judíojob año' b_Λ i ye'tel.

29 Tsaj q'uele woli' tajt_Λ i mul cha'an jach i mandar judíojob. Tsac ña'ta ma'anic i mul cha'an mi' ts_Λns_Λntel, mi cha'an mi' yochel ti m_Λjquib_Λ.

30 Che' b_Λ tsa cubi woli' chijtañob jini winic jini judíojob, tsac b_Λc' choco majlel ba' añet. Tsac subeyob i contrajob cha'an mi' majlelob i subeñet i mul. Cojach mic subeñet jini". Che' tsi' ts'ijba jini Claudio Lisias.

31 Ti ac'_Λlel jini soldadojob tsi' p_Λy_Λyob majlel Pablo ti Antípatris che' bajche' tsa' subentiyob.

32 Ti yijc'_Λlal tsa' sujtiyob ti' yotot. Pero jini c'_Λch_Λlo' b_Λ tsa' majliyob yic'ot Pablo.

33 Che' b_Λ tsa' c'otiyob ya' ti Cesarea, tsi' y_Λq'ueyob jun jini gobernador. Tsi' p_Λy_Λyob majlel Pablo ba'an.

34 Che' b_Λ tsa' ujti i q'uel jini jun jini gobernador, tsi' c'ajtibe baqui ch'oyol. Tsa' subenti ya' ch'oyol ti Cilicia.

35 Jini gobernador tsi' sube: Che' mi' julelob a contrajob mi caj cubin a t'an, che'en. Tsi' y_Λc'_Λ mandar cha'an mi' c_Λnt_Λntel Pablo ya' ti' yotot Herodes.

24

Pablo tsi' subu i b_Λ ti' tojlel Félix

1 Che' b_Λ tsa' ñumi jo'p'ejl q'uin, tsa' jubi majlel jini ñuc b_Λ motomaj i c'aba' Ananías yic'ot cha'tiquil uxtiquil xñoxob año' b_Λ i ye'tel yic'ot juntiquil i c'aba' Tértulo wen yujil b_Λ t'an. Tsa' majli i pejcañob jini gobernador ti' contra Pablo.

² Che' b_Λ tsa' p_Λjyi tilel Pablo ba' añob, Tértulo tsa' caji i jop'ben i mul Pablo. Tsi' y_ΛΛ: Cha'an ti a we'tel ti yum_Λ ñ_Λch'_Λañon lojon tic lumal. Cha'an ti a ña't_Λbal uts'at woli' c_Λnt_Λntelob c pi'_Λlob tic lumal.

³ Uts'atet Félix, ti pejtelel ora uts'at mij q'uel lojon a melbal ti pejtelel c lumal. Mic subeñet lojon wocolix a w_ΛΛ.

⁴ Mach comic c jalitesañet ti cab_Λ t'an. Jini cha'an mic subeñet poj ubibeñon lojon ts'ita' c t'an ti' yutslel a pusic'al.

⁵ Come tsa'ix j q'uele lojon cab_Λ woli' tic'lañon lojon jini winic. Mi' tech leto ti pejtelel pañimil baqui jach an judíojob. Jini winic ñumen ch'ejl mi' mel i b_Λ bajche' yaño' b_Λ tsa' b_Λ i tsajc_Λbeyob i c_Λntes_Λbal jini winic ch'oyol b_Λ ti Nazaret.

⁶ Tsa'ix i ñopo i bib'esan jini Templo ja'el, pero tsac chucu lojon. Tsac ña'ta c mel lojon che' bajche' mi' y_ΛΛ tic mandar lojon,

⁷ pero tsa' tili jini Lisias am b_Λ ñuc b_Λ i ye'tel. Wersa tsi' chili loq'uel Pablo tij c'_Λb lojon.

⁸ Jini Lisias tsi' subeyob i contrajob Pablo cha'an mi' tilelob ba' añet. Che' ma' c'ajtiben jini winic mi mejlel a ña'tan isujm pejtelel i mul tsa' b_Λ c subeyet lojon. Che' tsi' y_ΛΛ jini Tértulo.

⁹ Lajal tsi' cha'leyob t'an judíojob ja'el. Che' tsi' y_ΛΛyob ti pejtelelob.

¹⁰ Che' b_Λ tsi' p_Λs_Λ i c'_Λb jini gobernador cha'an mi' cha'len t'an, Pablo tsi' y_ΛΛ: Cab_Λ jab gubernadoret tic lumal. Jini cha'an tijicña mic sub c b_Λ ti a tojlel.

¹¹ Majqui jach ma' pejcan mi mejlel i subeñet an jaxto lajch_Λmp'ejl q'uin tsa' letsiyon majlel ti

Jerusalén cha'an mic ch'ujutesan Dios.

¹² Tsi' q'ueleyoñob. Ma'anic majqui wolij c_Λl_Λx pejcan mi ti Templo, mi ti sinagoga mi ti jini tejclum. Ma'anic tsac xic'beyob winicob x'ixicob cha'an mi' tempañob i b_Λ.

¹³ Ma'anic mi mejlel i tsictesañob ti isujm i t'an woli b_Λ i jop'ob tij contra w_Λle.

¹⁴ Mic subeñet ti isujm, mic ñop i bijlel Dios. Mi' y_Λlob sojqum bajche' mic ch'ujutesan jini Dios tsa' b_Λ i ñopoyob c ñojte'el. Mic ñop pejtelel mu' b_Λ i y_Λl jini mandar yic'ot chuqui tac ts'ijbubil ti' t'an x'alt'añob.

¹⁵ Añ_Λch c pijtaya ti Dios, jini jach mu' b_Λ i ñopob ja'el, come tal i yorajlel che' mi caj i ch'oyselob jini ch_Λmeño' b_Λ, jini tojo' b_Λ yic'ot jini mach b_Λ tojobic.

¹⁶ Jini cha'an mic ch_Λn cha'len wersa c mel chuqui toj ti' wutob winicob yic'ot ti' wut Dios cha'an ma'anic mi' cajel ti t'an c pusic'al.

¹⁷ Che' b_Λ tsa' ñumi cha'p'ejl uxp'ejl jab, tsa' tiliyon cha'an mi c_Λq'ueñob taq'uin jini p'umpuño' b_Λ tic lumal, cha'an mi c_Λq'uen Dios i majtan ja'el.

¹⁸ Che' b_Λ woli c_Λq'uen Dios i majtan, cha'tiquil uxtiquil judíojob ch'oyolo' b_Λ ti Asia tsi' tajayoñob ti Templo. S_Λq'ues_Λbilon. Ma'anic cab_Λl winicob quic'ot lojon. Ma'anic woliyon lojon ti cab_Λl t'an.

¹⁹ ¿Chucoch mach w_Λ'ic añob ti a tojlel cha'an mi' subob c mul, mi an chuqui mi' y_Λlob tij contra?

²⁰ Mi an c mul la' i subob jini w_Λ' b_Λ añob che' wa'alon ba' tsi' tempayob i b_Λ jini año' b_Λ i ye'tel.

²¹ Cojach jini t'an tsac subeyob che' ya' wa'alon ti' tojlelob: “P_Λybilon cha'an mic mel c b_Λ w_Λle ti la' tojlel, come mic ñop mi' cha' ch'oyselob ch_Λmeño' b_Λ”, cho'on jach tsac subeyob, che'en Pablo.

²² Che' b_Λ tsi' yubi jini t'an Félix mach yomic i b_Λc' mel jini Pablo, come subebilix i sujmllel i bijlel Dios. Tsi' y_ΛΛ: Jinto che' mi' jubel tilel Lisias, jini ñuc b_Λ i ye'tel, mi caj c melet, che'en.

²³ Tsi' sube i yaj capitán soldadojob cha'an mi' c_Λantan Pablo, pero mach mi' junyajlel ñup'. Tsi' sube uts'at mi' tilelob i pi'lob Pablo cha'an mi' y_Λq'ueñob chuqui yom.

²⁴ Che' b_Λ tsa' ñumi cha'p'ejl uxp'ejl q'uin tsa' tili Félix yic'ot i yijñam i c'aba' Drusila. Judía jini Drusila. Félix tsi' p_Λy_Λ tilel Pablo. Tsi' yubibe i t'an che' b_Λ tsi' sube bajche' yom mi lac ñop Jesucristo.

²⁵ Tsi' sube bajche' yom mi lac taj toj b_Λ lac pusic'al yic'ot bajche' yom mi lac bajñel tic' lac pusic'al yic'ot bajche' mi caj i melonla Dios. Félix tsi' cha'le b_Λq'uen. Tsi' sube: Cucux. Che' mic tajben i q'uiñilel, mi caj c cha' p_Λy_Λet tilel, che'en.

²⁶ Félix tsi' lon ña'ta ja'el mi caj i y_Λq'uentel taq'uin cha'an mi' y_Λc' ti colel. Jini cha'an cab_Λ tsi' p_Λy_Λ tilel. Tsi' cha'le t'an yic'ot.

²⁷ Che' ñumenix cha'p'ejl jab tsa' ochi Porcio Festo ti' ye'tel Félix. Félix tsi' c_Λy_Λ Pablo ti m_Λjquib_Λ come yom q'uejlel ti uts'at cha'an judíojob.

25

Pablo ti' tojlel Festo

¹ Tsa' caji i cha'len yum_Λl Festo ti jini lum am b_Λ ti' wenta. Che' b_Λ tsa' ñumi uxp'ejl q'uin, tsa' loq'ui ti Cesarea. Tsa' letsij majlel ti Jerusalén.

² Jini ñuc b_Λ motomajob yic'ot jini ñuco' b_Λ judíojob tsa' tiliyob ba'an Festo. Tsi' cha'leyob t'an ti' contra Pablo. Tsi' c'ajtibeyob wocol t'an

³ cha'an mi' mel bajche' yomob ti' contra Pablo. Tsi' cajtibeyob cha'an mi' yΛc' ti' pΛjyel tilel ti Jerusalén. Tsi' ña'tayob i chijtan cha'an mi' tsansañoob ti bij.

⁴ Festo tsi' subeyob ya' woli' cΛntΛntel Pablo ti Cesarea. Mach jalic mi' majlel ya'i ja'el.

⁵ Tsi' yΛΛ: Majqui jach wa'chocobil, la' jubic majlel quic'ot cha'an mi' sub i mul mi an chuqui jontol tsi' mele jini winic, che'en.

⁶ Ya'to tsa' jale yicot judíojob tic'Λl mi waxΛcp'ejl o lujump'ejl q'uin. Ti wi'il tsa' jubi majlel ti Cesarea. Ti yijc'Λlal che' buchul Festo ya' ti melobΛjal tsi' yΛc'Λ mandar cha'an mi' pΛjyel tilel Pablo.

⁷ Che' bΛ tsa' c'oti Pablo, jini judíojob tsa' bΛ jubiyob tilel loq'uemo' bΛ ti Jerusalén tsa' wa'leyob ti' joytilel. CabΛ tsi' jop'beyob ñuc bΛ i mul Pablo. Ma'anic tsa' mejli i tsictesañoob ti isujm.

⁸ Pablo tsa' caji i coltan i bΛ. Tsi' yΛΛ: Ma'anic chuqui tsac wis cha'le ti' contra i mandar judíojob, mi ti' contra jini Templo, mi ti' contra César, che'en.

⁹ Festo yom q'uejlel ti uts'at cha'an judíojob. Jini cha'an tsi' sube Pablo: ¿A wom ba letsel majlel ti Jerusalén cha'an mic melet ya'i? che'en.

¹⁰ Pablo tsi' yΛΛ: Wa'alon ti melobΛjal i cha'an César ba' yom mic mel c bΛ. Ma'anic chuqui tsac cha'le ti' contra judíojob. Wen a wujil.

¹¹ Mi xñusa mandaron, mi an chuqui tsac cha'le cha'an mi cΛjq'uel ti chΛmel, la' chΛmicon, pero mi mach isujmic chuqui woli' yΛlob tij contra, ma'anic majch mi mejlel i yΛc'on ti' c'Λb.

¹² La' c mel c bΛ ya' ba'an César, che'en Pablo. Festo tsi' pejca jini año' bΛ i ye'tel. Ti wi'il tsi' sube

Pablo: Tsa'ix a c'ajtibeyon cha'an ma' mel a b_Λ ba'an César. Ya' mi caj a majlel ba'an César, che'en Festo.

Pablo ti' tojlel Agripa yic'ot Berenice

¹³ Che' ñumenix cha'p'ejl uxp'ejl q'uin, tsa' tili ti Cesarea jini rey Agripa yic'ot Berenice i yijñam cha'an mi' y_Λq'ueñob i yutslel i t'an Festo.

¹⁴ Che' cab_Λl q'uin tsa' jaleyob ya'i, Festo tsi' sube jini yum_Λl bajche' woli' mel i b_Λ Pablo. Tsi' sube: W_Λ'an juntiquil winic tsa' b_Λ c_Λle ti m_Λjquib_Λl ti' wenta Felix.

¹⁵ Che' ya' añon ti Jerusalén, jini ñuc b_Λ motomajob yic'ot jini xñoxob año b_Λ i ye'tel cha'an judíojob tsa' c'otiyob ba' añon. Tsi' c'ajtibeyoñob cha'an mi c_Λq'uen i toj i mul.

¹⁶ Tsac subeyob ma'anic mi' to'ol ac'ob ti ch_Λmel winic jini romanojob. Ñaxan mi' tilelob i contrajob cha'an mi' subob i mul ya' ti' wut cha'an mi mejlel i coltan i b_Λ che' an chuqui mi' subob ti' contra.

¹⁷ Che' temel tsa' tiliyob w_Λ'i, mach jalic tsac teche meloñel. Ti yijc'_Λl_Λl tsa' buchleyon ya' ti melob_Λj_Λl. Tsa c_Λc'_Λ mandar cha'an mi' p_Λjyel tilel jini winic.

¹⁸ Che' ya' añob i contrajob, mach che'ic tsi' subuyob i mul bajche' tsac lon ña'ta.

¹⁹ Jini jach tsi' contrajiyob Pablo cha'an chuqui woli' ñopob. Tsi' tajayob ti t'an juntiquil i c'aba' Jesús tsa' b_Λ ch_Λmi. Pero Pablo mi' y_Λl cha' cuxul.

²⁰ Ma'anic tsac ña'ta bajche' yom mic mel jini winic. Jini cha'an tsaj c'ajtibe Pablo mi yom majlel ti Jerusalén cha'an ya' mi' mel i b_Λ.

²¹ Che' b_Λ tsi' c'ajtibeyon Pablo cha'an mi majlel i mel i b_Λ ba'an Augusto, tsa c_Λc'Λ mandar cha'an mi' c_Λnt_Λntel jinto mi mejlel c choc majlel ba'an César. Che' tsi' y_ΛΛ Festo.

²² Agripa tsi' sube: Joñon ja'el com cubiben i t'an jini winic, che'en. Festo tsi' sube: Ijc'Λl mi caj a wubin, che'en.

²³ Ti yijc'Λl_Λl wen ch'Λbil tsa' tiliyob Agripa yic'ot Berenice. Tsa' ochiyob ba' mi' yubiñob t'an yic'ot jini año' b_Λ ñuc b_Λ i ye'tel yic'ot jini ñuco' b_Λ winicob ti tejclum. Tsa' p_Λjyi tilel Pablo cha'an ti' mandar Festo.

²⁴ Festo tsi' y_ΛΛ: Rey Agripa yic'ot pejtelel winicob temp_Λbilob quic'ot lojon, wolix la' q'uel jini winic. Pejtelel judíojob tsi' wersa subeyoñob ti c'am b_Λ t'an ya' ti Jerusalén yic'ot w_Λ'i cha'an mach yomic che' ch_Λn cuxul.

²⁵ Tsac ña'ta ma'anic chuqui tsi' cha'le cha'an mi' ch_Λmel. Che' b_Λ tsi' bajñel ña'ta i mel i b_Λ ba'an Augusto, tsac sube mi caj c choc majlel.

²⁶ Pero ma'anic chuqui mi mejlel c ts'ijbuben jini c yum ti' contra Pablo. Jini cha'an tsac p_Λy_Λ tilel ti la' tojlel yic'ot ti a tojlel ja'el, rey Agripa, cha'an ma' subeñon chuqui mi mejlel c ts'ijbuben jini c yum, che' b_Λ tsa'ix a c'ajti tac chuqui tsa' ujtí.

²⁷ Come mi c_Λl mach yomic mic choc majlel xñujp'el mi ma'anic chuqui mi mejlel c sub ti' contra, che'en Festo.

26

*Pablo tsi' cha'le t'an ti' tojlel Agripa
(Hch. 8.1-3; 9.1-9; 22.6-11)*

¹ Agripa tsi' sube Pablo: Mi c_Λc' c t'an cha'an ma' coltan a b_Λ ti a t'an, che'en. Pablo tsi' p_Λs_Λ i c'Λb. Tsa' caji ti t'an cha'an mi' coltan i b_Λ.

² Tsi' y_ΛΛ: Rey Agripa, tijicña mi cubin, come wolic sub c b_Λ w_Λle ti a tojlel cha'an pejtelel chuqui tac tsi' subuyob judíojob tij contra.

³ Come wen a wujil bajche' mi' melob judíojob yic'ot pejtelel chuqui mi' y_Λlob. Jini cha'an mij c'ajtibeñet a wocolic ubibeñon c t'an ti' yutslel a pusic'al.

⁴ Pejtelel jini judíojob yujilob chuqui tsac cha'le ya' tic lumal yic'ot ti Jerusalén, c'Λ_ΛΛ che' ch'itoñon to.

⁵ Mi yomob, mi mejlel i subob come ña't_Λbil i cha'añob, fariseojon c'Λ_ΛΛ ti wajali. Che' bajche' mi' wersa melob fariseojob, che'Λch tsac mele ja'el.

⁶ Wolix c mel c b_Λ cha'an tsa'ix c ñopbe i t'an Dios tsa' b_Λ i sube c ñojte'el lojon.

⁷ Che'Λch mi' ñopob ja'el jini lajch_Λnmojt i p'olbal Israel mu' b_Λ i ch'ujutesañob Dios ti jump'ejl i pusic'al ti q'uiñil yic'ot ti ac'Λlel. Rey Agripa, che'Λch wolic ñop ja'el. Jini cha'an jini judíojob woli' jop'beñoñob c mul.

⁸ ¿Mu' ba la' lon ña'tan wocol mi' tech ch'ojoyel jini ch_Λmeño' b_Λ Dios?

⁹ Isujm, joñon tsac lon ña'ta j contrajin i c'aba' Jesús ch'oyol b_Λ ti Nazaret.

¹⁰ Che'Λch tsac mele ti Jerusalén. Tsac m_Λc_Λ ti ñujp'ib_Λ cab_Λ i cha'año' b_Λ Dios che' b_Λ tsac ch'Λm_Λ que'tel ti' tojlel jini ñuc b_Λ motomajob. Che' b_Λ tsa' ts_Λn_Λs_Λntiyob tsa c_Λc'Λ c t'an ti' contrajob.

11 Cabal tsac bajbeyob ti pejtelel sinagoga. Tsac wersa xic'beyob cha'an mi' p'ajob Dios. Tsac wen mich'leyob. Tsac tic'layob c'Alal ti yan tac bΛ tej-clum.

12 Che'ach wolic mel che' bΛ tsa' majliyon ti Damasco, che' chocablon majlel cha'an jini ñuc bΛ motomajob.

13 Ti xinq'uiñil, c rey, tsaj q'uele i saclel c'ajc ti bij, ch'oyol bΛ ti panchan. Ñumen i saclel bajche' q'uin. Tsi' yac'Λ i saclel tic joytilel yic'ot ti' joytilel jini tsa' bΛ i cha'leyob xambal quic'ot.

14 Che' bΛ tsa' yajliyon lojon ti lum tic pejtelel lojon, tsa cubi t'an woli bΛ i pejcañon. Tsi' subeyon ti' t'an hebreojob: “Saulo, Saulo, ¿chucoch wola' tic'lañon? Wola' lalap tec' jini jay bΛ i ñi' te' cha'an ma' low a bΛ”, che'en.

15 Tsac sube: “¿Majquiyet, c Yum?” cho'on. Jini lac Yum tsi' yAla: “Joñon Jesúson, woli bΛ a tic'lan.

16 Ch'ojyen, wa'i', come tsa' tsictiyiyon ti a wut cha'an mic wa'chocoñet cha'an ma' melbeñon que'tel. Mi caj a wac' ti cAjñel jini tsa' bΛ a q'uele yic'ot jini mu' bΛ caj a q'uel che' mic tsictiyel ti a wut.

17 Come mi caj j coltañet loq'uel ti' c'Ab a pi'Allob yic'ot ti' c'Ab gentilob. Ya' wolic choquet majlel wAle

18 cha'an ma' cambeñob i wut, cha'an mi' sutq'uiñob i bΛ ti ic'yoch'an bΛ pañimil, cha'an mi' yajñelob ti' saclel pañimil. Mic choquet majlel cha'an mi' loq'uelob ti' p'Atalel Satanás, cha'an mi' yochelob ti' p'Atalel Dios, cha'an mi' ñusAbentelob i mul che' mi' ñopoñob, cha'an i ten cha'añob jach jini mu' bΛ caj i yAq'uentelob yic'ot jini

sAQ'uesΛbilo' bΛ". Che' tsi' subeyon Jesús.

¹⁹ Jini cha'an, mic subeñet, rey Agripa, ma'anic tsac ñusa jini tsa' bΛ pΛsbentiyon ch'oyol bΛ ti panchan.

²⁰ Ñaxan tsac subeyob jini año' bΛ ti Damasco yic'ot ti Jerusalén yic'ot ti pejtelel Judea, yic'ot gentilob cha'an mi' cΛyob i mul cha'an mi' sutq'uiñob i bΛ cha'an mi' ñopob Dios. Tsac subeyob cha'an mi' cha'leñob chuqui wen, cha'an mi' tsictiyel tsa'ix i cΛyΛyob i mul.

²¹ Jini cha'an jini judíojob tsi' chucuyoñob ti Templo. Tsi' ñopo i tsansañoñob.

²² Tsa' coltAntiyon ti Dios. Jini cha'an c'ΛΛ wΛle mic chΛn subeñob ch'och'oco' bΛ yic'ot ñuco' bΛ jini jach bΛ t'an tsa' bΛ i wΛn alΛyob x'alt'añob yic'ot Moisés, come tsa' ujtí che' bajche' tsi' yΛΛyob.

²³ X'alt'añob yic'ot Moisés tsi' yΛΛyob wersa mi caj i yubin wocol Cristo. Tsi' yΛΛyob Cristo mi caj i ñaxan ch'ojyel loq'uel ba'an chΛmeño' bΛ, mi caj i subeñob israelob yic'ot gentilob i sujmllel i saclel pañimil. Che' tsi' yΛΛ Pablo.

²⁴ Che' woli to ti t'an Pablo, c'am tsi' cha'le t'an Festo. Tsi' yΛΛ: Pablo, sojqquem a jol. Wolix i sojqquel a jol cha'an ti' q'uelol cabΛ jun, che'en.

²⁵ Pablo tsi' yΛΛ: Mach sojqquemic c jol, weñet bΛ Festo. Mic cha'len t'an ti isujm yic'ot ti toj.

²⁶ Come jini rey yujil pejtelel jini. Ma'anic mic bΛc'ñan c sub c bΛ ti' tojlel ja'el. Come mi cΛ yujil pejtelel chuqui tsa' ujtí, come mach muculic tsa' ujtí.

²⁷ Rey Agripa, ¿mu' ba a ñopben i t'an x'alt'añob? Cujil ma' ñop, che'en Pablo.

28 Agripa tsi' sube Pablo: Colel ma' wΛq'ueñon c ñop Cristo, che'en.

29 Pablo tsi' yΛΛ: Uts'at mi ti junyajlel ma' ñop che' bajche'on. Mach cojic jach jatet, pero pejtelel mu' bΛ i yubiñob c t'an wΛle. Uts'at mi lajaletla quic'ot pero mach ti cadenajic, che'en Pablo.

30 Che' bΛ tsa' ujti ti t'an Pablo, tsa' ch'ojoyi jini rey yic'ot jini gobernador yic'ot Berenice yic'ot yaño' bΛ ya' bΛ buchulob.

31 Che' bΛ tsi' tΛts'Λyob i bΛ, tsi' pejcayob i bΛ. Tsi' yΛΛyob: Ma'anic chuqui tsi' cha'le jini winic cha'an mi' chΛmel mi cha'an mi' ñujp'el, che'ob.

32 Agripa tsi' sube Festo: Machic tsi' c'ajti i mel i bΛ ba'an César, tsa' mejli ti colel jini winic, che'en.

27

Tsi' pΛyΛyob majlel Pablo ti Roma

1 Che' bΛ tsi' ña'tayob wersa mic majlel lojon ti barco ti Italia, jini año' bΛ i ye'tel tsi' yΛc'Λyob Pablo yic'ot yaño' bΛ xñujp'elob ti' c'Λb i yaj capitán soldadojob i c'aba' Julio, i winic Augusto.

2 Tsa' ochiyon lojon ti barco ch'oyol bΛ ti Adramitio woli bΛ i majlel ti tejclum tac am bΛ ti' ti' ñajb ya' ti Asia. Tsa' ochiyon lojon quic'ot Aristarco jini ch'oyol bΛ ti Tesalónica ya' ti Macedonia. Tsa' majliyon lojon.

3 Ti yijc'Λlal tsa' c'otiyon lojon ti Sidón. Uts'at chuqui tsi' melbe Pablo jini Julio. Tsi' yΛc'Λ i t'an cha'an mi' majlel ti jula' ba'an i cΛñΛyo' bΛ, cha'an mi' poj jijlel yic'otob.

⁴ Che' b_Λ tsa' loq'uiyon lojon ya'i, tsa' majliyon lojon l_Λc'Λ_l ti Chipre ba' ma'anic cab_Λl ic', come jini ic' yom i cha' chocon lojon sujtel.

⁵ Che' b_Λ tsa' ñumiyon lojon ti colem ñajb ba'an Cilicia yic'ot Panfilia, tsa' c'otiyon ti Mira, jini tejclum ti Licia.

⁶ Ya'i i yaj capitán soldadojob tsi' taja jump'ejl barco ch'oyol b_Λ ti Alejandría woli b_Λ i majlel ti Italia. Tsi' yotsayon lojon.

⁷ Cab_Λl q'uin c'unte' jach tsac x_Λñ_Λ lojon majlel. Wocol tsa' c'otiyon lojon ya' ti Gnido. Jini ic' yom i cha' chocon lojon sujtel. Jini cha'an tsa' majliyon lojon ya' ti Creta l_Λc'Λ_l ti Salmón ba' ma'anic cab_Λl ic'.

⁸ Wocol jach tsaj c'unte' x_Λñ_Λ lojon majlel ya' ti t'ejl Creta. Tsa' c'otiyon lojon ti tejclum i c'aba' Wen B_Λ i Jilib Barco l_Λc'Λ_l ti jini tejclum i c'aba' Lasea.

⁹ Tsa' sajti cab_Λl q'uin. B_Λb_Λq'uen mi lac ch_Λn cha'len x_Λmbal ti barco, come ñumenix i q'uiñilel ch'ajb. Jini cha'an Pablo tsi' tiq'uiyob.

¹⁰ Tsi' subeyob: Winicob, mic ña'tan che' mi lac majlel ti barco mi caj lac taj cab_Λl wocol. Cab_Λl mi caj i jilel lac chub_Λ'an, mach cojic jach jini barco yic'ot i cuch pero joñonla ja'el, che'en.

¹¹ Jini i yaj capitán soldadojob ma'anic tsi' jac'be i t'an Pablo. Tsi' jac'be i t'an jini xtoj'esa barco yic'ot i yum jini barco.

¹² Mach abi wenic i jilib barco ya' ba' añob. Wocol abi mi' ñusañob i yorajlel ts_Λñ_Λl ya'i. Jini cha'an ñumen cab_Λlob jini yomo' b_Λ loq'uel ya' ba' jijlemob. Yomob c'otel c'Λ_Λl ti Fenice ba' uts'at i jilib barco cha'an ya' i mi' ñusañob i yorajlel ts_Λñ_Λl mi tsa' mejliyob. Jini Fenice jump'ejl tejclum ya' ti

Creta am b Δ ti' tojel nordeste yic'ot ti' tojel sudeste.

Tsa' tejchi p' Δ tal b Δ ic' ya' ti ñajb

¹³ Che' b Δ tsa' tejchi c'unte' b Δ ic' ch'oyol b Δ ti sur, tsi' lon ña'tayob uts'at mi' majlelob. Tsi' lets Δ beyob i pislel barco. Tsa' cajiyoob ti x Δ mbal majlel l Δ c' Δ l ti' ti' ñajb ya' ti Creta.

¹⁴ Mach jalic tsa' tejchi wen p' Δ tal b Δ ñuqui ic' i c'aba' Euroclidón.

¹⁵ Tsi' jats' Δ jini barco. Ma'anic tsa' mejli ti x Δ mbal jini barco cha'an ic'. Tsaj c Δ y Δ lojon c toj'esan majlel barco. Tsi' wersa chocoyon lojon majlel jini ic'.

¹⁶ Che' b Δ tsa' c'otiyon lojon ba' ma'anic cab Δ ic' l Δ c' Δ l ti' t'ejl ch'o'ch'oc b Δ lum joyol b Δ ti ja' i c'aba' Clauda, wocol tsa' mejli j c Δ ch lojon jini ch'o'ch'oc b Δ barco.

¹⁷ Tsa' ujt i ch'uyob jini ch'o'ch'oc b Δ barco, tsi' b Δ n c Δ ch Δ yob jini colem barco. Tsi' b Δ c'ñayob i cujob i b Δ ti bulul b Δ lum i c'aba' Sirte am b Δ ti' mal ñajb. Tsi' ju's Δ beyob i pislel barco. Tsa' wersa chojquiyob sujtel cha'an ic'.

¹⁸ C'ax cab Δ tsi' jats' Δ barco jini ñuqui ic'. Ti yijc' Δ lal tsa' caji i sejb'esañob barco.

¹⁹ Ti' yuxp'ejlel q'uin tsac bajñel choco lojon loq'uel i b Δ l jini barco.

²⁰ Cab Δ q'uin ma'anic tsiquil mi q'uin mi ec'. C'ax p' Δ tal to jini ic'. Tsac ña'ta lojon ma'anic mi caj c ch Δ n coled lojon.

²¹ Cab Δ q'uin ma'anic tsaj c'uxu lojon waj. Jini cha'an Pablo tsa' wa'le ti yojlil ba' añob. Tsi' y Δ l Δ : Winicob, uts'at tsa'ic la' jac'beyon c t'an. Uts'at

machic tsa' loq'uiyetla ti Creta. Che' jini ma'anic tsa' sajti la' chub^Λ'an. Ma'anic tsa' la' wubi wocol.

²² Wale mic wen subeñetla, tijicñesan la' pusic'al come ma'anic majch mi caj i chamel mi juntiquileticla. Cojach mi caj i jilel jini barco.

²³ Come sajmal ti ac'alel tsa' wa'le i yángel Dios ba' añoñ. I cha'añoñ jini Dios. Mic cha'liben i ye'tel.

²⁴ Tsi' y^ΛΛ: “Mach ma' cha'len b^Λq'uen Pablo. Wersa mi caj a wa'tal ti' tojlel César. Awilan, Dios tsa'ix i y^Λq'ueyet pejtelel woliyo' b^Λ ti x^Λmbal a wic'ot che' bajche' tsa' c'ajtibe”, che'en.

²⁵ Jini cha'an, winicob, tijicñesan la' pusic'al come mic ñop mi caj i yujtel che' bajche' tsi' subeyon Dios.

²⁶ Wersa mi caj lac chojquel majlel ti jump'ejl lum joyol b^Λ ti ja'. Che' tsi' y^ΛΛ Pablo.

²⁷ Che' ti' ch^Λnlujump'ejlel (14) ac'alel che' b^Λ tsa' ñijcantiyon lojon majlel ti colem ñajb i c'aba' Adriático, ti ojilil ac'alel tsi' ña'tayob jini x'e'telob ti barco l^Λc'Δlix añoñ lojon ti' ti' ñajb.

²⁸ Tsi' p'isiyob i tamlel ja'. An junc'al ti jajl. Ti yamb^Λ jumuc' tsi' cha' p'isiyob. An jax jo'lujunjajl.

²⁹ Tsi' cha'leyob b^Λq'uen ame mi' cuj i b^Λ barco ti xajlel tac am b^Λ ti' mal ja'. Tsi' chocoyob ti ja' ch^Λmp'ejl i c^Λlib barco ti' yebal barco. Wocol tsi' ñusayob ac'alel.

³⁰ Jini x'e'telob ti barco tsi' ñopoyob puts'el majlel yic'ot ch'o'ch'oc b^Λ barco. Tsi' ju'sayob ti colem ñajb. Tsi' meleyob che' bajche' mi yomob i choc jubel i c^Λlib barco ya' ti' ñi'.

³¹ Pablo tsi' sube i yaj capitán soldadojob yic'ot pejtelel soldadojob: Mi ma'anic mi' yajñelob ti'

mal barco jini x'e'telob, ma'anic mi mejlel la' colel jatetla, che'en.

³² Jini cha'an jini soldadojob tsi' tsepbeyob i lazojlel jini ch'o'ch'oc b_Λ barco cha'an mi' y_Λc' ti sajtel.

³³ Che' b_Λ wolix i s_Λc'an, Pablo tsi' subeyob cha'an mi' c'uxob i b_Λl i ñ_Λc' ti pejtelelob. Tsi' y_ΛΛ: I lajch_Λmp'ejlelix q'uin woli la' ñusan wocol. Woliyetla ti ch'ajb. Ma'anic chuqui tsa' la' c'uxu.

³⁴ Jini cha'an mic subeñetla ti wocol t'an yom mi la' cha'len we'el cha'an mi la' p'Λt'an. Ma'anic mi caj i sajtel mi junt'ujmic i tsutsel la' jol mi ti juntiquileticla, che'en Pablo.

³⁵ Che' b_Λ tsa' ujt_i i sub jini t'an, tsi' ch'Λm_Λ waj. Tsi' sube Dios wocolix i y_ΛΛ ti' tojlel pejtelel winicob. Tsi' xet'e. Tsa' caji i c'ux.

³⁶ Tsa' ñuc'ayob i pusic'al ti pejtelelob. Tsa' caji yob ti we'el ja'el.

³⁷ Añon lojon lujunc'al yic'ot w_Λclujuntiquil i ch_Λnc'al (276) ti' mal barco.

³⁸ Che' ñajobix tsi' sejb'esayob jini barco. Tsi' chocoyob ochel c'uxbil b_Λ i wut jam ti colem ñajb.

Tsa' jejmi barco

³⁹ Che' b_Λ tsa' s_Λc'a ma'anic tsi' c_Λñ_Λyob jini lum. Tsi' q'ueleyob junx_Λjc' ñajb ba' tsa' ochi ti lum. Ya' yomob i ñijcan majlel barco ti' ti' i x_Λc' ñajb, mi tsa' mejliyob.

⁴⁰ Jini cha'an tsi' tsepbeyob i lazojlel i c_Λlib tac barco. Ya' tsi' c_Λy_Λyob ti colem ñajb. Tsi' jitiyob lazo tsa' b_Λ i chucu i toj'es_Λjib barco. Tsi' letsayob i pislel i ñi' barco cha'an mi' chuc ic'. Tsi' ñopoyob majlel ti' ti' ñajb.

41 Tsa' tiliyob ba' t'oxbil jini ñajb cha'an bulul b_Λ lum. Ya' tsa' c_Λle ba' jay jini ja'. Tsa' ts'_Λjpi i ñi' barco ti lum. Ma'anic tsa' mejli i ñijcañob. I yit jini barco tsa' caji ti xujlel cha'an cab_Λl tsi' jats'_Λ ja'.

42 Jini soldadojob yomob i ts_Λnsan xñujp'elob cha'an ma'anic mi' puts'elob ti ñuxijel.

43 I yaj capitán soldadojob tsi' tiq'uiyob come yom i coltan Pablo. Tsi' subeyob cha'an mi' chocob ochel i b_Λ che' bajche' jaytiquil yujilo' b_Λ ñuxijel cha'an mi' c'otelob ñaxan ti lum.

44 Jini tsa' b_Λ c_Λleyob tsi' c'_Λñayob tabla, ojlil tsi' c'_Λñayob i xujt'il tac jini barco. Che' jini, uts'at tsa' c'otiyob ti lum ti pejtelelob.

28

Pablo ya' ti lum i c'aba' Malta joyol b_Λ ti ja'

1 Che' uts'at tsa' c'otiyon lojon ti' ti' ñajb, tsac ña'ta lojon Malta i c'aba' jini lum joyol b_Λ ti ja'.

2 Jini chumulo' b_Λ ya'i tsi' wen p'untayon lojon. Tsi' xiq'uiyob c'ajc. Tsi' p_Λy_Λyon lojon ochel tic pejtelel lojon cha'an woli to ja'al. Ts_Λwan jax pañimil.

3 Pablo tsi' tempa junsejt si'. Che' b_Λ tsi' yotsa ti c'ajc, tsa' loq'ui tsunte'chan cha'an i ticw_Λlel c'ajc. Tsa' ts'uyle ti' c'_Λb Pablo.

4 Jini chumulo' b_Λ ya'i che' b_Λ tsi' q'ueleyob ts'uyul lucum ti' c'_Λb, tsi' subeyob i b_Λ: Isujm, sts_Λnsa jini winic. Anquese uts'at tsa' loq'ui ti ja', w_Λle mux caj i ch_Λmel cha'an i mul, che'ob.

5 Pablo tsi' pajq'ui ochel ti c'ajc jini tsunte'chan. Ma'anic chuqui tsi' tumbe.

⁶ Tsi' ña'tayob jini winicob mux i sijt'el o mux i baç' wa'al çamel. Che' jal tsi' pijtayob tsa' caji i q'uelob ma'anic chuqui tsi' tumbe. Tsi' q'uextayob i pusic'al. Tsa' caj i yaçlob jiñach juntiquil dios.

⁷ An juntiquil i c'aba' Publio am ba i ye'tel ti jini lum joyol ba ti ja'. Laç'al jach an i lum. Tsi' paçayon lojon ochel ti' yotot. Uxp'ejl q'uin tsi' we'sayon lojon ti' yuts'atlel i pusic'al.

⁸ Ñolol i tat ti' waiyb, woli ti c'ajc yic'ot ta'. Tsa' majli Pablo i q'uel. Che' ba tsi' pejca Dios, tsi' yaç'a i ç'ab ti' jol. Tsi' lajmesa.

⁹ Che' çambil chuqui tsa' ujti, tsa' tiliyob ja'el yaño' ba xc'amajelob loq'uemo' ba ti pejtelel jini lum joyol ba ti ja'. Tsa' lajmesantiyob.

¹⁰ Tsi' yaçq'ueyoñob cabal c majtan lojon. Che' ba tsa' cha' majliyon lojon, tsi' yotsabeyon lojon ti barco chuqui tac yom c cha'an lojon.

Tsa' c'oti Pablo ti Roma

¹¹ Che' ñumenix uxp'ejl uw, tsa' majliyon lojon ti barco ch'oyol ba ti Alejandría. Ya jach tsi' ñusa i yorajlel tsañal ti jini lum joyol ba ti ja'. An i yejtal jini Cástor yic'ot Pólux bombil ti' pat jini barco.

¹² Che' ba tsa' c'otiyon lojon ti Siracusa, ya' tsa' jaleyon lojon uxp'ejl q'uin.

¹³ Che' ba tsa' loq'uiyon lojon ya'i, tsac cha'le lojon joyocña ba çambal ç'alal ti Regio. Ñumenix jump'ejl q'uin, tsa' tejchi ic' loq'uem ba ti sur. Ti' cha'pejlel q'uin tsa' c'otiyon lojon ti Puteoli.

¹⁴ Ya'i tsac taja lojon hermanojob. Tsi' c'ajtibeyon lojon cha'an mij çaytal lojon yic'otob wucp'ejl q'uin. Ti wi'il tsa' c'otiyon lojon ti Roma.

15 Che' b^Λ tsi' yubiyob ya' ti Roma c'otemonix lojon, jini hermanojob tsa' tiliyob i tajon lojon ya' ba'an choñoñoib^Λ tac ti Apio. Yaño' b^Λ tsi' tajayon lojon ya' ti Tres Tabernas. Tsa' ñuc'a i pusic'al Pablo che' b^Λ tsi' q'ueleyob. Tsi' sube Dios wocolix i y^ΛΛ.

16 Che' b^Λ tsa' c'otiyon lojon ti Roma tsa' aq'uenti permiso Pablo cha'an mi' chumt^Λ ti' bajñel otot yic'ot jini soldado tsa' b^Λ i c^Λanta.

Pablo tsi' subu i t'an Dios ya' ti Roma

17 Che' ñumenix uxp'ejl q'uin, Pablo tsi' p^Λy^Λ tilel jini ñuco' b^Λ judíojob. Che' b^Λ tsi' tempayob i b^Λ, Pablo tsi' subeyob: Winicob c pi'^Λlob, ma'anic chuqui tsac cha'le ti' contra lac pi'^Λlob. Ma'anic tsaj contraji i t'an lac ñojte'el, pero tsa' ajq'uiyon ti' c'^Λb romanojob tsa' b^Λ i ñup'uyoñoob ya' ti Jerusalén.

18 Che' b^Λ tsi' meleyoñoob yomob i y^Λc'on ti colel, come ma'anic c mul cha'an mic ch^Λmel.

19 Jini judíojob tsi' wersa subeyob cha'an ma'anic mi' y^Λc'on ti colel. Jini cha'an tsac wersa c'ajti c mel c b^Λ ba'an César anquese ma'anic chuqui mic sub ti' contra c pi'^Λlob tic lumal.

20 Jini cha'an tsac p^Λy^Λyetla tilel cha'an mij q'ueletla, cha'an mic pejcanetla, come c^Λch^Λlon ti cadena cha'an wolic ñop jini mu' b^Λ i ñopob winicob x'ixicob ti Israel, che'en Pablo.

21 Jini judíojob tsi' subeyob: Jini año' b^Λ ti Judea ma'anic tsi' chocbeyoñoob tilel jun cha'an mi' subob a mul. Ma'anic tsi' subuyob a mul mi juntiquilic lac pi'^Λlob tsa' b^Λ juliyob. Ma'anic chuqui tsi' y^ΛΛyob ti a contra.

²² Com cubin lojon chuqui wola' ñop, come cujil lojon ti pejtelel lum woli' contrajintelob jini mu' bΛ i ñopob che' bajche' jatet. Che' tsi' yΛΛayob judíojob.

²³ Jini judíojob tsi' wΛn ña'tayob baqui ora mi' caj i cha' tilelob. CabΛ tsa' c'otiyob ya' ba' chumul. Pablo tsi' wen subeyob jini wen t'an cha'an i yumΛtel Dios. C'ΛΛΛ ti sac'ajel c'ΛΛΛ ti ic'ajel tsi' wen tsictesΛbeyob i sujmllel Jesús che' bajche' ts'ijbubil ti' mandar Moisés yic'ot ti' jun jini x'alt'añob.

²⁴ Ojlil tsi' ñopoyob chuqui tsi' subeyob. Ojlil ma'anic tsi' ñopoyob.

²⁵ Tsi' t'oxoyob i bΛ ti t'an. Che' bΛ tsa' majliyob, Pablo tsi' subeyob: Isujm chuqui tsi' yΛΛ jini Ch'ujul bΛ Espíritu che' bΛ tsi' c'Λmbe i yej jini x'alt'an Isaías che' bΛ tsi' pejca lac ñojte'el.

²⁶ Tsi' yΛΛ: “Cucu ba'an jini winicob x'ixicob. Subeñob: Mi caj la' wubin t'an, ma'anic mi caj la' ch'Λmben isujm. Mi caj la' q'uel, pero ma'anic mi caj i c'otel la' wut.

²⁷ Come tsa' ochi ti tonto i pusic'al jini winicob x'ixicob. Mach yomobic i yubiñob. Tsi' muts'uyob i wut, ame i q'uelob ti' wut, ame i yubiñob ti' chiquin, ame i ch'Λmbeñob isujm ti' pusic'al, ame i cha' sutq'uiñob i bΛ cha'an mic lajmesañob”, che'en.

²⁸ Ña'tanla, che' jini, wolix i sujbel ba'an gentilob laj coltΛtel ch'oyol bΛ ti Dios. Jini gentilob mi caj i ñich'tañob, che'en Pablo.

²⁹ Che' bΛ tsa' ujtí ti t'an, tsa' majliyob judíojob. Tsi' contrajiyob i bΛ ti cabΛ t'an.

³⁰ Cha'p'ejl jab tsa' ajni Pablo ti' yotot tsa' bΛ i majña. Tsi' pΛyΛ ochel pejtelel tsa' bΛ tiliyob.

³¹ Tsi' subu i sujmllel cha'an i yum Δ ntel Dios. Ti ch'ejlel i pusic'al tsi' c Δ ntesayob i sujmllel lac Yum Jesucristo. Ma'anic majch tsi' tiq'ui.

I T'an Dios
Bible without Deuterocanon in Chol Tumbala; ctu
(MX:ctu:Chol)

copyright © 1977 Wycliffe Bible Translators, Inc.

Language: Chol

Translation by: Wycliffe Bible Translators, Inc.

Chol, Tumbalá [ctu], Mexico

Copyright Information

© 1977, Bible League International

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

The Bible without Deuterocanon

in Chol

© 1977, Bible League International

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-04-22

PDF generated using Haiola and XeLaTeX on 18 Apr 2025 from source files
dated 29 Jan 2022

45de077a-5b47-572a-bd9d-72438a3be945